

A D I T V S  
A D  
LOGICAM.

*In usum eorum qui  
primò ACADEMI-  
AM Salutant.*

---


*Autore SAMVELE SMITH,  
Artium Magistro.*

---

*Editio quarta.*



OXONIAE,  
*Excudebat* GVILIELMUS TOR-  
NER, ipsius impensis. 1634.  
CUM PRIVILEGIO.







# DE NVPERA LONDINENSI EDITIONE,

ad LECTOREM

Προβληκόν.



*Acilè deperdit inju-  
ria nomen qua si-  
lenti sapiùs infer-  
tur; conclamatum  
improbitalis ingenium inter  
licita reponit quicquid impu-  
nè deliquit: faceffit a Tibe-  
riani seculi infælicitas, cum  
in filiorum funere & ipsa pa-  
rentis lachryma capitales: in-  
fra ultionem savit qui factò  
lacef-*

<sup>a</sup> Tacit.  
Annal. l. 6.

# AD LECTOREM.

lacepsitus non nisi querelas re-  
gerit: revivisceret modo pri-  
ma va Comitorum libertas a-  
peritius vapularet Civium li-  
centia, quam & olim infestam  
sensit villana infirmitas; nec  
contarer, vel citato nomine,  
veteri formâ, dicam impin-  
gere, b<sup>o</sup> *Ἐστὶς ἐνταῦθα πάλιν οἱ*  
*τὸς Ἰσχυρὸς τῆδε.* Obstetricante  
quondam Phoebo hunc cere-  
bri factum forsam intempesti-  
vum, edidit hic noster Faber,  
nec ad incudem redigere per-  
misit male feriata quoran-  
dam avaritia; quum nymphea  
vixdum adulta, quam nec ex-  
posuit parens nec abdicavit,  
violentiam intulit raptor Ty-  
pographus; &, indignum, re-  
cla-

b Antiquus  
Author.  
*Ἰσχυρὸς τῆδε*  
stas.

## AD LECTOREM.

clamantem frustra compres-  
sit; vitiatamque virginem pa-  
tri remisit non sine pudore suo  
agnoscendam: Hinc illæ La-  
chrymæ. Quod si felicitatis  
pars sit sociata miseria, eadem  
nobiscum si non & gravio-  
ra passi olim conquestique  
c Schottus, d Grotius, & c Andr.  
c Qui è tota Typographorum Schott. de  
gente τὸν πῆσανον ἀνείλετο: hoc editione  
tantum ultra ceteros hic no- Parisiensi  
ster ingemit, quod sordidior Photii.  
pecuniarum hirudo exemplar In ep. ad  
secutus non ita emaculatum, Proverbia  
libellum recudit solo menda Græca à  
rum numero auctiorem: hinc se edita.  
est quod veniam petere dedig- d De edi-  
natur author, non uno male tione Jan-  
mulctatus dispendio; qui & soniana,  
lucris lib. de Jure  
Græci. Belli An-  
stelod.  
c Epitome  
sui thesauri

# AD LECTOREM

lueri simul fecit & de sancta  
 naufragio periclitatus est; quod  
 tanto iustius in ultionem con-  
 ducit, quanto huius quidem  
 illius gravior iactura. Immo  
 suffragante Theuclide quod sui  
 primitus peculii fuerat postli-  
 minio iure reposeat, f. *Agamem-*  
*non* *ius* quos *is* : & s quod no-  
 strum est sine facto nostro  
 ad alium transferri non po-  
 test. Nec enim consulta moror  
 siqua forsan Ambubaiarum  
 collegia clanculum sanxe-  
 runt; cum s nec privatorum  
 conventio juri publico quic-  
 quam deroget, & quantum  
 ab aequitate etiam antebac for-  
 san experti Quirites nisi Ro-  
 mano iuri privilegio h non  
 alios

f Moschus  
 ei d. a.

g Digest.  
 de reg. ju-  
 ris. l. 11.  
 & l. 43.

b Avitus  
 apud Ta-  
 citum An-  
 nal. l. 16.

## AD LECTOREM.

alios Judices quàm seipfos  
paterentur. *Vicunque discas  
audacula ignorantia, non i-  
dem semper bonestum quod  
licitum, & immunitas pluri-  
ma immane quantum ab  
innocentia distent.*

---

ADITUS

---

AD LECTOREM

alios Indices quatuordecim  
partium. Vnde quatuordecim  
etiam sunt signa, quae  
sunt semper eadem, quod  
in his, & in multis aliis  
et in multis quatuordecim  
partibus.

ADITUS

A  
oile  
189  
m  
ch  
il

ti  
c  
ci  
in





# ADITVS AD LOGICAM.

## LIB. I.

### CAP. I.

#### *De Definitione & Divisione Logica.*

**L**OGICA est Scientia *Logica de-*  
de quovis themate pro-*finitio.*  
babiliter, & angustè  
differendi. *Vel ut plani-*  
*us dicam*; Logica est ar-  
tificiosa & methodica præceptorum  
comprehensio, quâ cognoscimus suc-  
cinctè ratione uti ad fidem faciendam  
in qualibet re probabili.

*Note.* —

Differt à *Grammatica*, quia hæc congruè dicere, illa secundum veritatem differere; à *Rhetorica*, quia hæc palmâ expansa, id est, fusè & ornatè, illa pugno contracto, id est, strictè & angustè argumentari docet.

Argumentari verò dicitur, non quòd tota *Logicæ* vis in argumentatione est sita;

Tria enim sunt *Logicæ* munera

}	Definire obscura,
	Dividere universa,
	Ratiocinari de verisimilibus:

sed cùm inter ista & plura alia *Logicæ* munera, quæ istis superaddat hujus artis studiosus primas semper obtinuit *Argumentatio*, ejus solùm in definitione mentionem fecimus, reliqua minoris precii officia reticentes magis quam rejicientes.

*Quare Logica de probabilibus dicitur argumentari.*

Atque ut quælibet *Logicæ* pars non docet argumentari, sed sola ultima, ita ultima non docet de qualibet re argumentari, sed solum de probabili; vel quòd probabilium argumentorum major est copia, quàm necessariorum, & proinde a parte uberiori sumitur definitio, vel quia necessaria non sunt omninò *Logicæ* considerationis. Quatuor enim sunt teste *Aristotele* de quibus

quibus non est differendum. 1. Ea quæ poenam merentur, ut an Deus sit colendus. 2. Quæ sensui sunt obvia, ut An nix sit alba. 3. Quæ à nobis longè sunt amota, ut An sit aliquid supra cælum ultimum. 4. Quæ possunt demonstrari, ut An homo sit risibilis: quum igitur manifestè vera & manifestè falsa aut demonstratione probari, aut sensu percipi possunt; restat, ut solæ probabiles sint Logice considerationis, aut necessariorum, quatenus speciem præ se ferunt probabilitatis, & pro nostri conceptus imbecillitate nobis videntur probabiles.

Tota Logica in tres partes dividitur; prima agit de vocibus simplicibus; secunda de complexis; tertia de discursu: ut enim pueruli ABCdarii primò literas & syllabas noscere, inde notas conjungere, ultimò conjunctas legere sunt erudiendi: ita tyrones Logici primò edocendi sunt, quid est vox, quomodo formetur, & quos usus in Logica habet; secundò quomodo ex vocibus simplicibus fiat propositio, & quæ sunt ejus affectiones; ultimo ex quibus propositionibus extruendus est syllogismus: quæ omnia dum nos (annuente Deo) tribus libris ostendere

*Generalis  
divisio Logica.*

dere auspicamur, constructionis ordinem sequemur, & à voce simplici exorſi, indeque ad propositionem progressi, in discursu demum consistemus.

## CAP. 2.

*De Definitione & Divisione vocis.*

**V**<sup>1</sup> *vocis* natura, quæ primi & secundi Libri natura est, melius dignoscatur, ab ejus definitione & divisione exordium sumemus, ut quid sit de quo agitur omnibus innotescat.

*Vocis definitio.*

Vox est signum rei & conceptuum ex instituto divino aut humano, certa literarum aut syllabarum conformatione scriptum, aut pronunciatum.

*Tria ad vocem requisita.*

Ad vocem Logicam tria præcipuè requiruntur. Primò, ut sit significans, unde infantium voces propriè non sunt voces, quia non sunt signa rerum. Secundò, ut non significet naturaliter, sicut risus apud omnes letitiam, fletus, maestitiam designat sed ex instituto vel divino, ut lingua Hebræa; vel humano, ut reliquæ omnes à Babelis everſione exorte. Tertio, ut conformetur literis & syllabis, siue scribatur, siue pronuntietur;

tietur; Unde differt à sono, quòd so- *Quomodo*  
 nus est collisio duorum corporum so- *vox differt*  
 lidorum, sed vox non nisi naturalibus *à sono.*  
 instrumentis formetur his versibus  
 comprehensis.

*Instrumenta novem sunt, guttur, lin-*  
*gua, palatum.*

*Quatuor & dentes ac duo labra simul.*

Multifariam dividitur Vox; primò  
 in Simplicem & complexam.

*Prima vo-*  
*cis divisio.*

Vox simplex est, cujus nulla pars  
 quicquam separatim significat ut *veri-*  
*tas, domus*; licet enim *Do* & *mus* sepa-  
 ratim sumpta, ut sunt per se vocabula  
 aliquid significant, prout tamen sunt  
 partes illius vocabuli *Domus* nihil se-  
 paratim designant.

Vox complexa est, quæ ex duabus *Lib. 2.*  
 sive pluribus simplicibus conflatur, ut  
*Armata veritas*; de hac voce fusius in  
 sequentibus agemus.

Vox simplex rursus subdividitur in  
 Concretam & Abstractam.

Vox concreta est, quæ res conjun-  
 ctim significat; ut album *parietem, ho-*  
*minem aut tale aliquod subjectum con-*  
*significat cum albedine ei dem inheren-*  
*te.* Abstracta est, quæ rem separatim  
 significat, ut albedo *qualitatem notat*  
*nulli subjecto inherentem.*

*Divisio se- cunda.* Secundò dividitur in primæ { notionis, seu  
 { securi- { propositio-  
 { dx { nis.

Vox primæ intentionis est, quæ aliquid extra animum significat, & rei primò est imposita; ut *Aurum, virtus*.

Vox secundæ notionis est, quæ non immediatè rem, sed modum aliquem seu instrumentum, quo mediante res intelligitur, denotat; ut *Genus, Species, omnesque voces artis*. Sic in Grammatica, *lapis est* vox primæ notionis: sed quando dicimus lapis est nomen, [*nomen*] erit vox secundæ notionis; sic in Logica *animal* est vox primæ notionis naturam realem animalis significans, sed ut est *Genus* est vox secundæ intentionis.

*Divisio tertia.* Ultimò vox dividitur in Commune & Singularem.

Vox singularis est quæ uni tantum rei attribuitur, ut *Oxonium unius Academicæ, Socrates unius hominis nomen est*. Hæc vox apud Logicos vulgò appellatur Individuum: & quadrifariam

*Individuum  
 Quadruplex.*

dividitur in { Vagum, Signatum,  
 { Demonstrativum,  
 { Ex hypothesi.

1 Individuum vagum est vox communis, quæ aliquo quidem modo sed imperfectè

imperfectè ad rem singularem restringitur: sic si dicam *quidam homo*, verbum illud *quidam* hominem restringit, ita tamen ut quis intelligatur nobis sit incognitum.

2. Determinatum est quod ad determinatam & certam rem singularem significandam ex arbitrio imponendum est institutum; suntque propria rerum nomina, ut *Gabriel, Alexander, Bucephalus*.

3. Individuum demonstrativum est quando terminum communem cum pronomine demonstrativo sumimus, ad unum aliquod particulare designandum; ut *Hic homo*.

4. Individuum ex hypothese seu suppositione est, quando universale & commune nomen factâ suppositione aliquâ, non nisi de uno prædicatur, ut *Sophronisci filius*. Qui ex se quidem est terminus communis, sed quia juxta veritatem uni solum nimirum *Socrati* competit, secundum hanc suppositionem, quod *Sophroniscus* *Socratem* solum genuerit, Individuum dicitur, & rem singularem designat.

Alia apud alios Authores recensentur Individua, ut *Individua rer' è Gen'is*, ut poeta pro *Virgilio*, aut *pe-*

## Aditum ad Logicam. LIB. I.

casibus, ut fluvius septemfluvius pro Nilo; quæ ad aliquod dictorum individuum nullo cum negotio reduci possunt.

Vox communis est, quæ multis communicatur, sic homo de hoc & illo homine prædicatur, & animal huic & illi animali attribuitur.

De voce singulari nulla tractat disciplina, & proinde Plato nos acquiescere jubet, cum semel ad ipsam devenit. Communis verò est hujus primi Libri subiectum, quem obinde in duos tractatus partiti sumus, quorum primus ager de Prædicabilibus, posterior de Prædicamentis. Prædicabile enim à Prædicamento differt; primò, quia Prædicabilia sunt recepta, & res contentæ; at Prædicamentorum gradus sunt receptacula, & res continentes: secundò, Prædicamenta sunt primæ notiones, & Prædicabilia secundæ: ultimò, quoniam Prædicamenta sunt res quæ prædicantur, Prædicabilia ostendunt, quomodo prædicantur; de utrisque suo loco agemus, & primò de Prædicabilibus.

*Quomodo  
Prædicabile  
à Prædicamento  
differt.*



## CAP. III.

## De Prædicabilibus.

**P**Rædicabile est vox communis, quæ *Prædicabile*  
 de pluribus aptè nata est dici, ut *Animal de Homine & Bruto. le quid.*  
*Dicimus*  
 quod hæc vox aptè nata est dici, seu  
 quod idem sonat, *habet potentiam*  
*prædicandi de pluribus*, quia licet actu  
 quandoque de uno tantum prædica-  
 tur, *ut animal de Socrate in hac proposi-*  
*tione, Socrates est animal*, potentiam  
 tamen habet de pluribus prædicandi,  
*Platone scilicet Aristotele, aut quo-*  
*vislibet alio animali*

Prædicabile verò differt ab Univer- *Quomodo*  
 sali, quod Prædicabile dicitur de mul- *differt ab*  
 tis & universale est in multis; sic *universali.*  
*natura humana dicitur universalis*, quia  
 est in quolibet particulari homine,  
 sed *homo dicitur species*, quia de singu-  
 lis hominibus prædicatur; imò ob eam  
 causam prædicabile dicitur de multis  
 quoniam universale est in multis; ut  
*homo de Socrate & Platone idè præ-*  
*dicatur*, quia humana natura utrisque  
 inest.

Quinque enu- } 1. Genus, 2. Species.  
 merantur præ- } 3. Differentia.  
 dicabilia. } 4. Proprium.  
 } 5. Accidens.

A 5

Genus,

*Quinarius*  
*prædicabi-*  
*lium, num-*  
*merus.*

Genus est prædicabile quod prædicatur de pluribus specie differentibus in Quid. Specie verò ea dicuntur differre, quæ sunt diversæ species ejusdem generis. Sic homo & brutum specie differunt, & de ijs animal ut Genus prædicatur. Prædicari autem in Quid, est respondere ad quæstionem factam per Quid; interroganti enim quid est homo? ritè responderetur Animal.

Quid genus.

Genus trifariam dividitur primò in

Summum.

Subalternum.

Prima divisio generum.

Genus summum est quod nunquam potest esse species, seu quo nullum datur aliud superius genus, ut Substantia, Quantitas, &c. totidem enim sunt summa genera quot sunt prædicamenta.

Subalternum est quod aliquando est genus, aliquando species; & ideo dicitur subalternum quod alternis vicibus Genus est & Species; Genus respectu inferiorum, & Species respectu superiorum; sic Substantia est Genus summum, Corpus subalternum; genus enim est respectu corporis simplicis & compositi, & species respectu Substantiæ.

Divisio secundæ.

Secundò dividitur Genus in

Proximum.

Remotum.

Proximum

Proximum est quod proximè speci-  
ei adjacet.

Remotum longius à specie distat,  
*sic corpus est remotum, animal est proxi-  
mum hominis genus.*

Tertiò Ge- nus est vel	$\left. \begin{array}{l} \text{Perfe-} \\ \text{ctum} \\ \text{Imper-} \\ \text{fectum} \end{array} \right\}$	$\left. \begin{array}{l} \text{five} \\ \end{array} \right\}$	$\left. \begin{array}{l} \text{Univo-} \\ \text{scum} \\ \text{Analo-} \\ \text{gum.} \end{array} \right\}$	<i>Divisio ter- tia.</i>

Genus perfectum est quod æquali-  
ter communicat naturam suis inferiori-  
bus, *sic animal dicitur genus perfe-  
ctum*, quia æquè primò homini convenit,  
& bruto: brutum enim est æquè  
corpus animatum ac homo.

Imperfectum genus est quod utrif-  
que speciebus communicatur, sed al-  
teri magis, alteri minus; ita *substantia*  
*de natura entis magis participat, quàm*  
*accidens*; accidens enim omnino non  
esset, nisi Substantiæ inesset.

Species est prædicabile quod prædi-  
catur de pluribus numero differentibus  
in Quid. *Ut homo, fortitudo. Numero*  
*verò dicuntur differre, quæ sunt indi-*  
*vidua & numerando solum sunt diver-*  
*sa, ut Plato & Socrates, qui in huma-*  
*na natura simul conveniunt, sed nu-*  
*merando hunc Platonem ab illo Socra-*  
*te diversum esse dicimus.*

*Quid Spe-  
cies.*

Bisariam

Bifariam dividitur y Perfectam.

Species primò in Imperfectam.

*Prima ejus  
divisio.*

Perfectæ dicuntur species, quæ sub  
perfecto genere continentur; ut *Homo*  
& *brutum sub animali.*

*Divisio se-  
cunda.*

Imperfectæ sunt, quæ una per-  
fectam, altera imperfectam generis  
participationem habet, sic *substantia*  
*plus habet de natura entis quàm acci-*  
*dens.*

Secundò, Speci- y Subalternam.

es partitur in Imam.

Species subalterna cum genere sub-  
alterno in omnibus consentit.

Ina species semper est species &  
nunquam Genus, ut *Homo*, & hæc sola  
in præsentiarum consideratur.

*Quid diffe-  
rentia.*

Differentia est prædicabile quod  
prædicatur de pluribus specie vel nu-  
mero differentibus in Quale quid. Di-  
citur prædicari *De pluribus specie*  
*differentibus* propter differentiam ge-  
nericam, de *pluribus numero differen-*  
*tibus* propter differentiam specificam;  
*Et in Quale Quid*, quia essentialem  
qualitatem notat ut *rationale*.

*Prima ejus  
divisio.*

Tribus modis y Communem,  
dividitur; pri- y Propriam,  
mò in y Maxime propriam.

Communem voco quæ sumitur ab  
acci-

Communiem voco, quæ sumitur ab  
accidente communi *sic idem à seipso  
potest differre*. Socrates enim puer à  
seipso jam grandævo differt. Propri-  
am, quæ sumitur ab accidente proprio;  
*sic ocularis Oedipus à seipso oculis cap-  
to distinguitur* Maxime propriam (quæ  
maxime ad propositum nostrum spe-  
ctat) jam voco quam jamjam definivi-  
mus, duæ enim priores differentie so-  
lummodo αλλοθεν qualitate diversum  
aliud ab alio facit, hæc αλλο seu essen-  
tialem quandam discrepantiam con-  
stituit, ut *rationale inter hominem &  
brutum*.

Secundo diffe-  
rentia, illa sci-  
licet quam nos  
maxime pro-  
priam voca-  
mus in

Genericam.

dividitur

Divisio se-  
cunda.

Specificam.

Generica est, quæ de pluribus spe-  
cie differentibus dicitur ut *sensibile de  
homine & bruto*.

Specificæ est, quæ de pluribus nu-  
mero differentibus prædicatur, ut *ra-  
tionale de Socrate & Platone*.

Tertiò divi-  
ditur in dif-  
ferentiam

Divisivam quæ dividit  
genus. Constitutivam  
quæ speciem constituit.

Divisio  
tertia.

Notan-

Notandum verò est quòd eadem differentia differenti ratione & divi-  
siva esse potest & constitutiva: Divi-  
siva scilicet ratione sui superioris gene-  
ris, sed constitutiva respectu speciei: ut  
*rationale dividit animal, & constituit*  
*hominem.*

Tria hæc prædicabilia clariùs elu-  
cescent si arborem illam quam vocant  
Porphyrinam istis subjunxero.

## Substantia.

Incorporea

*Spiritus*

Corporea

*Corpus.*

## Corpus

Compositum

*Compositum*

Simplex

*Elementum.*

## Compositum

Animatum

*Animatum.*

Inanimatum

*Lapis.*

## Animatum

Sensibile

*Animal.*

Insensibile

*Planta.*

## Animal

Rationale

*Homo.*

Irrationale

*Brutum.*

## Homo.

SOCRATES.

PLATO.

CAESAR.

In

In hac serie *Substantia* est summum genus, *Homo* est species infima, *Corpus*, *Compositum*, *Animatum*, *Animal*, sunt genera subalterna, *Incorporea*, *Corporea*, *Compositum*, *Simplex*, *Animatum*, *Inanimatum*, *Senfile*, *Insenfile*, sunt omnes differentiae genericae, *Rationale* & *Irrationale* specificae, utraque verò pro diversa ratione & divisivae esse possunt & constitutivae. *Socrates*, *Plato*, *Cesar*, sunt individua, sic dicta quòd ulterius dividi nequeunt.

Proprium est quod omni soli semper & convertibiliter accidit subjecto, ut *visibile homini*: Accidit omni, id est, omni individuo, & soli, hoc est, soli speciei, & semper scilicet quoad potentiam; licet enim homo semper actu non ridet, potest tamen ridere, si aliquod lepidum objiciatur; denique necessariò & convertibiliter accidit, quia fluit à principiis essentialibus speciei materiae scilicet & formae totius compositi, ut *visibilitas ab anima rationali cum corpore humano unita*.

Accidens est quod potest ad esse & abesse sine subjecti interitu, ut *albor à dens. pariete*.

Duplex { Separabile quod actu potest  
est: . | separari, ut *calor ab aqua*.

In-

*Divisiones ejus.*

[ Inseparabile, quod non re ipsa  
sed intellectu solum separa-  
tur, ut *candor à cygno*.

Aliàs etiam dividitur Accidens in  
Prædicabile & Prædicamentale.

Accidens prædicabile est quod con-  
trà distinguitur Proprio, sic *risibile est  
proprium, sed non accidens*. Prædica-  
mentale est quod opponitur Substan-  
tiæ, sic omnia prædicamenta, Sub-  
stantiâ solum exceptâ, sunt acciden-  
tia, & in hoc sensu proprium dicatur  
Accidens, id est, non substantia,

Finis jam de prædicabilibus tra-  
ctatione, ipsa prædicamenta sequuntur  
enucleanda, prælibatis solum quibus-  
dam ad cognitionem prædicamento-  
rum necessariis, quæ obinde ab Ari-  
stotele vocantur Antepædicamenta &  
proximo in loco intercedunt pertra-  
ctanda.

#### CAP. IV.

##### *De tribus Definitionibus.*

**T**Ractatus de prædicamentis in tres  
partes dividitur, quarum prima agit  
de Antepædicamentis, secunda de  
Prædicamentis ipsis, ultima de Post-  
præ



prædicamentis: de singulis suo ordine.

Antepredicamentum est præmi-  
ale documentum valens ad cogniti-  
onem prædicamentorum à priori.

*Antepredi-  
camentum  
quid.*

Tria in genere sep-  
tem in specie sunt } Definitiones tres. *Quot sunt*  
antepredicamenta } Divisiones duæ. *antepredi-  
camenta.*  
Regulæ Duæ.

Prima definitio est Æquivocorum, Æquivoco-  
quæ hunc in modum ab Aristotele de-  
finitur. Æquivoca seu Homonyma  
sunt, quorum nomen solum est com-  
mune, sed ad illud nomen accommo-  
data definitio alia est atque alia, quem-  
admodum *Canis*.

Æquivocantia, nomina *Æquivoca*  
scilicet communia, ut *Canis*. *duplicia.*  
Æquivocata, quæ sunt  
res per illa nomina sig-  
nificantur, ut *Canis mari-  
nus, celestis, domesticus.*

Æquivoca verò hoc in loco defini-  
ta sunt æquivocata, quæ ab uno æqui-  
voco æquivocante ut à nomine com-  
muni dependent.

Ad æquivoca sicut ex definitione *Tria ad æ-*  
colligitur tres requiruntur conditio-  
nes. Prima est, ut unum habeant no-  
men commune, id est, ut æquivoca in  
uno æquivoco æquivocante conveni-  
ant; Secunda ut diversa sit æquivoca-  
torum

torum definitio & diversus conceptus; Tertia ut illa æquivocatorum definitio ad æquivocum æquivocans applicetur, & illius ratione dicatur diversa, v. g. *Canis marinus & domesticus*, in uno communi nomine conveniunt, quod ambo vocantur *Canes*: sed diversas sortiuntur definitiones & conceptus; illa enim est *Canis qui extra aquas, hic qui intra aquas degere non potest*, & licet ambo ratione alicujus tertii dicantur univoca, & eandem sortiuntur definitionem, ut ratione animalis uterque dicatur corpus animatum sensibile, hæc tamen definitio non est ad idem nomen accommodata, scilicet ad æquivocum æquivocans, *Canem*.

*Nota.*

Notandum autem est quod æquivocatio semper sumenda est respectu rerum verè existentium, nam si latius extendatur ad res apparentes, fictas, aut pictas, quodlibet vocabulum erit ambiguum; nihil enim est quod non fingi potest aut pingi.

*Definitio  
Univoco-  
rum.*

Secunda definitio est Univocorum. Univoca autem sunt quorum & nomen commune est, & ad illud nomen accommodata definitio est eadem; sic *homo & bos* in uno communi nomine conveniunt, quod ambo appellantur

tur *animalia*, eandemque definitionem habent ad univocum univocans applicatam, quia *brutum est corpus animatum sensibile, non aliter quàm homo.*

Univocantia, nomina scilicet communia, *Univoca duplicia.*  
 Univoca sunt ut *Animal.*  
 duplicia Univocata, quæ sunt res significatæ, ut *homo, brutum.*

Æquivoca & univoca in eo conveniunt, quòd ambo habent unum nomen commune: sed differunt quòd æquivocorum solum nomen commune est; univocorum verò tum nomen tum definitio.

Inter æquivoca & univoca media sunt Analoga, quippe quæ nec planè eandem, ut univoca, nec prorsus diversam ut æquivoca definitionem sortiuntur, sed naturam suam secundum prius & posterius analogatis communicant: sic *Ens de Substantia dicitur, & ratione Substantiæ de Accidente; sic sanitas medicine, urine, & animali attribuitur, cujus illa quidem causa, ista signum, hoc verò subjectum dicitur.* *Analoga.*

Tertia definitio est Denominativorum, Denominativa verò dicuntur quæ *Definitio denominativorum.*

quæcunque ab aliquo ita ut casu differant, nominis appellationem habent, ut à fortitudine fortis.

*Duo ad denominativa requiruntur.*

Ad denominativa duo requiruntur, primò, ut ab aliquo nomine appellationem habeant, id est, ut ab aliquo vocabulo deriventur: secundo, ut ab eodem nomine casu, hoc est, ultimâ seu finali syllaba differant, unde *Grammatica ars* & *Grammatica mulier* non habentur denominativa, quia casu non differunt, & proinde inter æquivoca sunt enumeranda.

*Denominativa triplicia.*

Denominativa sunt triplicia

1. Re tantum, ut *virtus* & *studiosus*.

2. Voce tantum, ut *vinum* & *vinolentus*.

3. Re & voce simul, ut *vinum* & *vinosus*: quæ sola in præfentiarum definiuntur.

*Tria ad denominationem requisita.*

Ad omnem denominationem tria requiruntur, Nomen Substantivum, quod vocant Denominans: Nomen Adjectivum, quod est denominativum: Subjectum, quod vocatur denominatum: ut quâdo dicimus *Cæsar est Iustus*, *Cæsar* est Denominatum, *Iustus* Denominativum, *Iustitia* Denominans, quæ *Cæsari* in hærens facit ut ipse *iustus* denominaretur.

CAP.

## CAP.

## De duabus Divisionibus.

**D**Uæ sunt Divisiones, una vocum,  
altera rerum.

Incomplexam quæ sine *Prima di-*  
conjunctione effertur, ut *viso vocum*  
Vox divi- *homo, vincit.*  
ditur in } Complexam quæ ex  
simplicibus conflat, ut  
*homo vincit.*

Tribus modis vox  
Complexa & in- } Re tantum.  
complexa dicitur } Voce tantum.  
vel } Re & voce si-  
mul.

*Tribus mo-  
di vox cõ-  
plexa &  
incomplexa  
dicitur.*

Vox illa quæ sub uno nomine plures  
significationes complectitur, est voce  
tantum simplex, re tantum complexa,  
ut *Canis* licet sit voce simplex, res ta-  
men plures in ea voce latent.

Cum plures voces ad unam rem  
simplicem exprimendam conjungun-  
tur ob defectum proprii nominis, vox  
est re simplex & voce tantum com-  
plexa, ut *corpus animatum.*

Quando simplex dictio rem simpli-  
cem significat, vocatur vox re & voce  
simplex, ut *homo*. Re & voce complexa  
est, cum plures voces ad multas res sig-  
nificandas destinatur, ut *Labor omnia*  
*vincit*

*vincit. Index est animi sermo.*

Estque vel { Distant.  
Indistant.

**Indians.**

Distans est cujus extrema copula  
verbali vel conjunctionali uniuntur, ut  
*Homo est Animal.*

Indistans est cujus extrema compo-  
nuntur, ut determinatum & determi-  
nabile; ut *Homo justus*.

**Nota.**

**Ex omnibus complexis, complexum voce tantum in Prædicamentis reponitur: ex omnibus incomplexis, incomplexum voce tantum excluditur.**

Quadruplex divisio  
verum.

Res om  
nes sunt  
vel

**Substan-**  
**tiæ,**

### Acciden- tia.

Univer-  
salia.

**Particularia.**

**I** Universales substantiæ, dicuntur de subiecto, sed non sunt in subiecto, ut homo de Socrate & Platone dicitur, sed nulli subiecto inheret.

2. Particularis substantia, nec dicitur de subjecto, nec est in subjecto, quia est individualis substantia, ut Socrates.

3 Universalia accidentia dicuntur  
de & sunt in subiecto; ut albedo de hoc  
et illa albedine dicitur, et homini, pa-  
rieri, aut navi inesse.

4. Particulare accidens, de subiecto  
nullo

nullo dicitur, sed in aliquo est: ut *hec albedo in Socrate*.

Illud verò in subiecto esse dicitur, *Inesse in* quod cum in aliquo non quasi pars sit *subiecto*. non tamen potest esse sine eo, cui inest.

In qua definitione tres ordine continentur inessendi conditiones. *Tres inessendi conditiones.* Prima est, ut in aliquo insit, id est, ut in-  
hæsiuè sit in subiecto, & non ratione intentionis, ut *res est in fine*, qui inten-

ditur; nec ratione gubernationis, ut *rex in regno*; nec ratione locationis, ut

*locatum in loco*. Secunda, ut non sit ejus pars, unde *nec genus in specie nec spe-*

*cies in genere propriè inesse dicatur*, quia illud est speciei pars materialis vicem materię supplens, hæc generis pars subiectiva & ipsi subordinatur.

Tertia, ut non possit esse sine eo cui inest; unde *vestes & arma propriè corpori non insunt*, quia esse possunt corpore sublato.

Octo sunt inessendi modi his ver-  
ficulis comprehensi.

*Insunt* 1. Pars, 2. Totum, 3. Genus,

4. Species, 5. Calor ignis.

6. Rex in regno, 7. Res in fine, 8. lo- *Modi inessendi 8.*  
coque locatum.

Ex his omnibus modis ille solum  
est intelligendus, qui est; ut calor in

B

igne

signe, id est, inhæsiuè ut accidens in  
 subjecto; reliqui omnes contra unam  
 aut alteram ex dictis inestendi condi-  
 tionibus offendunt.

*Subjectum duplex.* Præterea opere-pretium est notare  
 quod duplex est subjectum, unum  
 prædicationis, alterum inhæsi-  
 onis. Subjectum prædicationis est quod a-  
 licui universali subicitur; sic homo ani-  
 mali, animal corpori, corpus substantie  
 subordinatur. Subjectum inhæsi-  
 onis est, quod æcidenti alicui subicitur; ut  
 sustentaculum quo sustentatur; sic al-  
 bedo est in pariete, à pariete enim su-  
 stentatur, ipsoque absumpto, consumi-  
 tur eadem albedo.

*Nota.* Ubique verò in dicta rerum di-  
 visione inveniuntur hæc verba [*Di-  
 cuntur de subjecto*] intelligendum est  
 subjectum prædicationis. ubi autem  
 illa verba [*Sunt in subjecto*] subaudire  
 debemus subjectum inhæsi-  
 onis.

## CA P. VI.

### De duabus Regulis.

*Reg. I.* **D**Uæ sunt Regulæ, quarum prima  
 est Quodcumque dicitur de prædi-  
 cato, idem dicatur de subjecto.



*Socrates sit homo, & animal de homine dicatur, ut etiam de Socrate predicetur necessum est.*

Mulæ sunt hujus Regulæ limitationes, inter quas istæ notari dignissimæ.

*Exceptiones.*

Primò, ut non sit progressus à vocibus ad res, id est, à vocibus primæ ad voces secundæ intentionis; unde non sequitur, *Animal est genus, Homo est animal, ergo, Homo est genus*. Secundò, ut non sit transitus ab uno latere seriei prædicamentalis ad aliud latus, unde non sequitur; *Homo est animal, Animal est vel rationale, vel irrationale, ergò, Homo est vel rationalis, vel irrationalis.*

Tertiò, ut non procedatur à concreto ad abstractum, unde non sequitur, *Homo est Justus, Justitia est qualitas, ergo, Homo est qualitas.*

Secunda Regula Antepredicamentalis in duas partes distrahitur. Prima est, diversorum generum non subalternarum positorum diversæ sunt species & differentię; *hic species & differentię Qualitatis diversæ sunt à speciebus, & differentiis Substantię aut Quantitatis.* Secunda est, Generum subalternarum positorum, nihil

*Reg. 2.*

prohibet, easdem esse species & differentias, sic corporea est differentia corpus constituens, quæ corpori composito, animato, sensili attribuitur, quia hæc omnia ipsi subordinantur.

## CAP. VII.

*De Prædicamentis in genere.*

*Prædicamentum  
Quid.*

**A**bsolutis Antepædicamentis ad ipsorum prædicamentorum tractationem perveniendum est; perspectâ primò generali eorum naturâ, ut quid postea de singulis sit dicendum cogniturum habeamus.

Prædicamentum est vocum res simplices exprimentium ordinata quædam series.

*Quomodo  
res, et quomodo  
voces  
in serie  
prædicamentali  
reponuntur.*

Ex hac definitione constat, quod res & voces ad seriem prædicamentalem constituendam simul conveniunt. Res enim ut sunt res apud Logicos non considerantur, sed quatenus sunt vocum fundamenta, sic corpus naturale in Substantia ponitur, & in illius serie consideratur, sed non ut ex principiis, materia scilicet aut forma constat, nec ut affectiones habent, in motu nimirum, in loco, in tempore esse, sed

sed ut est fundamentum secundæ intentionis, seu ut est Genus quod per differentias divisivas potest dividi. Ut enim medico oculus curaturo necessarium est aliquam licet non exquisitam oculi cognitionem habere; ita in Logico requiritur, ut tantam rerum cognitionem haberet, quanta sufficeret ad notiones secundas super easdem fundandas & stabiliendas.

Quodcunque verò in serie prædicamentali reponitur est ens reale & positivum, simplex & per se unum, universale, completum, finitum, Voce distinctâ ac certâ significatum.

*Qua collocanda sunt in serie prædicamentali.*

*Hinc excluduntur.*

*Vox artis, consignificans, privatio, fictum,*

*Qua excludenda.*

*Pars, Deus, excedens, complexum, seu polysemon.*

*Ista Categoriis non possunt verba locari.*

Excluditur Vox Artis, quia est notio secunda seu ens rationis, quod nobis non cogitantibus non existit, ut Zodiacus, Genus Prædicamentum.

Deus, quia propter suam eminentiam sub genere non est, & differentiâ constituyente caret, ita ut magis sit supra seriem, quàm in serie.

Consignificans, quòd nihil cetum significat, ut sunt adverbia, nomina partitiva, interrogativa, universalia, & particularia signa, ut *omnia*, *aliqui*, *quidam*, *nullus*.

Privatio quia non denotat ens positivum, sed rei absentiam, ut *tenet*.

Fictum præcipue impossibile, quòd nihil in rerum natura ponit.

Pars præsertim essentialis & integralis, quia non sunt entia completa.

Excedens seu transcendens, quia per omnia Prædicamenta pervagatur, ut *Ens*, *aliquid*, *unum*, *bonum*, *verum*.

Complexum re & voce simul, quia unam rem simplicem non significat, ut *homo albus*.

Polysemon seu æquivocum ante factam distinctionem, ut *Canis*.

Observandum est denique, quòd ex his quæ in serie prædicamentali reponuntur, quædam sunt  $\chi^{\text{I}}$   $\beta\delta\theta$ , quædam  $\chi^{\text{I}}$   $\mu\alpha\tau\theta$ , id est, quædam in serie directa, ut *genera* & *species*, quædam collateraliter, ut *differentie* collocantur, quædam etiam propter indivisibilitatem naturæ in serie propriè non sunt, sed veluti graduum bases & statumina substernuntur, ut Individua omnia quæ perfectè nec dividi

Rerum col-  
locatio in  
prædica-  
mentis.

vidi: possunt nec definiti.

Decem ab Aristotele enumerantur Prædicamenta, seu rerum capita; nec datur ens aliquod finitum & completum quod sub uno horum non comprehendatur. *Prædicamentorum numerus.*

Horum unum est substantiæ, Substantia vulgò dictum, novem verò accidentis, 1 Quantitas, 2 Qualitas, 3 Actio, 4 Passio, 5 Relatio, 6 Ubi, 7 Quando, 8 Situs, 9 Habitus.

Singulorum exempla sunt hoc disticho inclusa 1 Arbor, 2 Sex, 3 Servos, 4 Fervore, 5 Refrigerat, 6 Uflos.

7 Ruri, 8 Cras, 9 Stabo, nec 10 Tunicatus ero.

Ex his quædam sunt absoluta prædicamenta, quæ obinde vocantur Principalia, & sunt tria, Substantia, Quantitas, Qualitas; cætera septem sunt minus Principalia, quia notant respectum aliquem inter duas res, ut Relatio quæ connotat respectum inter relatum, & correlatum; Actio & Passio, quæ resultant ex unione alicujus qualitatis cum substantia; Ubi & Quando, quæ oriuntur ex Substantia considerata cum circumstantiis Loci & Temporis, Situs qui fit ex respectu

*Divisio.*

partium ad totum, Habitus, qui procedit ex applicatione integumenti ad corpus.

## CAP. VIII.

## De Substantia.

*Substantia  
definitio.*

**I**Nter prædicamenta primas semper obtinuit Substantia, quòd omnium accidentium est fundamentum.

Substantia verò definitur ens per se subsistens accidentibus subiectum: ut homo, quia nulla re nifus, albedinis, virtutis, & id genus aliorum accidentium est fundamentum.

*Eius divi-  
sio.*

Substantia est duplex: Prima, vel Secunda.

*Substantia  
prima.*

Substantia prima, quæ maximè & propriè substantia dicitur est quæ nec est in subiecto, nec dicitur de subiecto: non est in subiecto, quia est substantia, nec dicitur de subiecto, quia est individuum, ut *Socrates, hæc arbor.*

*Cur ita di-  
sta.*

Individua enim primæ substantiæ dicuntur duplici de causa: primò, quia substant reliquis omnibus rebus, sive sint accidentia quæ eis inhzrent, sive secundæ substantiæ, quæ de ipsis prædicantur, & in ipsis existunt: secundò,

quia

quia singularia primò feriunt sensus, prius enim *Socratem* videmus quàm *hominem*, primariò enim & per se Individua agunt & sentiuntur.

Secundæ Substantiæ sunt prima-  
um genera & species: ut *Homo*, *Corpus*, *Animal*: & idè vocantur Secundæ,  
quia secundo loco vi intelligentiæ no-  
stræ ex primis colliguntur: videndo e-  
nim *Socratem*, *Platonem*, & alios par-  
ticulares homines, quid homo illorum  
species sit statim colligimus.

*Substantia  
secunda.*

*Quare sic  
appellata.*

Inter secundas verò eæ magis sub-  
stantiæ dicuntur, quæ primis sunt vi-  
ciniore, ut Species suis generibus.

*Nota.*

Proprietates ejus sex sunt.

Substantia non est in subiecto, ni-  
mirum inhæSIONIS, sic enim duo cor-  
pora essent in eodem loco. Melius  
nullo modo hæc proprietas exprimi  
potest, quàm supponendo hominem  
per fores clausas & non cedentes pe-  
netrare potuisse, quod si fieret, duo  
corpora in ipso transitu eodem loco  
comprehenderentur.

<sup>1</sup>  
*Proprietas.*

Secundæ Substantiæ, & earum diffe-  
rentiæ univocè de primis prædican-  
tur. Univocè verò prædicari] est attri-  
bui primis, & secundum nomē, & no-  
minis rationem, sic *Animal*, & quod

<sup>2</sup>  
*Proprietas.*

animal constituit sensibile, de Socrate predicatur, & secundum nomen, quia Socrates est animal, & nominis rationem, quia Socrates est corpus animatum sensibile, quæ est animalis definitio.

3  
Proprietas.

Omnis Substantia videtur significare hoc aliquid. Hoc singularitatem, aliquid substantiam significat, ita ut sensus sit, Omnis Substantia singularem & substantialem essentiam designare videtur; quod quidem revera cernitur in primis Substantiis. Nam Socrates singularem Substantiam denotat, & solum videtur esse in secundis, quatenus nimirum de primis predicantur: ut quando dico Socrates est homo: Homo quodammodo Socratem, & ita singularem substantiam significare videtur.

4. 5.  
Proprietates.

Substantiæ nihil est contrarium. Non recipit magis aut minus. Utræque hæ proprietates sunt intelligendæ de substantia quoad ejus essentiam, & non secundum qualitates ipsi inhærentes. Ignis enim aquæ contrariatur: & hæc aqua illa magis minusve calida dicatur: sed hoc accidit propter calorem & frigus, in subjectis, & non ratione ipsorum subjectorum, quæ nunquam



nunquam sibi invicem contrariantur.

Substantia una & eadem numero  
permanens est contrariorum suscep- 6.  
tibilis, id est, Quamvis Substantia ni- Proprietas.  
hil habet sibi contrarium, in se tamen  
successivè, in gradibus intensis, aut si-  
mul in remissis, eadem recipere potest,  
quatenus est eorum fundamentum, sic  
eadem aqua quæ nunc valde calida  
est, statim erit frigida. Excipiendæ Exceptio.  
verò sunt illæ substantiæ, quæ unam  
qualitatem naturaliter impressam  
habent: ut ignis cum naturaliter sit  
calidus, nunquam frigidus esse potest.  
Sequitur ejus Series.

---

B 5

\* Sub-

---

Nulla datur substantia completa, quæ non in hac serie continetur : Incompletæ verò substantiæ cujuscumque sunt partes omnes, ut *Manus, Pes, Caput, Ramus*, non directè sed reductivè hic collocantur, quatenus scilicet ad suum totum reduci possunt : ut *Pes ad animal gradivum, & Ramus ad arborem vegetantem.*

## CAP. IX.

## De Quantitate.

*Quantitas  
in defini-  
tio.*

**Q**uantitas est secundum quam aliquid quantum aut quotum dicitur. Res enim omnes ob magnitudinem quantæ, ob multitudinem quotæ dicuntur: Sic ob superficiem campus amplissimus, ob numerum ingentem exercitus copiosus appellatur.

*Prima di-  
visio Quan-  
titan.*

Aliàs etiam definitur Quantitas, Accidens quod substantiæ communicat, ut in partes dividi possit. Quum verò partes sunt duplices, discretæ, vel continuæ, hinc nascitur prima Quantitatis divisio in Continuum & Discretam.

Quantitas continua est cujus partes communi termino copulantur. Terminus verò communis est, qui duo  
con-

connectit quorum unius extremum est, initiumque alterius.

Quinque sunt species quantitatæ continuæ,

1. Linea.
2. Superficies.
3. Corpus.
4. Tempus.
5. Locus.

*Quantitas  
in conti-  
nua quin-  
que species.*

Cujus partes

{	Puncto	{	tanquam ter-
	Linea		mino com-
	Superficie		muni copu-
	Nunc		lantur

Linea est longitudo, latitudinis ex-  
pers, cujus extrema sunt duo puncta. *Linea.*

Superficies est quæ longitudinem & latitudinem tantum habet, cujus extrema sunt lineæ. Utræque hæ species more Mathematicorum sunt intelligendæ, non de lineis pictis, seu verè existentibus, animi tantum, non corporis oculis conspicuis. *Superficies.*

Corpus longitudinem, latitudinem, & profunditatem habet, ejusque extrema sunt superficies. *Corpus.*

Locus est superficies concava corporis ambientis: sic turris locus est aer, piscis locus est aqua. *Locus.*

Tempus est spatium ex solis cœli-  
que, hoc est, astrorum vertigine collec-  
tum: sic dies est spatium illud, in quo  
Sol ab Oriente in occidentem rapitur. *Tempus.*

Discreta

*Discreta  
quantita-  
tis species.*

Discreta quantitas est, cujus partes separatæ sunt & disjunctæ, nulloque communi termino copulantur. Ejus duæ sunt species, Numerus, Oratio.

*Numerus.*

Numerus est unitatum multitudo, sic quatuor est multitudo quatuor unitatum, quæ nulla connexionione ununtur.

*Oratio.*

Oratio est mensura literarum & syllabarum, secundum longitudinem, & brevitatem; Est quantitas, quia mensurat, & discreta, quia literæ & syllabæ distinctè pronunciantur, ut ho mo A-ni-mal.

*Secunda  
divisio  
Quantita-  
tis.*

Hæ duæ quantitatibus species rursus subdividuntur in Quantitatem.

Haben-	} Partium	
tem		} positio-
Non		
haben-		
tem		

*Quæ requi-  
runtur ad  
partium po-  
sitionem.*

Tria verò requiruntur ut quantitas habeat partium positionem; primò ut partes termino communi copulentur, unde Numerus, & Oratio excluduntur, quia sunt discretæ quantitates; secundò ut sint alicubi sitæ, ita ut digito demonstrari possunt; tertio ut simul sint ac permaneant; Per utrasque conditiones oratio, & tempus amandantur, quòd propter perpetuum suum fluxum, nec situm habeant, nec permanentiam;

Restat

Restat igitur quòd quatuor sint species quantitatis partium positionem habentis, 1 *Linea*, 2 *Superficies*, 3 *Corpus*, 4 *Locus*; tres non habentis, 1 *Numerus*, 2 *Oratio*, 3 *Tempus*.

Qualitates aliquando quantitatis, *Nota.* nomen sortiuntur; ut *Platonem magnum philosophum*, *Archimede[m] magnum mathematicum vocamus*, sed quantitates quas prius nominavimus sunt per se, hæc solum ex accidenti.

• Tres sunt proprietates Quantitatis.

1 Nihil est quantitati contrarium. Contrarietas enim est solarum qualitatum pugna.

2 Non recipit magis & minus; ita *Gygæ licet sit Pygmæo major ratione corporis, non tamen est magis Quantitas, quàm Pygmæus; æquè enim intenduntur licet æqualem extensionem non habent.*

3 Istæ duæ proprietates Substantiæ cum Quantitate sunt communes; Maximè verò Quantitati proprium est, ut exinde res dicantur, æquales aut inæquales; sic *corpus bicubitum est tricubito inæquale, alteri verò bicubito æquale.*

## Series Quantitatis.

Quan- titas est vel	{	Continua estque vel	{	Perfecta; ut corpus quod trinas dimensiones ha- bet.	{	Longitudo tantum; ut li- nea.
				Imper- fecta ,		Latitudo
				que est vel		tantum , ut superficies.
				Discreta, cujus		Numerus.
				duæ sunt species		Oratio.

Ad hanc seriem analogicè reduci possunt extensiones graduales; ut calor calore major vel minor dicitur, & extensiones gravitatis, seu ponderositatis, quæ quidem magis intentiones, quàm extensiones reverà dici debent.

## CAP. X.

## De Qualitate.

*Qualitatis  
definitio.*

Qualitas est forma accidentalis, à qua subjectum denominatur. Quale: sic à gravitate lapis gravis, à velocitate equus velox appellatur.

*Ejus divi-  
sio.*

Qualitatis quatuor sunt species: Habitus, Potentia naturalis, Qualitas patibilis, Forma. Sed quia quælibet ista-

istarum Specierum latitudinem habet, quatuor quasi gradus his speciebus adduntur, *Habitui dispositio, Potentiæ Impotentia, Qualitati patibili Passio, Formæ Figura.*

*Habitus* est qualitas perfecta & *Habitus* consummata, multis actionibus acquisita, vel divinitus infusa, quæ ita inhaeret subjecto, ut propter firmitatem, & constantiam, non facile permutetur contrario; ut vera & acquisita *disendi scientia in Cicerone, aut pugnandi in Alexandro.*

*Habitus* primò dividitur ratione *Prima ha-* subjecti in *Habitu* corporis, cuius- *bitus divi-* modi est *sanitas firma in corpore abso-* *sio.* *lutè salubri, saltandi etiam & natan-* *di experientia, & in Habitu* animi, *cujus generis sunt virtutes, & disci-* *pline omnes.*

Secundò ratione ad- *Infusum.* *ceptionis. habitus &* *præsertim animi di-* *viditur in* *Acquisitum.*

*Divisio se-*  
*cunda.*

*Infusus* est, qui singulari Spiritûs sancti gratiâ infunditur in hominum mentes, vel extraordinariè; ut *doctrina in Apostolis, vel ordinariè ut fides in electis.*

*Acquisitus* est qui crebris actioni-  
bus

bus acquiritur; ut dicendi & differendi peritia; & licet Spiritus Sancti gratia ad istum etiam requiritur, non tamen eo peculiari modo quo ad infusum.

*Dispositio.* Dispositio seu affectio est qualitas fluxa & transiens, quæ quia nondum penitus fideliterque est infixa, excuti non ægrè potest; sic cum quispiam rudi Minerva literas aut syllabas depingere potest, est in inclinatione ad scribendum, quum verò artificiosè easdem queat exarare, habitum acquisivit; unde habitus ætati virili, dispositio juvenili comparatur, quod illæ est dispositio perfecta, hæc habitus inchoatus.

*Potentia naturalis.* Potentia naturalis est qualitas naturaliter subjectis infixa, quæ habilitatem conciliat, ut ad præstandas certas actiones, aut acquirendos habitus magis idonea habeantur; ut bona valetudo, memoria tenax, ingenium acutum. Et licet hæc potentia ad habitum requiritur tanquam prævia quædam dispositio, & naturalis inclinatio; à dispositione tamen differt, quod potentia est quid insitum, & vi naturæ generatur; Dispositio est quid adventitium & per aliquos actus acquiritur.

Potentia



Potentia duobus modis  $\{$  Activam. *Divisio po-*  
 dividitur. Primò in  $\{$  Passivam. *tentia.*

Activa est, quâ sumus ad agendum *Activa.*  
 potentes; Sic ignis potentiam activam  
 habet ad urendum, cultrum ad secan-  
 dam.

Passiva est, quâ res aptæ sunt ad a- *Passiva.*  
 liquid patiendum; Sic molle potentiam  
 habet ut secetur. Utræque hæ potentie  
 actu perficiuntur bifariam, vel scilicet  
 cum in opus exeunt, ut quando ignis  
 urit, vel cùm in habitum vertuntur, ut  
 quando puer discit literas.

Secundò potentia  $\{$  Primam. *Secunda*  
 dividitur in  $\{$  Secundam. *divisio.*

Prima est quæ proximè emanat è *Prima.*  
 forma subjecti; ut potentia loquendi in  
 homine, sentiendi in brutis, illa ab ani-  
 ma rationali, hæc à sensitiva fluit.

Secunda est dispositio organi & *Secunda.*  
 temperamentum, per quam potentia illa  
 prima in actum producitur, atque hæc  
 omnibus non æqualiter communica-  
 tur, sicut illa prima; Luscus enim prop-  
 ter organi debilitatem non tam clarè  
 videt, quàm qui magna acie est prædi-  
 tus, licet uterque primam potentiam æ-  
 qualiter sortitur.

Impotentia est imbecillitas facul- *Impotentia*  
 tatum naturalium in substantiis, sive  
 ani-

animatae sunt, live inanimatae; ut Sterilitas in agro, stupiditas in homine.

*Qualitas patibilis.*

Qualitas patibilis est quae infert passionem sensui; Ita tactus frigore & calore, molli & duro afficitur; visus coloribus, auditus sonis, sapore gustus, odore olfactus.

Passio est subita animi commotio, ex qua oritur color sensum afficiens; ut rubor quo vultus ex verecundia suffunditur: Differt à patibili qualitate, quia non est stabilis & permanens, ut candor in pariete; sed qualitas citò amota; ut pavor ex metu.

*Figura.*

Figura est terminatio quantitatis, quae termino aut terminis clauditur; ut Circulus, Triangulus, Quadratum.

*Forma.*

Forma est constitutio membrorum, & partium in ipsa figura, sub sensum videndi cadens; membrorum quidem in animalibus, ut in homine, aut leone; partium in reliquis corporibus; ut forma pyramidis, aut Amphitheatri.

Vel ut alij planius definiunt. Forma est coloris totius corporis in primis verò faciei suavitas. Figura est lineamentorum seu partium corporis optimus situs; Sic Aethiops benè figuratus esse potest, sed non valdè formosus, Anglus etiam formosus satis, sed malè figuratus.

Pro-

Proprietates ejus sunt tres.

1 Sola qualitas propriè & per se contrarietatem recipit; *Sic calidum frigidum, album nigro contrariatur.*

2 Qualia magis & minus recipiunt, id est, Qualitates in subjectum suum, non in instanti, sed paulatim & per gradus ingredientur; *ut aqua primò teporem, inde calorem, ultimò fervorem recipit; unde non ipsa qualitas, sed potius qualitatis receptio dicitur esse secundum magis & minus.*

Utræque hæ proprietates soli, sed non omni qualitati conveniunt, Potentiæ enim naturales, & Figura, nec contrarietatem, nec gradus recipiunt. Patibiles qualitates etiam contrariantur, sed non omnes: mediis enim coloribus nihil reperitur contrarium.

3 A qualitate res dicuntur similes aut dissimiles, sicut à quantitate æquales aut inæquales: *Sic qui eodem colore imbuti sunt, similes, qui diverso, dissimiles appellantur.*

¶ Series

## CAP. XI.

## De Relatione.

*Relatorum  
divisio.*

**R**elata sunt du-  
plicia.

Propria, seu secun-  
dum Esse.  
Impropria, seu se-  
cundum Dici.

*Relata se-  
cundum  
Dici.*

Relata secundum dici sunt, quæ ad se invicem modò quopiam sunt affe-  
cta, quorum uno existente, non neces-  
se est alterum sequi: Sic scientia ad  
scibile refertur; scibilia enim multa in  
primordio mundi extiterunt, priusquam  
creabatur homo qui ipsa sciret.

*Relata se-  
cundum  
Esse.*

Relata secundum esse sunt, quorum  
totum esse in respectu consistit, &  
quorum uno existente & cognito, al-  
terum necessario existit & cognosci-  
tur: Sic pater sine filio, ut pater, nec  
existit, nec cognoscitur.

*Quomodo  
inter se  
differunt.*

Duobus modis relata secundum  
Dici differunt à Relatis secundum  
Esse, primò quòd illa habent essentiam  
aliquam absolutam in alio prædica-  
mento; Sic scientia est in qualitate se-  
ctio in Actione, licet illa ad scibile hæc  
ad secabile referatur; hæc verò totum  
suum esse in relatione habent; Pater  
enim nihil est, nisi ad filium refera-  
tur:

tur : secundò relato secundùm Dici cognito, non necessariò cognoscitur ejus correlatum : *Sensibilia enim multa sunt in terre visceribus, quæ sensum ad quem referuntur non ferunt* ; existente verò & cognito uno relato secundùm Esse, necessariò cognoscitur ejus correlatum : *Neminem enim Patrem, neminem Dominum vocamus, nisi quem servos, aut filios, habere, certò scimus.*

Ad relationem tria præcipuè requiruntur, 1. Fundamentum, cui relatio innititur. 2. Terminus duplex, Relatum, & Correlatum. 3. Relatio seu respectus quidam inter illos terminos: *Quæ requiruntur ad relationem*  
*Sic homo est fundamentum, pater & filius sunt duo termini relativi; paternitas, & filiatia sunt relationes inter eos terminos.*

Proprietates relatorum sunt quatuor.

1 Relata dicuntur ad convertentiam, id est, Cuilibet relato suum correlatum ita responder, ut unum possit dici alterius : *ut Scientia est scibilis scientia, & scibile est scientiæ scibile, pater est filii pater, & filius est patris filius.*

2 Relata recipiunt magis & minùs.

3 Re-

3 Relata recipiunt contraria. Sic  
*virtus, que ad studiosum refertur, vi-*  
*tiis contrariatur, & amicitia Pyladi*  
*& Orestis minor fuit, quam Johannis*  
*& Petri Apostolorum.* Sed istæ duæ  
 proprietates novissimè nominatæ, ne-  
 que omnibus relatis competunt; nihil  
 enim contrariatur duplo & dimidio:  
 nec solis, quia conveniunt etiam Qua-  
 litati; nec relatis ut sunt relata, sed ut  
 qualitate fundantur. Sic enim scientia  
 ignorantie contrariatur, ut est habi-  
 tus, sed non ut ad scibile refertur.

4 Relata simul sunt naturâ. Simul  
 verd natura dicuntur, quæ posita se  
 ponunt, & perempta se perimunt invi-  
 cem, & quorum alterum non est alte-  
 rius causa; sic Posita patre ponitur fili-  
 us, nec pater ut pater est filij causa,  
 sed ut homo.

Prima proprietas utrisque relatis  
 convenit; secunda, & tertia solùm re-  
 latis secundùm dici; quarta solùm re-  
 latis secundùm esse.

Series

Series relationis.

Dici quæ propriè ad hoc prædicamentum non spectant.

Relata sunt vel secundum

Esse quæ dividuntur vel

Secundum  
fundamen-  
tam, & ita  
quædam  
fundantur  
vel inSecundum  
terminos  
& sic sunt  
vel relataQuantitate; ut  
*æquale & in-  
æquale.*Qualitate; ut  
*Simile & dis-  
simile.*Substantiâ; ut  
*Pater & Fi-  
lius.*Æquiparantiæ  
quorum termini  
sunt ejusdem dig-  
nitatis; ut *Simi-  
le, Æquale.*Disquiparan-  
tiæ quorum unum  
alterum superat;  
ut *Pater & Fi-  
lius, Dominus &  
Servus.*

## CAP. XII.

## De Actione &amp; Passione.

Actio est vis agentis in passum, se- Actio.  
cundum quam in id, quod subji-

C

citur

citur agere dicatur, ut *calefactio*, *frige-  
factio*.

*Qua ad ac-  
tionem re-  
quiruntur.* Quatuor ad omnem actionem re-  
quiruntur. Primò agens, ut *ignis*, se-  
cundò qualitas, secundùm quam agi,  
ut *calor*, tertio patiens, ut *aqua*, quarto  
actionis receptio, ut *ingressus caloris in  
aquam*.

*Actio du-  
plex.*

Actio est  
duplex vel  
Transiens, quæ immu-  
tationem extrinsecus ad-  
fert, & est propriè hujus  
considerationis; ut *cum  
ignis aquam calefacit*.

Immanens, quæ in eo-  
dem subiecto, quo excita-  
ta est terminatur; ut *voli-  
tio, intellectio, sensatio*.

Proprietates ejus sunt tres.

- 1 Actio omnis passionem infert.
- 2 Actio recipit magis & minus.
- 3 Actio recipit contraria.

Sed istæ duæ posteriores proprietates  
actioni per se non insunt, sed per &  
propter Qualitates; *Calefactio enim  
& frigeffectio contrariantur, quia calor  
& frigus sunt contrariae qualitates, &  
aliud alio magis minusque calefacit,  
prout magis minusve calet*.



## Series Actionis.

Actio dividitur vel ratione  
 { Modi secundum quem agit, & ita est vel  
 { Causæ & est vel  
 { Naturalis, & hujus tot sunt species, quæ sunt potentialium naturalium.  
 { Corporis, ut saltatio, natatio, &c.  
 { Voluntaria  
 { Animi quæ est vel  
 { Intellectus.  
 { Voluntas.

Series Actionis.

Passio est actionis receptio, ut calefieri, frigefieri. *passio.*

Est duplex vel  
 { Transmutativa, cum realis aliqua mutatio fit in patiente, ut cum aqua calefit; hæc transeunti actioni respondet.

Intentionalis cum nulla fiat evidens mutatio, ut visio; hæc imminenti respondet. *passionis divisio.*

Hæc passio ab illa in qualitate differt, quia hæc est receptio & introductio Qualitatis, illa est qualitas recepta & introducta, licet non permanens. *Quomodo a passione in qualitate differt.*

In utroque prædicamento notandum, quod quædam vocabula, & figuræ

Ca

voci,

*Nota.*

vocis, & terminatione, vim habent actionem aut passionem significandi, ut *docere* & *doceri*, *scribere* & *scribi*; quædam terminatione sunt activa, & significatione passiva, ut *timere*, *intelligere*, *videre*, & *omnia verba sensus*; quædam denique sunt terminatione passiva, & significatione activa, ut *insidiari* *proficisci*.

Proprietates ejus tres sunt.

1. 2. 3.

Passio præsupponit actionem. Recipit contraria: Intenditur & remittitur.

Series passionis.

Series passionis.

Passio est	{	Natura-	{	Ani	{	Intellectus.
		lis,		mi,		Voluntatis.
		Volun-				
		caria.		Corporis.		

## CAP. XIII

*De quatuor ultimis prædicamentis.*

*Vbi.*

**V**bi est loci notatio, rei, personæ, aut facti accommodata. Ut in foro esse.

*Quando.*

Quando est temporis notatio, rei, personæ, aut facti accommodata, ut nudius tertius.

*Quomodo hic sumuntur.*

Ubi & Quando nec interrogativè

hic

hic sumuntur, ut quando rediit berus? ubi illic scelus qui me perdidit? nec indefinite, ut quando venit plenitudo temporis Deus misit filium suum; sed relativè, Quando enim idem significat quod Aliquando, vel esse in tempore, & indicat affectionem rei, quæ est, fuit, vel erit in tempore: & ubi ponitur pro Alicubi esse, seu esse in loco, habitudinem notans rei locatæ ad locum, quo circumscribitur, & in quo continetur.

Situs est rei ejusque partium positio; *Situs.*  
ut *Sessio, Statio.*

Habitus est integumentum ad corpus applicatio, ut *togatum esse, ocreatum esse.* *Habitus.*

Proprietates singulorum tres sunt.

- 1 Non intenduntur & remittuntur.
- 2 Non habent contraria.
- 3 Rebus competunt, præsertim corporeis.

Series quatuor prædicamentorum minus principalium.

Ubi est vel	Natu- rale, Fortui- tum,	Utrum- que vel	Cômune, ut in foro esse. Propriû quã- do aliquid in proprio loco continetur.	Serie

C 3      Præ-

Series  
Quando.

Quando est vel } Præteritum, ut  
in præterito } Seculo,  
Futurum, ut } Mense,  
in futuro. } vel Anno  
Præsens, ut in } esse.  
præfenti }

Series Si-  
tus.

Situs est vel } Naturalis } Animatum, ut ca-  
pitulum vel pedis sursum  
& deorsum.  
Inanimatum, ut hoc  
vel illo modo situm suum  
habeant.  
Voluntarius vel fortuitus, ut pro  
libito sedeamus, stemus, accu-  
bamus.

Series Ha-  
bitus.

Habitus est vel } Naturalis in bruto, ut cal-  
car in gallo, promuscis in Ele-  
phante.  
Voluntarius in } Indumenti.  
homine, estque } Ornamenti.  
rursus vel } Poenæ.

### CAP. XIII.

De oppositione, & ante oppositionem  
primò de Identitate & Diversitate.

Tertia pars tractationis de Catego-  
riis sequitur, quæ agit de distinctio-  
ne

ne quorundam vocabulorum, quæ ad pleniorẽ prædicamentorum cognitionem conducunt à Posteriori, & obinde appellantur Postprædicamenta.

Postprædicamentum verò definitur *Postprædicamentum* quoddam traditum im-  
mediatè post prædicamenta, valens ad quid.  
eorum cognitionem à posteriori.

Quinq; sunt } 1 Oppositio, }  
postprædica- } 2 Modi prio- } 5 Mo- } *Quos sunt.*  
menta } rum, } di ha- }  
} 3 Modi simul, } bendi. }  
} 4 Motus, } }

Quæ omnia his versiculis compre-  
henduntur.

1 Op. 2. pri. 3. mo. 4. simul. 5. ha.  
tot sunt postprædicamenta

Primum igitur postprædicamentum est Oppositio, sed quia ex rerum convenientia melius cognoscetur earum oppositio, pauca præmittemus de rerum Identitate & Diversitate, postea ad oppositionem descendemus.

Quæcun- } Conveniunt, } Genere.  
que sunt in } & sunt idem, } Specie.  
prædica- } aut } Numero.  
mentis vel } Differunt, & } Diversæ.  
} sunt res, vel } Oppositæ.

Conveniunt quibus aliquid est com-  
mune.

*Qua con-  
veniunt ge-  
nere.*

Et Genere conveniunt quæ eidem generi, vel proximo, vel remoto subiiciuntur; sic homo & brutum in animali ut in proximo, in substantia, ut in remoto genere conveniunt.

*Species.*

Conveniunt specie quæ sunt ejusdem speciei individua, ut Socrates & Plato.

*Numero seu  
individuo  
conveniunt,  
quæ eandem  
rem singu-  
larem designant,  
sive  
sint*

- 1 Plura nomina ejusdem rei, ut gladius & ensis.
- 2 Definitum & definitio, ut hic homo, hoc animal rationale.
- 3 Proprium & ejus subiectum, ut Socrates, & hoc risibile.
- 4 Accidens & subiectum, ut Rex & hic purpuratus.

*Regula.*

Quæcunque individuo conveniunt, etiam specie, & quæ specie genere conveniunt, non contrā. Sic Socrates & Sophronisci filius individuo conveniunt, scilicet in uno particulari homine & proinde in homine, proinde in animali conveniunt; homo autem & brutum in genere conveniunt, sed nec in una specie, nec in uno individuo.

Diversæ res dicuntur quæ inter se differunt,

differunt, sine omni pugna, ut *aurum*  
& *lapis*

Tripliciter ve-  
rò res dicuntur  
diversæ

Realiter,  
Formaliter,  
Modaliter.

Res quor-  
modis di-  
cantur di-  
versa.

Realiter dicuntur differre, quæ se  
habent ut res separatae, & à se invicem  
se junctæ, ut *homo* & *arbor*.

Realis di-  
stinctio

Hæc autem  
realis dis-  
tinctio est

Interna, per internos  
terminos  
Externa, per externos

quotuplex.

Interna  
distin-  
ctiorur-  
sus est  
vel

Subordinata  
quæ fit per  
terminos  
subordinatos  
estque vel  
Coordinata quæ fit per  
terminos coordinatos.

Generica,  
Specifica,  
Numerica.

Interna.

Generica distinctio est eorum quæ *Generica*  
differunt genere vel proximo, vel re-  
moto; ut *homo*, & *virtus*.

Specifica est eorum quæ ex uno ge- *Specificæ*  
nere orta per essentialis differentias  
separantur; vel quæ sub speciebus dis-  
paratis ponuntur, ut Individua diversa,  
sic *homo* à *bruto*, *Bucephalus* ab *Alex-  
andro* separatur.

Individualis distinctio, est separ-  
tio duorum, aut plurium individuorum  
sub una specie positorum, quæ nume-

Numerica.

to differre dicuntur, ut *Petrus, & Paulus, hæc & illa arbor.*

**Coordinata** Coordinata distinctio est quando res per suas causas, sive proximas, sive remotas vel subjectum per sua accidentia, vel accidentia per subiecta distinguuntur, uti *loqui & balare subiecto, risus & fletus causa efficiente differunt.*

**Externa.** Externa differentia fit, quando res per objecta, adjuncta, circumstantias loci aut temporis distinguuntur; ut *si unus ab altero per vestes, arma, aut loci distantiam separeretur.*

**Modalis distinctio.** Modalis distinctio est, cum duo entium mediata distinguantur, ut *Essentia, & Existentia*; quarum hæc singularium est, illa universalium; sic etiam qualitatum gradus distinguuntur, ut *calor in primo gradu à calore in secundo modaliter differt.*

**Formalis distinctio.** Formaliter dicuntur differre, quorum unum sub alterius definitione sumitur; sic omnia quæ sibi invicem subordinantur inter se differunt, ut *homo & animal, animal & animarum.* His prælibatis ad oppositionem redeo.

**Oppositio.** Oppositio est duorum simplicium terminorum repugnantia, ita ut nec unus alteri, nec uterque tertio possit secundum idem, eodemque modo, & tempore



pore convenire: idem enim, eodemque respectu, simul pater non est, & filius.

Dicuntur autem opposita { Relativè, Privativè, *Opposita quadruplicia.*  
Contrariè, Contradictoriè.

Relativè opposita sunt quorum unum consistit ratione alterius, ut *Pater & Filius*. Hæc ex iis quæ superius in Relatione dicta sunt planius elucescunt.

Contraria sunt quæ sub eodem genere posita maximè à se invicem distant; & eidem susceptibili vicissim insunt, à quò se mutuò expellunt, nisi alterum eorum insit à naturâ. *Contraria.*

Ad contraria igitur tria requiruntur, *Quæ requiruntur ad contraria.*  
primò ut sint sub eodem genere, scilicet *Qualitatis*: nam solarum Qualitatum est contrarietas; secundò ut maximè à se invicem distent in natura positiva, id est, ut ambo extrema sint positiva; tertio ut se invicem expellant, nisi alterum eorum insit à natura: sic calor & frigus in aquâ, in pariete albedo & nigredo contrariantur.

Contraria sunt duplicia, Mediatoria, *Contraria duplicia.*  
vel immediata.

Mediatoria sunt quæ medium aliquod *Mediatoria.*  
habent; sic inter calidum, & frigidum admittitur tepidum, inter album, & nigrum, intervenit flavum.

ONAVI

Immediata

Immediata sunt quæ nullum admittunt *medium*, ut *par*, & *impar*, *sanum*, & *egrum*.

*Triplex medium.*

Notandum verò quòd triplex est *medium*, *Subjecti* vel *abnegationis*, cui nullum oppositorum convenit; *sic lapidus nec pater est, nec filius, nec cæcus, nec videns*: huiusmodi *medium* habent *relata*, & *privantia*: vel *medium proportionis* inter *excessum* & *defectum*, *sic virtus moralis dicitur in medio consistere*, vel *participationis*. *sic color viridis est medium*: cuiusmodi *medium* intelligimus quando *contraria* *mediata* nominamus.

*Privativa.*

*Privativa* opposita sunt *privatio*, & *habitus*; quorum hic *præsentiam*, illa rei *absentiam* denotat in *subiecto* *capaci*: *sic cæcitas est privatio visus*.

*Ad privationem tria requiruntur.*

Ad *privationem* igitur tria requiruntur: primò, ut ambo opposita habeant fieri circa idem *subiectum*, unde *cæcitas non est auditus, sed visus privatio*, quia ambo habent fieri circa *oculum*: secundò ut fiant circa idem *subiectum* ordine *irregressibili*; *sic à privatione ad habitum non datur regressus, si modo privatio illa sit totalis*: tertio ut tempus sit à *natura* determinatum, unde *catulus ante diem decimum non dicitur cæcus*.

*Privatio*

Privatio verò duplex est: Totalis, Privatio.  
vel Particularis.

Privatio totalis est privatio & actus *Totalis*.  
& potentia, ut *Si homo nascatur cæcus*.  
Hic verò primam potentiam non in-  
telligo, quæ ab anima sentiente fluit,  
& omnibus æqualiter inest, sed secun-  
dam, quæ à recta organi dispositione  
emanat, & potest demi.

Privatio partialis seu actualis est *Partialis*.  
quæ actum tollit, sed non potentiam;  
ut *in connivente, aut dormiente est pri-*  
*vatio visus, sed non totalis*. Atque hæc *Quomodo*  
duæ species per regressum distinguun- *distingun-*  
tur; à partiali enim, sed non à totali *tur.*  
privatione concedendus est regressus,  
ut à somno ad vigiliam, non à morte  
ad vitam.

Contradictoria oppositio est affir-  
matio & negatio ejusdem vocis sim-  
plices, ut *homo non homo*.

Hæc omnium est fortissima, quia *Contradi-*  
catet cum participationis, tum abne *ctiosa*.  
gationis medio; *nihil enim datur, quod*  
*partim est homo, partim non homo; aut*  
*quod neque homo est, neque non homo.*

## CAP. XV.

*De modis Priorum & Simul.**Quinque  
modi prio-  
rum.*

**Q**UINQUE modis aliud alio dicatur  
prius, qui omnes his versiculis  
comprehenduntur.

1 *Tempore*, 2 *Naturâ*, 3 *Prius or-  
dine*, & 4 *Honore*.

*Tempore.*

5 *Causâ causato dicimus esse prius.*

Tempore prius dicitur, quod est  
altero antiquius, ut *senex puero*.

*Naturâ.*

Naturâ prius, à quo non retrò  
commeat consequutio, ut si unum sit  
non necesse est duo esse, sic genera  
speciebus priora sunt, & species indi-  
viduis, ut *animal homine*, & *homo So-  
crate*.

*Dignitate.*

Dignitate prius quod altero excel-  
lentius dicitur, ut *miles armigero*.

*Ordine.*

Ordine prius dicitur, quod prius  
disponitur, ut *exordium narratione*.

*Causâ.*

Causâ prius est, cùm consequentia  
valet ab uno ad alterum, & unum est  
alterius causa: sic *hominem esse conver-  
titur cum hac propositione homo est*;  
quia enim homo revera est in rerum  
naturâ, idèd hæc propositio verificetur,  
*Homo est*.

Tres sunt modi simul.

1 *Tempore*,

1 Tempore, quorum generatio est in eodem tempore, ut Hippocrati gemellorum

2 Naturâ, quæcunque convertuntur secundum essendi consequutionem, & neutrum est causa alterius; ut Pater & Filius, Dominus & Servus.

3 Divisione, cuiusmodi sunt differentiae & species idem genus condividentes, ut rationale & irrationale, homo & brutum.

## CAP. XVI.

## De Motu &amp; Modis habendi.

**M**OTUS est successiva vel instantanea mutatio substantiæ aut accidentis, in potentia, ad aliam formam, five internam, five externam suscipiendam. cum homo generetur mutatur substantia ad animam rationalem acquirendam; cum paries dealbatur externa forma inducitur.

Motus  
quid.

Ejus sex sunt species, 1 Generatio, 2 Corruptio, 3 Augmentatio, 4 Diminutio, 5 Alteratio, 6 Latio; quæ, per terminos à quibus & ad quos moventur, definiuntur.

Generatio est motus à Non esse, ad Esse; Generatio.

Esse, ut quando ex semine patris quod est non ens tale homo generatur.

2  
Corruptio.

Corruptio est motus ab Esse ad Non esse, ut quando ex homine vivente, fit cadaver.

3  
Augmen-  
tatio.

Augmentatio est motus à Minore ad Majorem quantitatem; ut cum ex parvo surculo, crescit arbor.

4  
Diminutio

Diminutio est motus ex Majore ad Minorem quantitatem; ut quando homo pinguis fit macilentus.

5  
Alteratio.

Alteratio est motus ab Una qualitate ad Aliam, ut si aqua frigida fit calida.

Latio.

Latio est motus ab uno loco ad alium, ut si quis iter faciat ab Oxonio aliòve loco ad Londinum.

Nota.

Generatio & Corruptio versantur circa Substantiam, & fiunt in momento, Augmentatio & Diminutio circa Quantitatem. Alteratio circa Qualitatem, Latio circa Ubi & in tempore successivo perficiuntur.

Octo ha-  
bendime-  
di.

Octo sunt habendi modi, vel scilicet 1 Qualitatem, ut Virtutem; vel 2 Quantitatem, ut Bicubitum; vel 3 Vestimentum, ut Tunicam; vel 4 Aliquid in parte, ut Annulum supra pollicem; vel 5 Partem, ut Oculum; vel 6 Aliquid in vase, ut Vinum in amphora; vel 7

Possestio-

Possessionem, ut *Domum*, vel 8 Mulierem, ut *Uxorem*; sed iste habendi modus postremus ab Aristotele habetur pessimus. Hi octo modi his versiculis comprehenduntur.

1 *Affectum*, 2 *Quantum*, 3 *Vestitum* dic velut, 4 *Aurum*.

5 *Membrum*, 6 *Contentum*, 7 *Possessio*, 8 *Vir Mulierem*.

Plures forsan Modi istis possunt addi, sed hi quos recensuimus sunt vulgares & præcipui.

Hactenus vox simplex nos protraxit: restat complexa proximo libro enucleanda.

---

## LIBER

---



# LIBER

## SECUNDVS.

### CAP. I.

*De Divisione huius Libri secundum  
partitionem vocis complexæ.*

**V**OX complexa quæ est huius secundi Libri Subjectum, in tres partes (ut superius ostensum est) dividitur, in complexam, Voce tantum. Retantum, Re. & voce simul.

De complexa voce tantum agemus in tractatu de Definitione & Divisione. Definitio enim, ut *animal rationale*, & Divisio, ut *rationale* & *irrationale*, licet plures sint voces, unam tamen rem designant, illa hominem, hæc autem animal.

De voce complexâ re tantum in tractatu



II. CAP. II. De Defin. & Divis. &c. 65

tractatione de Distinctione, & Limitatione loquimur; ubi docebimus quomodo Ambigua sunt distinguenda, aut Obscura limitanda & explicanda.

De voce complexâ re & voce simul ultimò tractabimus in propositione, ubi primò ejus partes, deinde essentialiam, tertio divisiones multiplices, ultimò affectiones fusiùs declarabimus.

---

CAP. II.

De Definitione & Divisione.

DEFINITIO est definiti explicatio, seu *Definitio* evolutio; sic nomen unum per ali- *definitio-*ud explicatur; ut *Solstitium est Solis* *nis.* *statio*; item res una per aliam priorem evolvitur, ut *Homo est animal rationale.*

Hinc elicitur duplex definitio, No- *Definitio* *minalis, aut Realis.* *duplex.*

Nominalis est quæ vocis significationem declarat, & fit duobus modis, *Nomina-* *lis.* vel cùm ignotius vocabulum notiori explicatur, ut si dicam *Honestum est quod decet*; vel cùm Etymologia seu origo nominis ostenditur, ut *Si homo* *definiatur.*

*definiatur, quia ex humo factus est.*

*Realis.*

Realis definitio est, quæ rei essenti-  
am & naturam declarat, de qua hoc  
loco potissimum agitur.

*Realis du-  
plex.*

Realis hæc defini-  
tio est duplex, vel

Germana &  
Essentialis quæ pro-  
priè Definitio di-  
citur.  
Accidentalis,  
quæ vulgò De-  
scriptio appella-  
tur.

*Essentialis.*

Essentialis definitio est, quæ ex ge-  
nere proximo, & differentiâ constitu-  
tivâ conflatur; ut *Homo est animal ra-  
tionale, Animal est corpus animatum  
sensibile.*

Et quia ex genere constat, necesse est  
ut quicquid rectè definitur sit species;  
quoniam verò differentiam constitui-  
vam habet adjunctam, non potest non  
esse convertibilis cum Definito.

*Accidenta-  
lis.*

Definitio accidentalis seu Descriptio  
est, quæ ex proprietatibus aut acciden-  
tibus cum genere unitis conflatur; ut  
*Homo est animal bipes, loquendi po-  
tentia imbutum.*

*Regula.*

In omni definitione observandum  
ut sit brevis, perspicua, & cum definito  
convertibilis.

Ut

## CAP. II. De Defini. & Divis. &c. 67

Ut per Definitionem quid sit, ita per Divisionem quotuplex res sit intelligatur.

Est autem Divisio, totius in partes *Divisio* resolutio, vel (ut alii definiunt) est latius patentis in membra angustiora deductio; ut si animal dividatur in rationale & irrationale.

*Duplex est.*

Divisio a- *Perfecta*, seu substan-  
 lia est *tialis*  
*Imperfecta*, seu acci-  
 dentalis.

Divisio perfecta, seu substantialis est totius propriè dicti, & perfecti, in partes propriè dictas resolutio. *Substanti-  
 alis.*

Divisio substantialis tribus modis fiat. Primò, quando totum universale dividitur in partes subjectivas, id est, cum genus in species, aut species in Individua distribuitur; ut si animal dividatur in hominem, aut brutum; aut homo in Socratem, Platonem, Aristotelem, & reliqua individua. *Tribus mo-  
 dis fit divi-  
 sio substan-  
 tialis.*

Secundò, quum totum essenziale in partes essentielles discinditur, ut homo in corpus & animam rationalem.

Tertiò, quando totum integrale in partes integrantes secatur, ut si equus dissecaretur in truncum, & artus; aut urbs in domos, templa, & plateas.

Ex

Ex dictis divisionibus prima maxime omnium meretur Divisionis nomen; reliquæ magis Partitiones quàm Divisiones sunt appellandæ.

Imperfecta Divisio est, cùm totum per accidens in partes resolvitur.

*Accidentalis quor  
modo fit.*

Accidentalis divisio trifariam fiat vel enim

Subjectum per accidentia dividitur, ut *homines aut liberi sunt aut servi.*

Accidens per subjecta, ut *bonorum aliud est animi aliud corporis.*

Accidens per accidentia, ut *bonorum aliud honestum est, aliud utile.*

### CAP. III.

#### De Distinctione & Limitatione.

**V**OX complexa re tantùm est, vel Ambiguum, quod Distinctione, vel Obscurum, quod Limitatione indiget

*Distinctio.*

Distinctio est declaratio seu enodatio vocis ambiguae in varia sua significata, ut *Si lupum distinguamus in hominem rapacem, quadrupedem, & piscem; aut raurum, in neonrem, animal, & fidas.*

Distinctio

**CAP. IV. De Propositione. 69**

Distinctio in omni rerum conside- *Regula.*  
ratione primùm est adhibenda.

Distinctioni affinis est Limitatio, *Limitatio.*  
quæ est determinatio alicujus vocabu-  
li, cum multa possunt simul ipsi a-  
tribui, sic *homini vita, sensus, & intel-*  
*lectus attribuantur*; sed limitandum  
quomodo hæc accidentia huic subje-  
cto conveniunt, *non enim homo quæ*  
*homo vivit sed quæ corpus animatum,*  
*sensit quæ animal, & quæ homo in-*  
*telligit.*

**C A P. IV.**

*De Partibus propositionis.*

**V**OX complexa re & voce, quæ ex  
pluribus vocibus conflatur, vocatur  
Oratio.

Oratio est vox significans ex in- *Oratio.*  
stituto, cujus partes aliquid separatim  
significant, ut *Quæ te dementia ce-*  
*pit?*

Estque } Perfecta, quæ perfectum  
vel } sensum in animo audientis  
} gignit.  
Imperfecta, quæ sensum  
imperfectum parit, ut *homo*  
*bonus.*

*Duplex est.*

*Perfecta*

*Perfecta o- ratio du- plex.* Perfecta rursus duplex est, vel non Enuntiatiua, quæ licet perfectum sen- sum in animo audientis signat, non ta- men verum quid aut falsum significat; *cujusmodi sunt omnes orationes de- precativæ, optativæ, admirativæ, & imperativæ, ut Vive memor quam su ævi brevis. Quid faciam Romæ?* vel Enuntiatiua, quæ à Logicis enun- tiatio, seu Propositio dicitur.

*Enun- tia- tio.* Enuntiatio autem est oratio indica- tiva, verum aut falsum significans, ut *Homo est animal.*

*Eius par- tes signa- ta.* Ejus partes sunt } Signantes.  
vel } Signatæ.

Partes signatæ sunt Prædicatum Subjectum, & utrumque conjungens Copula.

*Prædica- tum.* Prædicatum est totum illud quod sequitur Copulam.

*Subiectū.* Subjectum est illud quod præcedit.  
*Copula.* Copula est verbum utrasque partes connectens, ut in hac propositione *homo est animal.* Homo est subiectum, Est copula, Animal prædicatum.

*Observa- tio.* In his summo perè observandum, quod non semper unum vocabulum, sed aliquando Oratio, nec quod scri- ptione seu loquutione, sed quod ordi- ne syntaxeos verbum præcedit, pro sub-

subjecto, & quod ipsum sequitur pro  
prædicato est habendum. *sic in hac  
propositione, Ardua ad virtutem via  
est, via ad virtutem est subiectum, Est  
copula, ardua prædicatum.*

Partes signan- y Categoriæ. *Signantes,*  
tes sunt vel y Syncategoriæ.

Partes Categoriæ seu per se a- *Nomen.*  
liquid significantes sunt nomen, &  
Verbum.

Nomen est vox simplex ex institu-  
to significans, cum nullo temporis  
discrimine, finita, recta, cujus nulla  
pars, quicquam separatim significat, ut  
*homo.*

Verbum est vox simplex, finita, re- *Verbum,*  
cta, tempus adsignificans, cujus partes  
nihil seunctim designant: ut *curro*  
*non solum cursum significat sed tempus*  
*presens quo quis currit.*

Nomen à verbo differt, quòd illud  
sine tempore, hoc tempus adsignifi-  
cat; ambo verò ab Oratione, quòd O-  
ratio est vox complexa, istæ verò vo-  
ces simplices, Orationis partes aliquid  
separatim significant, non autem No-  
minis, aut Verbi.

Casus nominis & verbi, id est, om-  
nes præter casum rectum, & modum  
indicativum, sicut etiam nomina &  
D verba

verba infinita, enuntiationem, imperfectam faciunt; ut Socratis est, imperfectè aliquid enunciat, nisi addatur *Domus, liber, aut aliquid tale*, sic etiam non animal currit, nihil indicat, nisi explicamus, quid sit illud non animal.

*Synecategorematica.*

Partes syncategorematicæ quæ nihil nisi aliis adjunctæ significant, sunt signa quæ non rem aliquam, sed rei modum ostendunt, ut *Omnis, nullus*.  
 Signa vero sunt duplicia, *Universalis*, ut *Omnis, quilibet, unusquisque*.  
*Particularia*, ut *Aliquis, quidam, non Omnis*.

Notandum verò, quòd Adverbia quandoque horum Adiectivorum, & pronominum vicem supplent; sic nunquam idem sonat, quod *Nullus*: Semper idem quod *Omnis*: Aliquando quod *Aliquis*.

*Observatio.*

Ultimò observandum, quòd partes propositionis non semper expressè reperiuntur, sed aliquando implicite includuntur; unde duplex oritur propositio, *Explicita*, quando quælibet pars explicatur, ut *homo est Animal*, aut *Implicita*, ubi una aut plures partes reticentur, ut *ningit, Caesar venit*, quam resolvimus addendo copulam



& transmutando verbum in participium; ut *cælum est nungens*, *Cæsar est veniens*.

## CAP. X.

## De Prædicatione.

¶ Verunt propositionis partes, sequitur earum partium dispositio, quæ vulgò Prædicatio appellatur, in qua tota propositionis essentia consistit.

Prædicatio est vera prædicati de subiecto affirmatio, aut negatio.

Estque duplex } Ordinata.

vel } Inordinata.

¶ Ordinata prædicatio propriè dicitur, quando illud prædicatur, aut subiicitur, quod revera prædicari aut subiici debet; ut in hac propositione, *homo est animal*, Animal naturaliter de homine prædicatur, quia supra eum ponitur in serie prædicamentali substantiæ.

Hæc ordinata præ- } Essentialis.  
dicatio est duplex } Accidental.

Essentialis prædicatio est, quando prædicatum est de essentia subiecti, & quinque modis accidit. Vel cùm genus remotum de specie prædicatur; ut

Prædicatio  
quid.

Quotuplex

Ordinata;

Essentialis;

3

4

5

homo est corpus; vel genus proximum de sua specie, ut *homo est animal*; vel differentia remota de specie, ut *homo est sensibilis*; vel differentia proxima de specie immediatè sibi subjectà, ut *Homo est rationalis*: vel denique species de suis individuis, ut *Platō est homo*: atque omnes hæ prædicationes dicuntur Univocæ; quia prædicatum dicitur de subiecto, & secundum nomen, & nominis rationem.

*Accidentalis.*

Accidentalis prædictio est, quando prædicatum ad essentiam subiecti non spectat, ut *Cæsar est fortis*.

Tripliciter hæc prædictio fiat, vel cum

Proprium dicatur de suo subiecto, ut *homo est risibilis*.

Accidens de substantia cui inest prædicetur, ut *homo est albus*.

Accidens accidenti attribuitur, ut *hoc album est dulce*.

Hæ prædicationes vocantur Paronymicæ seu Denominativæ, quia prædicatum de subiecto dicitur secundum nomen tantum, & non secundum nominis definitionem.

*Inordinata prædictio quid.*

Inordinata prædictio est ubi nullus servatur ordo naturalis in prædicando,

cando, ut *Animal est homo*, ubi homo qui est quid inferius de animali prædicatur quod est ipso superius.

Inordinata prædicatio est duplex

Præter ordinem.  
Contra

Quotuplex.

Prædicatio contra ordinem est, quando inferius de superiore prædicatur, ut *animal est homo*.

Prædicatio præter ordinem est, quando idem prædicatur de seipso, ut *hic homo est Petrus*.

His inordinatis prædicationibus possumus addere falsas & figuratas, sed illæ ab omni arte, hæ à Logica sunt longissimè amovendæ.

## CAP. VI.

De Divisione Propositionis secundum Substantiam.

HActenus de Propositionis partibus, & partium dispositione: sequuntur ejus divisiones tribus modis sumendæ,

1. Substantiam, in Categori-  
cam & Hypotheti-  
cam.

Divisio  
propositio-  
nis.

D 3

Quan-

2 Quanti-  
tatem in

Universalem.  
Particularem.  
Singularem.  
Indefinitam.

3 Qualitatem, in affirmat-  
tem & Negantem.

Juxta communem versiculum. *Quæ-  
ca. vel hyp. qualis. ne. vel aff. Uni quan-  
ta? par. in. fin.*

*Divisio  
propositio-  
nis secun-  
dum sub-  
stantiam.*

Primò autem de divisione secun-  
dum Substantiam, *Quæ? ca. vel hyp.*  
id est, si quærat<sup>r</sup>ur quænam sit hæc vel  
illa propositio, respondere debemus,  
*Categorica vel Hypothesica*; ut quæ-  
renti quænam sit hæc propositio, *Homo  
est animal*, respondendū est, *Categorica*

*Categorica*

*Categorica*, seu simplex propositio  
est, quâ unum prædicatum uni subje-  
cto attribuitur, aut ab eodem adimi-  
tur, ut *homo est animal*, *homo non est  
lapis*

*Duplex.*

Est duplex, Pura, vel Modalis.

Pura propositio est, in qua prædi-  
catum cum subiecto disponitur sine  
expresso dispositionis modo, ut *Homo  
est animal*. Hæc etiam rursus subdivi-  
ditur in Propositionem *secundæ ad-  
e-  
sti*, in qua solum verbum substanti-  
vum [Est] subiecto additur, ut *Socra-  
tes est*, *Plato est*; quæ si resolvantur  
idem

idem sonant, quod *Socrates est existens, Plato est existens*; & Propositionem tertiam adjecti, ubi tres enuntiationis partes simul explicantur, ut *Socrates est animal, Plato est animal*.

Modalis est, quæ aliquo dispositionis modo afficitur.

*Modalis.*

Modi verò sunt  
quatuor

Neceſſe,  
Poſſibile,  
Contingens,  
Impoſſibile.

*Modi quatuor.*

Modus *Neceſſe* ſignificat ejuſmodi *Neceſſe*. diſpoſitionem quæ aliter ſe habere non poteſt, ſive ea neceſſitas ſit ſimplex & absoluta; ut *Neceſſe eſt hominem eſſe rationalem*; ſive ex ſuppoſitione, ut *Neceſſe fuit Meſſiam venire, ſcilicet ex ſuppoſitione promiſſionis divinae*.

*Impoſſibile* notat repugnantiam inter prædicatum & ſubjectum, ſive ea ſit absoluta, ut *Impoſſibile eſt Deum eſſe finitum*; ſive ex ſuppoſitione, ut *impoſſibile eſt nos Deum videre*; hoc ſuppoſito, quod in carne remanemus.

*Impoſſibile.*

*Poſſibile* ſignificat rem, quæ non dum eſt eſſe poſſe; ut *poſſibile eſt ludentem vincere*.

*Poſſibile.*

*Contingens* notat rem quæ eſt, poſſe non eſſe; ut *Contingens eſt hominem ſtantem ſedere*.

*Contingens*

In his verò propositionibus **Compo-**  
**de Possibili & Contingente** **situs.**  
 duplex sensus est observan-  
 dus **Divisus.**

*Sensus*  
*Composi-*  
*tus.*

Compositum sensum voco eiusmodi  
 sententiam, quâ res manens talis pos-  
 sit uno & eodem tempore contraria  
 suscipere; ut *Possibile est calidum esse*  
*frigidum*, quasi diceremus, *Possibile est*  
*calidum manens calidum, esse frigi-*  
*dum*; & ita sensus compositus est fal-  
 sus.

*Divisus.*

Divisum appello, quando affirma-  
 tur, rem, quæ nunc est talis, posse alio  
 tempore fieri non talem; & ita *possibi-*  
*le est calidum esse frigidum, id est, a-*  
*quam quæ nunc est calida alio tempore*  
*frigidam fieri*

*Nota.*

In omnibus Modalibus, hoc gene-  
 raliter notandum, quod ex duabus  
 partibus constar, Dicto, & Modo:  
 Modus præcedit, Dictum sequitur co-  
 pulam; ut *Necesse est hominem mori*,  
*Necesse est* modus, *Hominem mori* est  
 dictum.

*Hypotheti-*  
*ca.*

Hypothetica seu composita propo-  
 sitio est, quæ constat ex pluribus pro-  
 positionibus aliquâ conjunctione u-  
 nitis, ut *si equus volet, habet pen-*  
*nas.*

*Hypo-*

Conditionalis quæ	Conditionali, ut <i>si ambulat pedes habet.</i>
Copulativa, quæ	Copulativa, ut <i>homo est a- nimal, &amp; est rationalis.</i>
Disiunctiva, quæ	Disiunctiva, ut <i>vel nox est, vel dies.</i>
Causalis, quæ	Causali, ut <i>Dies est, quia sol lucet.</i>
Temporalis, quæ	Temporalis, ut <i>dū quis cur- rit, movetur.</i>

unitur nota

Quinque  
Species.

Omittitur nonnunquam nodus venustatis gratiæ; ut *obsequium amicos, veritas odium parit.*

Nota.

## CAP. VII.

De divisione propositionis secundum qualitatem.

Secunda divisio propositionis est secundum Qualitatem, *Qualis ne: vel aff.* id est, si interrogetur, qualis est aliqua propositio, respondere debemus, *Est affirmativa aut Negativa.*

Secunda  
propositio-  
nis divisio.

D 5

Affir-

**Affirmati-  
va.**

Affirmativa propositio est, in qua prædicatum cum subiecto coniungitur, ut *homo est animal*.

**Negativa.**

Negativa est, quæ prædicatum à subiecto disjungit, ut *homo non est lapis*.  
Utraque rursus **Vera** est vel **Falsa**.

**Vera.**

Vera id quod res est enunciat, ut *Socrates est homo*.

**Falsa.**

Falsa aliter rem indicat, quam reverà est, ut *Socrates est Leo*.

Et quia res in propositione aliquando necessariò veræ sunt, aliquando manifestè falsæ, nonnunquam verò nec planè veræ nec omninò falsæ, hinc triplex oritur propositio **Necessaria**, **Impossibilis**, **Contingens**.

**Necessaria**

Necessaria propositio est, in qua attributum necessariò subiecto coniungitur, ut *Fortitudo est virtus*.

**Impossibi-  
lis.**

Impossibilis est, cum fieri non possit, ut ita se res habeat, ac ipsa oratio declarat, ut *lapis sentit*.

**Contin-  
gens.**

Contingens est, cuius extrema nullà necessitate coherant, ut *Socrates est doctus*.

Obiter verò hic notandum discrimen inter Propositionem Finitam, & Infinitam; atque Affirmantem, & Negantem.

Negans



Negans enim semper habet vel fig- *Nota,*  
num aliquod negativum, ut *Nullus*,  
*neuter*, toti propositioni præfixum, ut  
*Nullus homo est lapis*; vel notam ne-  
gantem [*Non*] copulæ additam, ut *ho-*  
*mo non est lapis*.

Ad propositionem verò infinitam  
constituendam sufficit, si [*Non*] subje-  
cto, vel prædicato aut utrisque adda-  
tur, non autem copulæ; sic *Non homo*  
*est animal*, est propositio Infinita, sed  
*Affirmans*, at *Homo non est animal*, est  
propositio Finita sed Negans.

## CAP. VIII.

De Divisione Propositionis iuxta  
Quantitatem.

Ultima propositionis divisio est se- *Tertia di-*  
cundum Quantitatem. *Un. Quan. visio pro-*  
*ta, par. ind. sing. Quærenti enim positiois.*  
Quanta est propositio assignata, re-  
spondemus est *universalis*, *parricula-*  
*ris*, & *indefinita*.

Universalis propositio est, quæ ha-  
bet universale signum subiecto ex-  
pressè additum, ut *Nullus homo est la-*  
*pis*. *Omnis homo est animal*.

Notandum verò, quòd hoc signum

[*Omnis*]

*Universa-*  
*lis.*

*Omnis du-*  
*otus modis*  
*sumitur.*

*Omnis* aliquando distributivè, aliquando collectivè sumatur.

**Distributivè.**

Distributivè sumitur, quando significat prædicatum posse distribui in ea quæ subiecto continentur; sic hæc propositio, *Omnis homo est animal*, notat animalis naturam Socrati, Platoni, & cuilibet particulari homini attribui posse.

Estque iterum Distributivum, vel in } Genera singulorum.  
} Singula generum.

Prædicatum in singula generum distribuitur, quando singulis individuis subiecto contentis potest communicari; *Omnis arbor est corpus animatum*.

Prædicatum in genera singulorum discinditur, quando non in singula individua, sed individuorum certos ordines & classes distribuitur; ut *Omnes homines salvabuntur*, est ac si diceres *Homines ex omni ordine ac genere erunt servati*.

**Collectivè.**

Collectivè sumitur [*Omnis*] quando subiectum sub collectione numericâ ita distribuitur, ut prædicatum in inferiora distribui non possit; ut *omnes planetae sunt septem*, *Omnes Apostoli fuerunt duodecem*.

Signum

Signum omnis *Collectivum*, ut & *Regula*.  
*Distributivum* in genera singulorum  
 imperfectè & secundariò universalem  
 propositionem facit.

Particularis propositio est quæ no- *Particula-*  
 tam particularem subj. & addit, ut *A-* *ris.*  
*liquid in hoc libro est difficile.*

Singularis propositio est, cujus sub- *Singularis.*  
 jectum est singulare seu individuum;  
 sive proprio nomine expressum, seu  
 pronomine demonstrativo assignatum;  
 ut *Socrates fuit insignis philosophus, hic*  
*homo est egregius poeta.*

Hæc à particulari propositione dif-  
 fert, quòd particularis semper notat  
 Vagum, hæc Determinatum indivi-  
 duum.

Nota universalis singulari subjecto *Reg.*  
 addita, nihil significat præter indivi-  
 duorum collectionem; ut *Omnes Hero-*  
*des fuerunt crudeles.*

Indefinita propositio est, quæ nul- *Indefinita.*  
 lum signum subjecto expressè additum  
 habet; ut *Homo est animal, Lapis non*  
*sentit.*

Hæc in materia necessariâ æquipol- *Reg.*  
 let Universali, in Contingenti Parti-  
 culari; ut *Homo est animal* idem sonat;  
 quod *Omnis homo est animal. Homo est*  
*doctus, idem quod aliquis homo est do-*  
*ctus.*

Hactenus

Hactenus de triplici propositionum  
divisione: tres ejus affectiones proxi-  
mè sequuntur.

## CAP. IX.

*De Oppositione Enunciationum.*

*Oppositio.* **T**res sunt propositionum affectio-  
nes, Oppositio, Æquipollentia,  
Conversio.

Oppositio est duarum propositio-  
num pugna quæ ex eodem subjecto &  
prædicato constant.

*Tribus mo-  
dis fit.*

Tribus modis  
fit hæc pugna  
vel secundum

Qualitatem solùm,  
ut *Contrariæ* & *sub-  
contrariæ*.

Quantitatem solùm,  
ut *Subalternæ*.

Utramque simul, ut  
*Contradictoriæ*.

*Contrariæ.*

Contrariæ sunt duæ enuntiationes  
universales, quarum altera affirmat,  
altera negat; ut *Omnis homo est ratio-  
nalis. Nullus homo est rationalis.*

*Subcontra-  
riæ.*

Subcontrariæ sunt duæ particula-  
res, hæc aiens, illa negans; ut *Qui-  
dam homo est justus, Quidam homo non  
est justus.*

*Subalternæ*

Subalternæ sunt duæ propositiones  
univer-

universales, scilicet & particularis pariter aientes, aut pariter negantes; ut *Omnis amor nescit modum; Aliquis amor nescit modum.*

Contradictoriae constant ex universali & particulari, quantum altera affirmat, altera negat; ut *Omnia amicorum sunt communia. Quaedam amicorum non sunt communia:* vel sunt duae singulares; ut *Cæsar fuit tyrannus, Cæsar non fuit tyrannus.*

Contradictoria.

Regulae.

1 Contrariae ambae possunt esse simul falsae, ut in materia contingenti, nunquam simul verae.

2 Subcontrariae nunquam simul falsae reperiuntur, sed verae quandoque in materia contingenti; ut *Aliquis homo est doctus, aliquis homo non est doctus.*

3 In subalternis si universalis propositio sit vera, vera etiam est ejus particularis.

4 Contradictoriae non possunt esse simul verae aut simul falsae.

In totâ hac propositionum discordia diligentèr videndum, ut iidem termini eodem modo significant. Primò enim cavendum, ne termini sint ambigui, unde ex nihilo nihil fit, & ex nihilo aliquid

aliquid fit, non repugnant, quia fieri in priori propositione sumitur pro generari, in posteriori pro produci; secundo adnitendum, ut subiectum & prædicatum intelligantur, *x<sup>ti</sup> tō autō*, secundum eandem partē, unde non opponuntur; *Minerva est glauca, Minerva non est glauca*; glauca enim est secundum oculos, sed non reliquas corporis partes. Tertiō oppositio fiat *oēs tō autō*, secundum eundem respectum; unde *Sol obscuratur, Sol non obscuratur*, non sunt oppositæ propositiones, quia obscuratur respectu nostri, non sui ipsius.

Quartō ut opponantur propositiones, *cū tō autō xōvō*, ratione ejusdem temporis, ut *Paulus fuit Rome, Paulus non fuit Rome*, non repugnant, quia utrumque verum est alio atque alio tempore.

Haecenus de oppositione propositionum; nam de terminorum oppositione priori libro tractavimus; quæ inter se differunt, quòd una simplex, altera complexa oppositio dicitur.

## CAP. X.

## De AEquipollentia propositionum.

**E**quipollentia est propositionum *Equipol-*  
 verbis discrepantium convenientia *lentia.*  
 in sensu; ut *Semper nocuit differre pa-*  
*ratis, & nunquam non nocuit differre*  
*paratis.*

Tribus modis fit æquipollentia pro *Tribus mo-*  
 triplici collocatione notæ negantis, *dis fit.*  
*Non; Nam Præ contradiet. Post, con-*  
*trar. præ, postque subaltern.*

1. *Præ contradiet.* hoc est, si dentur  
 duæ propositiones contradictoriæ, v. g.  
*Omnis homo est animal, Aliquis homo*  
*non est animal;* statim æquipollent, si  
 notam negativam signo universali præ-  
 ponamus; ut *Non omnis homo est ani-*  
*mal, aliquis homo non est animal.*

2. *Post contrar.* id est, si pronuncien-  
 tur duæ contrariæ; ut *Omne animal sen-*  
*tis, Nullum animal sentis,* fiant æqui-  
 pollentes, si post signum universale, no-  
 ta *Non* ponatur, ut *Omne animal sen-*  
*tis, Nullus non animal sentis.*

3. *Præ postq; subaltern.* hoc est, si duæ  
 subalternæ proferantur; ut *aliquis a-*  
*mor nescit modum. Omnis amor nescit*  
*modum;* statimque valebunt, notam  
 ne-

negativam ponendo ante & post signum; ut *Non omnis non amor nescit modum, Aliquis amor nescit modum.*

Has æquipollentias hisce versibus exprimere conati sunt logici.

*Non omnis, quidam; non omnis non, quasi nullus.*

*Nonnullus, quidam; sed nullus non, valet omnis.*

*Non aliquis, nullus; non quidam non, valet omnis.*

*Non alter, neuter; sed neuter non præstat uterque.*

*Nota.*

In æquipollentia præcipuè observandum, ut subjectum & prædicatum si non verbis, re tamen & sensu semper sint eadem.

# C. A. P. XL.

## *De conversione propositionum.*

*Conversio.*

**C**onversio propositionis est permutatio subjecti in locum prædicati & prædicati in locum subjecti, eadem semper remanente qualitate utriusque propositionis.

*Nota.*

In conversione duæ propositiones occurrunt considerandæ, Prior Conversa, posterior Convertens appellatur,



ut, ut *Nulla ambitio est virtus, Nulla virtus est ambitio*: illa *conversa*, hæc *convertens* nuncupatur.

Con- versio est du- plex,	{	Inæqualis, seu per accidens in qua Quantitas mutatur.	{	Sim- plex.	Conversio duplex.
		Æqualis, in qua eadē in utraq; pro- positione manet Quantitas, estque		Per contra- positio- nem.	

Conversio simplex est, quando ex-*Simplex.*  
tremis commutatis eadem servatur  
Quantitas. Sic vertuntur. E. I. univer-  
salis negativa & particularis affirmati-  
va; ut *Nullus lapis est homo, Nullus ho-  
mo est lapis. Aliqua largitio est vitium,  
aliquod vitium est largitio.*

Conversio per contrapositionem est, *Per con-*  
quando eadem manente Quantitate; *trapositio-*  
termini finiti in infinitos mutantur, ita *nem.*  
convertuntur A. O. universalis affir-  
mativa & particularis negativa; ut *Om-  
ne honestum est laudabile, Omne non  
honestum est non laudabile. Aliquod  
bellum non est utile, Aliquod non bellum  
non est non utile.*

Conversio inæqualis seu per acci-  
dens, est quando transpositis terminis *Per acci-*  
minuitur quantitas, ita transponuntur *dens.*  
A. E.

*A. E.* universalis affirmans & negans, ut *Omnis homo est animal*, *Aliquod animal est homo*, *Nulla perseverantia est pertinacia*, *Aliqua pertinacia non est perseverantia*.

Triplex hæc conversio hoc disticho comprehenditur.

*E E* simpliciter convertitur. *A E.* per acci.

*A. O.* per contrā; sic fit conversio tota.

Quatuor hæc vocales *A E I O.* Qualitatem & Quantitatem propositionum indicant juxta hos versiculos.

*Afferit A. negat E. sed universaliter ambe.*

*Afferit I. negat O. sed particulariter ambo.*

*Observatio.*

In conversione hæc summopere observanda. Primò ut nulla sit ambiguitas terminorum, *Ideo Christus est vitis, & homo est species*, non convertuntur, quia illa est figurata, hæc à vocibus primæ ad voces secundæ noticiis procedit. Secundò ut totum subiectum convertendæ fiat prædicatum convertentis. Ex cujus defectu non sequitur. *Mus rodit panem, ergo Panis rodit murem, sed aliquid rodens panem est mus.* Tertio ut nomen, casus & verborum tempora obliqua rectificentur, *Unde*

Unde aliqua arbor est in agro, non sic  
 convertitur, Ergo aliquis ager est in ar-  
 bre, sed aliquid existens in agro est  
 arbor, ita non sequitur, Senex fuit pu-  
 er, ergo, puer fuit senex, sed quidam  
 qui fuit puer est senex.

Verum satis à me dictum puto de  
 essentia, divisionibus & affectionibus  
 enunciationis: ultimò restat Discursus  
 postremo libro pertractandus.

## LIBER

# LIBER TERTIVS.

## CAP. I.

*De natura & Divisione Discursus  
cujus ratione hic liber in varias par-  
tes secatur.*

**I**N primo libro de vocibus simplicibus, in secundò de complexis egimus, quatenus per illas prima, per has secunda mentis operatio dirigitur; restat jam tertia Logicæ pars tertiam mentis operationem dirigens, quæ vocatur Discursus.

*Discursus.* Discursus est actus humanæ mentis, per quem à noto ad ignoti cognitionem pervenimus. Est duplex Inferens, & Ordinans.

*Ordinans.* Ordinans est cum intellectus humanus ab una parte doctrinæ ad aliam procedit,

procedit, adminiculo præceptorum *Stet. r.* Ordinis, & Methodi.

Inferens est quando una propositio *Inferens.* ex alia probatur; & vocatur Argumentatio.

Argumentatio verò ista duobus mo- *Argumen-* dis consideratur à Logico, vel quoad *ratiōis du-* formam seu optimam singularum par- *plex consi-* tium connexionem, ut inde fiat bona *deratio.*

consequentia, atque ita in quatuor spe- cies dividitur. *Syllogisum, Inductio-* nem, *Enthymema, & Exemplum,* vel quoad materiam quæ concluditur; & sic in tres partes distribuitur; *Apodicti-* cam cujus materia est necessaria, *Topi-* cam quæ concludit ex probabilibus, *Sophisticam* quæ ex materia fallaci & captiosa argumentatur.

Hinc est quod tertium hunc librum *Generalis* in tres partes distribuimus, prima aget *divisio huius* de Argumentatione quoad formam, *ius libri.* secunda de Argumentatione quoad materiam, tertia de Methodo & Ordine totidem à nobis sectionibus suo quæque loco pertractanda.

## SECT. I.

## CAP. II.

De Argumentatione & ejus formali  
divisione.

Argumentatio.

**A**RGUMENTATIO est oratio qua quis rei de qua loquitur fidem facere conatur, ut *Homo futilis tacere nequit, ergo non est ad consilium vocandus.*

Tria in argumentatione, notanda.

Tria sunt in Argumentatione consideranda *Antecedens, Nota illativa, Consequens.*

*Antecedens* notam illationis præcedit, & quandoque ex duabus propositionibus constat, ut in Syllogismo, quandoque ex una, ut in *Enthymemate.*

*Consequens* est posterior pars argumentationis notam subsequens, & vocatur *Conclusio.*

*Nota illationis* est nodus quidam utrasque partes coniungens. Huiusmodi sunt, *Ergo, Igitur proinde, itaque* quæ propter concinniores orationis structuram nonnunquã reticentur, ut *Vim vi repellendo occidere licet, Milo vim vi repellendo Clodium occidit, [Miloni Clodium] occidere licuit.* Hic *vim vi repellendo occidere licet, Milo vim vi repellendo Clodium occidit*, sunt duæ propositiones, quæ unum antecedens constituunt,

constituunt, *Miloni Clodium occidere Sect. I.*  
 licet, est consequens, & sequitur Ergo  
 illationis notam subauditam.

Quatuor, ut jam- Syllogismus.  
 jam diximus, sunt Enthymena,  
 argumentandi Inductio,  
 formulæ Exemplum.

*Divisio ar-  
 gumenta-  
 tionis.*

His addunt alii Soritem, Dilemma,  
 Violentum, quæ licet argumentatio-  
 nes propriè non dicantur, quia medio  
 carent, quoniam tamen multum sua-  
 dent non sunt omnimodò negligenda;  
 & proindè quatuor perfectiori-  
 bus argumentandi formulis peractis,  
 in fine hujus Sectionis de istis paucula  
 dicemus.

Harum omnium Argumentationis  
 specierum perfectissima est Syllogis-  
 mus, Enthymema verò perfectius In-  
 ductio, Inductio Exemplo. De istis  
 omnibus suo ordine.

## CAP. III.

De Syllogismi partibus, & Divisione.

Syllogismus est Oratio, in qua qui- *Syllogis-*  
 busdam ritè positis, & concessis, a-  
 liquid diversum ab iis quæ posita sunt  
 necessariò sequitur, propter ea quæ su-  
 erunt posita. Ita

*Sect. I.*

Ita his duabus

præmissis positis,

*Omne triste est fugiendum.*  
*Omnis voluptas est turpis.*

Necessariò sequitur concludendum,  
*Ergò quedam voluptas est fugienda.*

In Syllogismo primò principia ex  
 quibus formetur, inde divisionem ejus  
 considerabimus.

*Principia  
 Syllogismi.*

Principia  
 Syllogis-  
 mi sunt

Interna, ut Termini &  
 Propositiones.  
 Externa, ut Dictum de  
 vel Omni, & de Nullo.

*Terminus.*

Termini sunt ex quibus propositi-  
 ones syllogisticæ conficiuntur, & in  
 quos Syllogismus ultimò resolvitur.

Tres ve-  
 rò sunt  
 termini

Duo extremi, quorum u-  
 nus Major, alter Minor di-  
 citur.  
 Unus Medius, qui vulgò  
 Medium appellatur.

*Major.*

Major terminus est prædicatum  
 conclusionis, & in Majore propositio-  
 ne cum Medio ponitur.

*Minor.*

Minor terminus est subjectum con-  
 clusionis, & in Minori anà cum Me-  
 dio collocatur.

*Medius.*

Medius terminus in utraque præ-  
 missâ capitur, & nunquam ingreditur  
 Conclusionem.

Sine



## Sect. I.

Quare me-  
dium ne-  
cessariò re-  
quiritur.

Sine medio nihil potest concludi: cum enim omnis questio duabus partibus constet, re de qua queritur, quæ subiectum questionis vocatur, & re quæ de subiecto queritur quæ appellatur *Predicatum* questionis; & cum nihil seipsum probare possit, hinc est quòd tertio opus est termino, qui utrosque priores conjungat & copulet; ideoque à Logicis medium nuncupatur. v.g. *Ad probandum omnem libidinem esse malam*, medium aliquod sumerem, puta *ingratum esse Deo*, quod primò cum prædicato questionis conjungerem, dicendo *Omne ingratum Deo, est malum*, deinde cum subiecto, addendo *Omnis libido est ingrata Deo*, quæ ita secum concordantia facile hanc conclusionem elicerent, *Ergò libido est mala*.

In terminis syllogismorum inprimis observandum, ut nec plures nec pauciores sint quàm tres; non pauciores, quia sic nulla foret connexio, quum extrema non possint per semet ipsa disponi, nec plures, quia quartus necessariò perturbat dispositionem; medium enim quæ medium semper refertur ad duo.

Cautio  
prima.

Sunt autem quatuor termini vel expressè,

*Señt. I.* pressè, quum totidem suo ordine in syllogismo disponantur, vel implicite, quando unum trium terminorum est ambiguus.

*Cautio secunda.* Secundò cavendum ne isti termini manci sint aut mutilati, sed ut eodem modo inferantur in Conclusionem; quo sumpti fuerunt in præmissis; non igitur termini abstracti cum concretis, obliqui casus cum rectis, notiones secundæ cum primis confundi debent. Unde hæ Conclusiones non rectè sequuntur, *Iustitia est qualitas, homo est iustus, ergò homo est qualitas. Animal est genus, Homo est animal, ergò homo est genus.*

*Propositio.* Propositio syllogistica est oratio affirmans, aut negans aliquid de aliquo, in ratiocinatione.

Differt ab Enunciatione priori libro explicatâ non re sed ratione, quòd hæc est oratio extra argumentationem, illa in argumentatione aliquid affirmat aut negat.

Tres sunt syllogismi propositiones Major, Minor, Conclusio.

*Major.* Major propositio est prima syllogismi propositio, orta ex connexionione Medii cum majori extremo; appellatur *ἡ πρώτη* Propositio à proponen-

do quoniam in argumentatione pri- *Sect. I.*  
mò proponitur, & præ cæteris præfi-  
gitur.

Minor est secunda. Propositio, orta *Minor.*  
ex connexionione medii cum minori ex-  
tremo; vocatur à Cicerone *Assumptio*,  
quia ad maiorem in probando asumi-  
tur.

Conclusio est ultima propositio *Conclusio.*  
syllogismum concludens. orta ex con-  
nexionione majoris & minoris extremi.  
Appellatur inde *Complexio*, quia utra-  
que extrema complectitur.

Hæc si probetur, appellatur *Conclu-*  
*sio*, si probanda proponatur, *Questio*  
seu Problema dicitur.

In his Propositionibus, primò ob- *Observa-*  
servandum, ut omnes non sint negan- *tio.*  
tes, secundò ut non sint simul particu-  
lares, tertio ut si altera præmissarum  
particularis sit aut negativa, eodem  
modo Conclusio deteriorem partem  
semper sequens, colligatur: quartò, ut  
Medium nunquam conclusionem in-  
grediatur: quas leges Logici his versi-  
bus complexi sunt.

*Syllogizari non est ex particulari.*  
*Neve negativis, rectè cōcludere si via.*  
*Si qua præit partis, sequitur con-*  
*clusio partis.*

**Sect. I.***Si qua negata præit, Conclusio fit-  
que negata.**Lex generalis erit, medium conclu-  
dere nescit.***Principia  
externa.***Principia extrema syllogismi sunt  
duo Canones certitudinis, quorum al-  
ter respicit syllogismos affirmantes, &  
vocatur *Dictum de Omni*; alter negan-  
tes concernit, & appellatur *Dictum de  
Nullo*.****Dictum de  
Omni.*****Dictum de Omni* est, quando quic-  
quid de aliquo subiecto universaliter  
affirmatur, etiam ei de quo illud sub-  
iectum dicitur attribui potest. Ut om-  
ne animal est substantia, Omnis homo  
est animal, ergò omnis homo est sub-  
stantia, est syllogismus in quo *Dictum  
de Omni* evidenter cernitur, quia Sub-  
stantia quæ attribuitur animali, de ho-  
mine quoque prædicatur, propterea  
quòd animal sub se hominem compre-  
hendit.****Dictum de  
Nullo.*****Dictum de Nullo* est, quando præ-  
dicatum universaliter de subiecto ne-  
gatur, & ita removetur ab omnibus iis  
quæ subiectum in sua latitudine com-  
prehendit. Sic iste syllogismus, Nullus  
lapis est animal, Omnis adamus est la-  
pis, ergò, Nullus adamus est animal,  
habet manifestum *dictum de nullo*;*

nam

nam prædicatum majoris *Animal*, universaliter à subjecto removeretur, subjectum verò scilicet lapis in se admanentem continet ergò de illo quòque *Animal* rectè negatur.

Syllogismus § Categori-um.  
dividitur in § Hypotheticum.

*Syllogismi  
divisio.*

Categori-  
cus.  
Categori-  
cus.

Hypotheticus consistit ex altera, vel utraque propositione hypotheticà.

*Hypotheti-  
cus.*

His alia syllogismi divisiones possunt addi in affirmativum & negativum universalem & expositorium, directum & indirectum : sed prima illa divisio quam adduximus est maximi momenti, scilicet in categori-um & hypotheticum; cæteris igitur divisionibus omissis de Categori- & Hypothetico syllogismo loquemur, & primò de Categori-um, quia ex illo Syllogismi fiunt hypothetici.

## CAP. IV.

De Modis & Figuris Syllogismi.

Syllogismus Categori-um formaliter consideratus ad Figuras & Modos tanquam ad certos quosdam cancellos

*Sect. I.* & classes redigitur.

*Figura.*

Figura est debita medii dispositio cum extremis.

*Modus.*

Modus est index Qualitatis & Quantitatis propositionum. A Figura differt, quòd Figura notat terminorũ, modus propositionum dispositionem.

*Figura tres.*

Tres sunt Figure quæ oriuntur ex triplici medii dispositione: vel enim medium est subjectum majoris, & prædicatum minoris propositionis & fit *Prima figura*, vel in utraque præmissa prædicatum, & fit *Secunda*, vel in utraque subjectum, & oritur *Tertia* juxta istos versiculos:

*Sub præ prima.*

*Bis præ secunda.*

*Tertiabis sub.*

*Modi 14.*

Modi verò sunt quatuordecim, quatuor primæ figuræ, & totidem secundæ, sex autem tertiæ, qui omnes his Versibus comprehenduntur.

*Barbara. Celarent, Primæ, Darii, Ferioque.*

*Cesare, Camestres, Festino, Baroco, Secundæ.*

*Tertiagrande sonans; edit Darapti, Felapton*

*Adiungens Disamis, Darisi, Boeardo, Ferison.*

In

In quolibet horum modorum tres **Señ. I.**  
 reperiuntur vocales, totidem propo-  
 sitionibus in syllogismo respondentes,  
 earum qualitatem & quantitatem pro-  
 palam ostendentes, juxta versus prius  
 habitos: *Afferit A. negat E. &c.* Sic A  
 in omni syllaba in *Barbara* reperta  
 notat quamlibet propositionem in illo  
 modo universaliter affirmare.

Prima Figura est, quando medius **Prima Fi-  
 terminus medio loco collocatur, ut gura.**  
 subjectum sit maioris, & minoris præ-  
 dicatum. Hujus quatuor sunt modi di-  
 rectè concludentes.

Bar *Omne animal sentit,*  
 ba *Omnis homo est animal, Ergò,*  
 ra *Omnis homo sentit.*  
 Ce *Nullum animal est lapis,*  
 la *Omnis homo est animal, Ergò,*  
 rent *Nullus homo est lapis.*  
 Da *Omne turpe est fugiendum,*  
 ri *Aliqua voluptas est turpis, Ergò,*  
 i *Aliqua voluptas est fugienda.*  
 Fe *Nulli lascivi sunt legendi,*  
 ri *Aliquis Poëta est lascivus, Ergò,*  
 o *Aliquis Poëta non est legendus.*

Huius Figuræ maior semper est u- **Regula.**  
 niversalis, minor ubique affirmans.

Secunda Figura est in qua medius **Secunda.**

## Sect. I.

terminus in utraque præmissa prædicatur Ejus quatuor sunt modi.

- Ce** Nemo liberalis cupit aliena.  
**fa** Omnis avarus cupit aliena; Ergò  
**re** Nullus avarus est liberalis.  
**Ca** Omnis prudens est temperans.  
**mel** Nullus lascivus est temperans.  
**tres** Nullus lascivus est prudens.  
**Fe** Nullum scelus est excusabile.  
**sti** Aliqua culpa est excusabilis; Ergò  
**no** Aliqua culpa non est scelus.  
**Ba** Omnis fraus est prohibita.  
**ro** Quædã mercatura nõ prohibetur.  
       Ergò.  
**co** Quædã mercatura non est fraus.

Major huius Figuræ semper est universalis; maior aut minor semper affirmans.

Tertia Figura habet medium in utraque præmissa subiectum. Eius sex sunt modi.

- Da** Omnis homo est rationalis.  
**rap** Omnis homo est animal. Ergò  
**ti** Quoddam animal est rationale.  
**Fe** Nulli electi damnantur.  
**lap** Omnes electi peccant: Ergò  
**ton** Quidã peccatores non dānantur.  
**Bo** Aliquod bellum non est fugiendū,  
       Omne



car *Omne bellum est cruentum: Ergò Sect. I.*

do *Quoddam cruentum non est fu-  
giendum.*

Di *Quidam vocati salvantur,*  
sa *Omnes vocati peccant, Ergò.*

mis *Quidam peccatores salvantur.*

Da *Omnis sapiens est beatus.*

ti *Quidam sapiens cruciatur dolore,*  
Ergò.

fi *Quidam cruciatus dolore est be-  
atus.*

Fe *Nulla severitas placet.*

ri *Aliqua severitas est bona, Ergò,*

son *Aliquod bonum non placet.*

Minor hujus Figuræ semper est af-  
firmans, conclusio semper particula-  
ris. *Reg.*

Modales syllogismi eodem modo *Nor.*  
conficiuntur quo isti puri, si *Neceffe*  
pro *Omnis*, *Impossibile* pro *Nullus*,  
*Contingens* pro *Aliquis*: in concluden-  
do substituatur.

## CAP. V.

## De Reductione.

QUoniam inter syllogismos jam e-  
numeratos alii aliis sunt imper-  
fectiores, & propterea reductione e-  
gent

*Señ. 1.* gent, de istis & istorum reductione paucula addemus.

*Reductio.* Reductio est mutatio syllogismi secundæ aut tertiæ figuræ in syllogismum primæ.

*Duplex est.* Duplex est reductio, Ostensiva, & Reductio per impossibile.

Ostensiva est, quando vel conversione tantum, vel conversione & transmutatione simul præmissarum, syllogismus aliquis secundæ vel tertiæ figuræ reducitur ad syllogismum primæ, eadem conclusione vel ejus Conversa remanente.

*Reductio per impossibile.* Reductio per impossibile est ostendere valorem syllogismi, cogendo ad versarium ad absurdum; sumptâ conclusionis contradictione cum altera præmissarum.

Modum reductionis literæ initiales, & intermedie ostendunt, nam B.C.D. F. in modorum initio indicant ad quæ modum primæ Figuræ quilibet imperfectus modus est reducendus. C. M. P.S. in medio & fine monstrant, quomodo hæc reductio sit perficienda, C. enim reductionem per impossibile, M. propositionum transmutationem, P. attenuatam, & S. simplicem conversionem designant juxta hos versiculos.

*S. vult*

*S. vult simpliciter verti. P. verò Sect. I.  
per acci.*

*M. vult transponi. C. per impossibile  
le duci.*

Exempli gratiâ, B. in *Baroco* & *Bocardo* principio notat hos modos ad *Barbara* esse reducendos; eandemque reductionem per impossibile fieri C. in medio monstrat; & proinde necesse est, ut alicujus propositionis contradictio substituaturs. Exempli gratiâ formetur hic syllogismus in

*Ba Omnis homo est animal.*

*ro Aliqua planta non est animal,*

*Ergò,*

*co Aliqua planta non est homo.*

Hujus Syllogismi major maneat, & conclusionis contradictio fiat minor, & minoris conclusio, ad hunc modum,

*Bar Omnis homo est animal,*

*ba Omnis planta est homo, Ergò,*

*ra Omnis planta est animal.*

*Bocardo* eodem modo est reducendus, nisi quòd in hoc minor, ut in superiore major propositio semper est servanda, & proinde contradictio conclusionis fiat major, & majoris conclusio.

*Hi duo modi solum per impossibile.  
redu-*

*Sect. I.*

reducuntur, reliqui omnes *per ostensivam reductionem*. Reductio vero per impossibile idcirco fit, ut eorum ignorantia omnibus pateat, qui conclusionem probabilem in his modis non admittunt: ut si protervus quisquam non admisserit, *Aliquam plantam non esse hominem* illud quod est omnium absurdissimum, reductione facta, necesse est ut admittat, dum ejus contradictorium concedat nimirum, *omnem plantam esse hominem*, quippe aut hoc aut illud in contradictoriis necessario verum est.

Reliqui syllogismi *per reductionem ostensivam* juxta literarum ordinem sunt reducendi.

Ita in *Cam-es-tres C.* notat ipsum reduci debere ad *Celarent*, *M.* indicat propositionum transpositionem: *S.* in medio ostendit fieri debere simplicem conversionem, ut in hoc exemplo patet.

*Cam* Omnis homo est animal,  
*es* Nullus lapis est animal, Ergo  
*tres* Nullus lapis est homo.  
*Ce* Nullum animal est lapis,  
*la* Omnis homo est animal, Ergo  
*rent* Nullus homo est lapis.

Ita in conversione *Darapti D.* notat ipsam

ipsum ad Darii esse reducendum P. in *Seft. 1. 2.*  
 medio designat minoris conversionem  
 per accidens, ut

Da *Omnis pius est felix,*  
 rap *Omnis pius est exosus, Ergò*  
 ti *Aliquis exosus est felix.*

Da *Omnis pius est felix,*  
 ri *Quidam exosus est pius, Ergò*  
 i *Quidam exosus est felix.*

Ex his quæ diximus facile patet,  
 quomodo reliqui modi secundæ &  
 tertiæ figuræ ad primam possunt re-  
 duci, modò discentes id fideliter in  
 memoria teneant, quod prius in pro-  
 positionum Conversione didicerunt.

## CAP. VI.

## De Syllogismo Hypothesico.

**H**AËtenus de Syllogismi categorici  
 modis & figuris loquuti sumus,  
 proximè ad hypotheticum devenien-  
 dum, qui ita à Categorico dependet,  
 ut nisi ad eum reducatur omninò viti-  
 osus est habendus.

Syllogismus hypotheticus est dupl. vel	{	Purè hypotheticus.	Syllogis- mus hypo- theticus duplex.
		Hypotheticus ex parte.	

Syllo-

## Sect. I.

Syllogismus merè  
hypotheticus est,  
qui habet omnes  
propositiones hy-  
potheticas, ut

{ Si Animal sit, est  
etiam substan-  
tia.  
Si Leo sit, est A-  
nimal. Ergo  
Si Leo sit, est sub-  
stantia.

Syllogismus ex parte hypotheticus  
est qui constat ex majori propositione  
hypothetica, & minore categorica.

Estque { Conditionalis.  
vel { Disjunctivus.

Cenditio-  
nalis.

Conditionalis est qui constat majore  
propositione conditionali, ut *si sol  
luceat dies est, sol lucet, Ergo dies est.*

Tota vis hujus Syllogismi dependet  
à connexione antecedentis & conse-  
quentis.

## Nota.

## Reg. 1.

Notandum igitur est, quòd ab as-  
sumptione antecedentis ad assumptio-  
nem consequentis valet illatio; sed non  
à positione consequentis ad positio-  
nem antecedentis nisi termini sunt re-  
ciprocì; unde non valet, *Si homo est,  
animal est, sed animal est, ergo homo  
est.* Sed potius dicendum, *homo est, er-  
go animal est.*

## Reg. 2.

A remotione consequentis ad re-  
motionem antecedentis valet illatio;  
non

non autem à remotione antecedentis *Señ. I.*  
ad remotionem consequentis, nisi in

terminis reciprocis unde invalidus est  
iste syllogismus, *Si homo sit, animal est,*  
*sed non est homo, ergo non est animal:*  
valet autem iste, *Si homo sit, rationalis*  
*est, sed est rationalis, ergo est homo;* hu-  
jus enim syllogismi termini sunt reci-  
proci & convertibiles.

Hic syllogismus ad Categoricalum *Reductio e-*  
reduci potest, si vis consequentiae loco *ius ad Ca-*  
majoris ponatur, ut si *Animal est sen-*  
*tit, in Categoricalum resolvitur, dicen-*  
*do. Omne anima' sentit, Homo est ani-*  
*mal, ergo homo sentit.* *tegoricum.*

Quod si in maiore plures termini se  
offerunt, ad pauciores sunt reducendi:  
ut si *Deus irascatur peccatis, Gentiles*  
*non sunt iusti*, sic reducitur *Quibus*  
*Deus irascitur, ii non sunt iusti*, at  
*Gentilibus propter peccata irascitur,*  
*ergo Gentiles non sunt iusti.*

Hypotheticus disiunctivus est, qui *Disiuncti-*  
loco majoris propositionem disiuncti- *uus.*  
vam habet; ut *Aut dies est, aut nox, sed*  
*dies est, Ergo nox non est.*

Tota eius vis consistit in membro- *Nota.*  
rum disiunctione & oppositione non  
enim possunt esse subordinata nec mu-  
tilata, sed plena esset eorum repetitio.

Valet

Sect. I.

Quando  
vocalis.

Valer hic Syllogismus quatuor modis.

1 Quando ponitur Antecedens, ut tollatur consequens: ut *iustus est, aut iniustus, sed iustus est, ergo non iniustus.*2 Quando consequens tollitur, ut ponatur antecedens: ut *Dies est aut nox, non est nox, ergo est dies.*3 Quando negatur antecedens, ut ponatur consequens: ut *aut dies aut nox est, non est dies, ergo est nox.*4 Quando ponitur consequens, ut negetur antecedens: ut *Aut homo est aut brutum: sed est brutum, ergo non est homo.*Reductio  
Syllogismi  
disiunctivi  
ad Cate-  
goricum.Hi syllogismi disiunctivi in conditionales resolvuntur & ipsi demum in Categoricalos sic, *aut nox est aut dies, resolvitur in hanc propositionem, Si dies est nox non est, unde rursus Categoricalè concludimus**Nullum tempus nocturnum, est diurnum,**Hoc tempus est nocturnum, Ergo,  
Hoc tempus non est diurnum.*His addipoteft conjunctivus syllogismus, ubi maior est propositio hypothetica coniunctiva; sed quia in affirmantibus mera est nugatio, ut si quis dicat, *Socrates est Philosophus, & bonus*



*bonus vir*, quid subsumendum? num  
*hoc quod sit philosophus*, vel illud quod  
*sit bonus vir*? quorum utrumque antea  
concessum est, & obinde copulativi  
syllogismi tantum sunt negativi. Sed  
quia negativa argumentatio ex copula-  
tivis constans, idem infert quod dis-  
junctiva, potius ad disjunctivam ipsam  
reducimus, quam distinctam tractatio-  
nem extrueremus.

## CAP. VII.

## De Enthymemate.

SECUNDA argumentationis species est *Enthyme-*  
*ma*.  
Enthymema, quod est syllogismus

imperfectus, in quo alterutra præmis-  
sarum reticetur, ut *Homo est animal*,  
ergo *est corpus*. In Enthymemate pri-  
or propositio dicitur Antecedens, po-  
sterior consequens. *Ejus partes*

Quæ verò præmissarum sit adjun-  
genda, ex antecedentis & consequen-  
tis terminorum inspectione cognosca-  
tur: si enim in antecedente & conse-  
quente idem sit subjectum, deest ma-  
jor, si idem prædicatum, minor abest; *Quomodo*  
ut *Temeritas est vitium*, ergo *temeri-* *perficietur.*  
*tas est fugienda*, majore caret, quia i-  
dem

**Sect. I.** dem est subjectum utriusque præmissæ: quod si propositionem addamus illam *Omne vitium est fugiendum*, hoc imperfectum Enthymema perfectus fiet Syllogismus Ita, *Homo est animal*, ergo *Socrates est animal*, est enthymema, in quo minor deest, scilicet *Socrates est Homo*.

*Unde enthymema falsum sit.*

Si enthymema sit falsum, accidit vel quoniam una præmissarum est falsa, vel quod consequens non rectè ab antecedente dependet, sic si quispiam argumentaretur, *Homo est animal*, ergo *Homo volat*: argumentum ejus est negandum, quia consequens non rectè ab antecedente dependet, nisi concederemus *Omne animal volare*.

## C A P. VIII.

### De Inductione.

*Inductio.*

**T**ertia species est Inductio, quæ fit cum ex pluribus singularibus elicitur generalis conclusio.

*Nota.*

Per singularia verò hic intelligo & Individua, & Partes, unde evenit, quod Inductio duobus modis fiat, quando procedimus vel à singularibus ad universale, vel à partibus ad totum.

Quod

Quod si singularum aut partium enumeratione sit valde prolixa, addenda est aliqua forma solennis, ut sunt, sic in alijs, non datur aliquod dissimile, sic in ceteris.

A singularibus ad universale.

Malè perijt Dionysius, malè Phalaris, malè Nero, Caligula, nec datur aliquod dissimile exemplum, ergo omnes tyranni malè perierunt.

A partibus ad totum.

Plebs Romana optimè de Milone sentit, equester ordo optimè sentit, Senatus optime sentit, idem de ceteris civibus est dicendum, ergo totus populus Romanus optimè de Milone sentit.

In hac argumentatione summopere, *Cautio.* cavendum, ut enumeratio singulorum plena sit & perfecta, & ne qua partium dissimilitudo reperiatur, unde hæc Inductio non valet: Socrates, Plato, & Themistius fuerunt docti, ergo Omnes homines sunt docti; Secus enim res se habet in Corydone, & Gryllo.

Inductio ad syllogismum primæ figuræ reducitur, posita loco majoris tali propositione, in qua prædicatum conclusionis de particularibus seu singularibus omnibus, sive enumeratis, sive intellectis tanquam de medio dicatur,

*Quomodo  
ad Syllogis-  
mum re-  
ducitur.*

&

*Sect. I.* & addetur minor in qua de subiecto conclusionis eadem singularia dicantur, ut *Dionysius, Phalaris, Nero, Catigula malè perierunt.*

*Sed isti omnes fuerunt tyranni. Ergo, Omnes tyranni malè perierunt.*

## CAP. IX.

## De Exemplo.

*Exemplum* Quarta ratiocinandi forma est Exemplum, quando unum singulare per aliud probatur, ut *Catilina dedis pœnam motæ seditionis, ergo, iste sediciosus puniri debet.*

Differt ab Inductione & Syllogismo, quòd Syllogismus ab universalibus ad particulare, Inductio à particulari ad universale, Exemplum ab uno particulari ad aliud ejusdem naturæ procedit.

*Quomodo  
ab Inducti-  
one & syl-  
logismo  
differt.*

Disolvimus exemplum ostendendo partium dissimilitudinem, sic *Laterensis, fuit accusatus quia consularum affectavit, ergo, Cicero est accusandus, non valet quia alter per ambitum, alter citrà ambitum affectavit.*

*Quomodo  
dissolven-  
dum.*

Exemplum ad unum Syllogismum nullo modo reducitur, quia ex quatuor terminis

## Sect. I.

terminis constat; v. g. si propositum sit probare, *Periculi plenum esse Anglos cum Scotis bellum gerere, adferendo simile exemplum de Thebanis & Atheniensibus, qui finitimi erant, & infelicitate bellum gesserunt; necesse est si syllogisticè concluderetur, ut quatuor sumerentur termini, ex quibus duplicem syllogismum extrueremus.*

*Bellum gerere cum finitimis est medium terminus. Periculi plenum, major.*

*Minor est bellum Anglorum cum Scotis. Quartus terminus est similis, tertio & est bellum Thebanorum cum Atheniensibus. Ex his terminis duo efficiuntur syllogismi, quorum prior vocatur Prosyllogismus, posterior Syllogismus principalis. v. c.*

*Prosyllogismus,*

*Bellum Thebanorum contra Athenienses fuit malum.*

*Bellum Thebanorum contra Athenienses fuit contra vicinas. Ergo*

*Bellum contra vicinos est malum.*

*Syllogismus principalis.*

*Bellum contra vicinas est malum.*

*Bellum Scotorum contra Anglos est bellum contra vicinos. Ergo,*

*Bellum Scotorum contra Anglos est malum.*

Hi

## Sect. I.

Hi duo syllogismi ad hunc modum ad unum Enthymema rediguntur.

*Bellum Thebanorum contra Athenienses fuit malum. Ergo etiam Scytharum contra Anglos: hujus consequentia ratio est, quia utrumque fuit contra finitimos qualia bella solent esse mala.*

## CAP. X.

*De alijs minùs perfectis argumentandi formulis.*

**Q**Uatuor istæ de quibus egimus argumentandi formulæ sunt magis principales: restant jam aliæ imperfectæ, quæ ratione materiæ magis quam formæ concludunt

Inter has primo occurrit Sorites, quæ est concatenatio propositionum, & series coavervata, quâ prædicatum prioris propositionis fit subjectum sequentis, donec primum prædicatum cum postremo subjecto componatur: ita ratiocinatur D. Paulus. *Quos præcognovit prædestinavit, quos prædestinavit, vocavit, quos vocavit iustificavit, quos iustificavit glorificavit. Ergo quos præcognovit glorificavit.*

Hæc

odum  
r.  
them.  
Scote.  
quen-  
t con-  
ut esse

Hæc argumentatio ex paucioribus *sect. I.*  
quàm quatuor propositionibus non  
constat, & valet quando ab ima specie *Nota.*  
ad summum genus per intermedia as-  
cendimus; vel à causis ad effectus pro-  
ximos, qui rursus sunt aliorum effe-  
ctuum causæ.

otandi

us ar-  
magis  
perfe-  
quam

rites,  
num,  
catum  
m se-  
catum  
atur:  
s præ-  
desti-  
fica-  
Ergo

Hæc

Vitiosa est, quando termini diver-  
sarum categoriarum confunduntur, vel  
causæ per accidens confundantur cum  
causis per se, vel una propositio sit ne-  
gativa, vel propositio particularis in  
secundo aut tertio loco ponatur, vel  
quando peccat contra unam limitati-  
onem primæ regulæ antepredicamen-  
talis, supra quam hoc argumentandi  
genus fundatur. *Quando  
vitiosa.*

rites,  
num,  
catum  
m se-  
catum  
atur:  
s præ-  
desti-  
fica-  
Ergo

In Sorite multi latent Syllogismi, *Quomodo  
ad Syllogis-*  
quorum unus principalis dicatur, cu-  
jus major terminus est prædicatum, *num re-*  
minor est subiectum conclusionis in *ducitur.*

rites,  
num,  
catum  
m se-  
catum  
atur:  
s præ-  
desti-  
fica-  
Ergo

Sorite, medium verò est subiectum  
propositionis conclusionem antece-  
dentis; reliqui vocantur prosyllogismi,  
qui fiunt ex terminis intercedentibus:  
quot enim termini, tot media reperi-  
untur ad syllogismos minis principa-  
les conficiendos; ubi in prædicta So-  
rite principalis syllogismus est.

*Qui iustificantur glorificantur,*

F

*Qui*

*Met. I.*

*Qui praecognoscantur iustificantur, ergo etiam glorificantur.*

Pro syllogismi verò ex intermediis terminis ad hunc modum colliguntur,

*Qui vocantur, iustificantur,*

*Omnes praesciti vocantur, ergo,*

*Omnes praesciti iustificantur.*

*Item,*

*Omnes praedestinari vocantur,*

*Omnes praesciti sunt praedestinati,*

*Ergo,*

*Omnes praesciti vocantur.*

In Sorite observandum, ut syllogismi in quos resolvitur sint in prima figura, quod in illa ejus consequentia ratio potissimè demonstretur.

*Dilemma.*

Post Soritem adjungamus Dilemma, quæ est argumentandi forma, in qua sic confirmamus nostra, aut impugnamus aliena, ut quaecunque interrogationis partem adversarius accipit, causâ cadit; ut *si animus est corporeus, quomodo percipit incorporea? si incorporeus, cur senio contabescit?*

Optimum est Dilemma quod constat ex contrariis inter quæ nullum est medium.

*Quando vitiosum.*

Vitiosum est, si disjunctio non sit plena, sed detur tertium, aut quartum membrum, vel si utraque aut omnes partes



partes adversarium non feriunt, vel si *Sect. I.*  
idem Dilemma contorqueri possit in  
adversarium.

Dilemma in unum Syllogismum *Quomodo  
reducitur.*  
hypotheticum & duos categoricos re-  
solvitur, in illum propter majorem,  
quæ constat ex propositione hypothet-  
tica, in hos propter minorem bifurca-  
tam: exempli gratiâ, *Si detur animus,*  
*tum est corporeus vel incorporeus; sed*  
*non est corporeus, nec incorporeus, Ergo*  
*non datur animus.*

Hujus Syllogismi minor, quoniam  
bimembris est, in duos categoricos ita  
resolvitur.

*Quod percipit incorporea non est  
corporeum*

*Animus percipit incorporea,*

*Ergo, Animus non est corporeus.*

Item.

*Nallum incorporeum senio contaba-*  
*bescit,*

*Omnis animus senio contabescit,*

*Ergo,*

*Nallus animus est incorporeus.*

Hic adiciamus Violentum, quod est *Violentum*  
concludendi modus, in quo ex ad-  
versariorum ratione, non quod ipsi  
volunt, sed quod nobiscum facit se-  
qui demonstramus, ut *Nolo Philosophia*

## Sect. 2.

phie operam dare quia sum filius Regis; retorqueri enim potest, Imò eo magis Philosophie insudandum quoniam ex regali stirpe natus.

Haftenus de formali consideratione argumentationis, sequitur materialis sequenti sectione enucleanda.



## SECTIO SECUNDA

### LIBRI TERTII.

#### CAP. I.

#### De Divisione argumentationis.

Argu- me- ntationis divi- sio.	Necessaria seu Apodi- cticam pro- babile seu Dialecticam Fallacem seu Sophi- sticam	quæ con- cla- dit ex mare- ria	Neces- saria Proba- bili Capti- osa.

Inter has argumentationes de apodictica pro materia necessitate primo dicemus, *Sec. 2.*

Argumentatio necessaria est, quæ in scientiis & artibus ex propriis earum principiis conclusionem probat. *Argumentatio necessaria, quid, quomodo duplex.*

Quum enim disciplinarum alie sunt Theoreticæ, quæ cognitione veritatis consistunt, alie practicæ quæ in rerum actione aut effectione versantur; utraq; autem probandi ac docendi ea quæ ipsis subjiciuntur, ex propriis principiis, vim facultatemque habeant; hinc fit quodd duplex oritur Argumentatio necessaria; unam Demonstrativam, alteram Didascalicam appellamus.

Demonstrativa est, quam ad scientiam comparandam accominodamus, *Demonstrativa.* ut si probemus in naturali Philosophia hominem esse risibilem, quia est rationalis, aut lunam pari eclipsin quia terra interponitur.

Didascalica est, quâ in arte aliqua utimur ad certum aliquid confirmandum, ut si concludamus in Medicina dulcia calidis naturis non competere, quæ citò vertuntur in bilem. *Didascalica.*

Et licet hæ duæ argumentationes quâdam generali materiâ.

*Quomodo inter se differunt.*

Sect. 2.

fiunt ex propositionibus necessariis & propriis ; & sine generali, quia simul firmam cognitionem pariunt, consentire videantur : si tamen impensius consideremus, videbimus easdem *de* *Nos* *non* dissentire ; nam principia propria scientiarum ex quibus demonstrativè concludimus, sunt res necessariae, artium verò principia vel hominis industriâ generantur, aut si sunt necessaria in sua natura, ratione tamen usus & applicationis in artificis manu sunt posita ; præterea, finis Demonstrationis est certa cognitio in qua mens acquiescit, ac Didascalica argumentationis finis ad actionem aut affectionem dirigitur. Medicus enim non acquiescit in morbi cognitione per suas causas & symptomata, sed procedit ad expulsionem morbi cum sua causa.

Nos priori loco de argumentatione demonstrativâ, & in illa primò de ejus definitione, secundò de illius divisione, ultimò de affectionibus breviter, & quantum res patitur apertè agemus.

CAP. II.

## De Definitione prima demonstrationis.

**D**emonstrationis definitio petitur aut à fine ejus ad quem collimat, vel à materia ex qua constituitur.

Finis ejus est Scientia; unde Demonstratio ab *Aristotele* dicitur syllogismus, qui scientiam parit.

In qua definitione, primò quid Scientia est, inde quomodo acquiritur, ostendemus. *Prima definitio demonstrationis.*

Scire est causam cognoscere, prop- *Scire quid.*  
ter quam res est, quòd illius causa fit, & quòd aliter se habere nequit.

Ad scientiam igitur quatuor requiruntur, primò ut causa cognoscatur, secundò, ut illa causa sit proxima, tertio ut cognoscatur, quatenus est illius rei causa, id est, ut connexionem causæ cum effectu cognitam habeamus, quarto, ut certus sit animus rem aliter se habere non posse. *Eius conditiones.*

Ex his colligimus duplicem esse *Duplex*  
Scientiæ certitudinem, unam ratione *scientia*  
obiecti seu rei scibitæ, quando cau- *certitudo.*  
sam ejus proximam apprehendimus, alteram ratione subiecti, seu animi *scientiæ*, ut scilicet certus sit, rem aliter se habere non posse, certus autem est, quia

Sect. 2.

quia causam cognoscit, quâ cognita  
necessariò cognoscitur affectus.

*Tria ad  
scientiam  
necessaria.*

Præterea quod ad sci-  
entia acquisitionem  
attinet cognoscendū  
est tria ad omnem  
scientiam necessariò  
requiri

Subjectum.

Principia.

Affectiones.

*Subiecti  
conditio-  
nes 4.*

Subjectum cujuslibet scientia qua-  
tuor conditiones requirit, primò, ut  
sit ens per se, secundò, ut sit præcog-  
nitum, tertio, ut affectiones & pro-  
pria principia habeat, quarto, ut eius  
consideratio nulla alia sit, quàm ut his  
omnibus subternatur, *sic corpus natu-  
rale est subiectum physiologiae, et in eo  
omnes hæ conditiones simul concurrunt.*

Nota.

Per subiectum autem scientia sub-  
stantiam solam non intelligo, sæpe-  
numero enim accidentia sunt varia-  
rum scientiarum subiecta, ut *numerus  
Arithmeticae, magnitudo Geometriae,*  
quæ licet in alia scientia possunt de-  
monstrari, ut in Physica; in propriis  
tamen scientiis nunquam demon-  
strantur, sed præcognoscuntur & quod  
sint & quid significant.

In quolibet subie-  
cto duo occurrunt  
consideranda

Res considerata.

Modus conside-

randi.

Una

Una res considerata pluribus scientiis potest communicari, at modus considerandi in iisdem alius est atque alius sic in scientia naturali naturale corpus est subiectum, et res considerata, modus vero ipsum considerandi est quæ naturale; idem etiam est res considerata in Medicina, non autem quæ naturale sed quæ sanabile.

Sect. 2.

Reg. 1.

Scientia subalternans & subalternata habent eandem rem consideratam & eundem modum considerandi, in hoc solum differunt, quod scientia subalternans subiectum considerat ab omni materia & sensibili qualitate sejunctum, sed subalternata idem contrahit ad materiam sensibilem; ut Arithmetica de numero agit nullam habente sensibilem qualitatem, Musica in eodem sonis adiuncto versatur, quare Musica subordinata dicitur & velut filia, Arithmetica subalternans & tanquam mater. Hoc autem si ita se habet, talem subalternationem in solis Mathematicis reperire necesse est, quod in iis tantum res cum sensibili materia, nonnunquam existunt, nonnunquam mente & cogitatione separantur.

Reg. 2.

Principia

Principia scientia sunt ea quibus

F 5

in

Sect. 1.

in aliqua disciplina nihil est prius.

Sunt duplicia, Essendi vel Cognoscendi.

Essendi.

Essendi principia sunt, quæ dant esse rei, *sic materia & forma sunt principia essendi in corpore naturali.*

Cognoscendi.

Cognoscendi principia sunt, quæ non ad essentiam, sed ad cognitionem rei conducunt.

Quomodo differunt.

Differunt quod principia essendi sunt principia cognoscendi, sed non contra. Præterea, essendi principia sunt res simplices, neque semper cognoscuntur, sed aliquando demonstrantur a posteriori, ut *hominem rationalem esse demonstramus, eo quod est ri sibilis.*

Cognoscendi verò principia sunt voces complexæ seu propositiones, quæ sine ulla probatione in sua scientia accipiuntur, aut si probanda sunt in alia scientia probantur.

Hæc cognoscendi principia sunt duplicia, Propria, vel Communia.

Cognoscendi principia duplicia.

Communia.

Principia communia sunt quæ omnibus aut pluribus artibus, & scientiis communicantur: sic principium illud contradictionis, *Quidlibet est vel non est*, ubique veritatem obtinet, & omnibus disciplinis accommodatur; item *ab equalibus equalia demas ea quæ*

rem.



remanent erunt equalia, est principium Sect. 2.  
cum Arithmeticum tum Geometri-  
cum magnitudinibus & numeris com-  
mune. Hæc vulgò æquiparata & Dig-  
nitates appellantur.

Principia propria sunt, quæ ad vnam *Propria.*  
duntaxat scientiam spectant; ut sunt  
in Geometria, *A quolibet puncto ad*  
*quodlibet punctum lineam rectam duci*  
*posse*; in Medicina, *Contraria contra-*  
*riis sanantur*; in Physica, *Ex nihilo*  
*nihil generatur*. Hæc pro diversa ra-  
tione Hypotheses, Postulata, & Defi-  
nitiones vocantur.

Principia communia ad Topicam, *Nota.*  
non Demonstrativam argumentatio-  
nem spectant, nisi quatenus extrâ de-  
monstrantibus inserviant, ad princi-  
pia propria confirmanda.

Affectio est accidens proprium; *Affectio.*  
quod per se & essentialiter subjecto  
scientiæ inhæret.

Tres sunt ejus conditiones, primò,  
ut inhæreat, secundò, ut per se inhæ-  
reat; id est, ut naturam & essentiam  
propriam subjecti consequatur: tertio,  
ut præcognoscatur, *quid* ejus nomen  
significat, *Quod* autem & *Cur sit*, per  
demonstrationem innotescat.

Quod in una scientia est affectio, in *Nota.*  
alia.

*Seç. 2.* alia potest esse Subjectum; sic Magnitudines & numeri accidentia sunt in Physiologia; sed in Mathematicis subiecti locum tenent.

His tribus partibus scientiæ respondent totidem partes demonstrationis, Subjectum de quo demonstratur; Principia per quæ fit demonstratio; & Affectio quæ demonstratur: ut si demonstremus risibilitatem esse affectionem, quæ homini ut primo subiecto inheret per rationalitatem, tanquam per causam proximam; tum enim veram risibilitatis scientiam acquisivimus; & hæc ratione Demonstratio dicatur syllogismus scientificus.

## CAP. III.

*De secunda definitione Demonstrationis.*

Finis demonstrationis exposito, dicendum est de mediis, quæ ad finem conducunt, seu de materia ex qua demonstratio conficitur, ut scientiam pariat.

*Materia  
syllogismi  
quinque  
notis com-  
stat.*

Materia ejus quinque notis insignitur, quas omnes Aristoteles in hac secunda definitione sigillatim enumerat.

De

Demonstratio est syllogismus scientificus, qui constat ex veris, primis, immediatis, notioribus, & prioribus, & causis conclusionis.

Sect. 2.

Prima conditio est, ut constet ex veris, seu ut alii addunt, necessario veris.

Prima conditio.

Veræ autem propositiones dicuntur, quorum prædicata verè dicantur de subiecto, & quo arctiori vinculo prædicatum cum subiecto unitur, eò magis elucescit veritas. Quum igitur ista propositiones debent esse summopere veræ, inde est, quod haberentur apprimè necessariae. Hinc est quod Aristoteles

tres neces- *Ἐξ ὅτι πάντες*, seu de Omni-  
sitatis gra- *ἕκαστον αὐτὸ*, seu per se.  
dus enu- *ἕκαστον αὐτὸ*, seu qua-  
merat. *tenus ipsum.*

Tres Gra-  
dus neces-  
sitationis.

*Κατὰ πάντας*, De omni est quod omni semperq; convenit; duæ igitur requiruntur conditiones, ut propositio sit de omni; Universalitas subiecti, ut prædicetur de omnibus subj. & con-  
tinentis *ut in vere verum est quod omnis arbor virescit.* Universalitas temporis, ut prædicatum subiecto attribuat sine ulla temporis aut loci exceptione, ut *Omnis homo est animal*, si prior conditio solum adsit, vocatur, *De omni prioristicum*, si addatur posterior dicitur,

Primus Gradus.

Eius con-  
ditiones.

De

Sect. 2.

De omni posterioriſtimum. Hoc autem differt à dicto de Omni in ſyllogismi regulis, quod illud ad unam propositionem, sed *Dictum de Omni* ad totum ſyllogiſmum refertur, prætereà *Dictum de Omni* ſolum ſubjecti universalitatem requirit, sed *Kære* *mutis* universalitati ſubjecti perpetuitatem temporis addit.

Secundus

Gradus.

Primus &  
secundus  
modus di-  
cendi per  
ſe.

*Kære* autem per ſe quadrifaria dicitur. Primus modus eſt quando prædicatum eſt de ſubjecti definitione, ut *Homo eſt rationalis*. Hujus quinque ſtatuantur prædicata Genus. 1. Remotum, & 2. Proximum, differentia. 3. Remota, & 4. Proxima, & denique 5. Definitio.

Secundus modus eſt, quando ſubjectum eſt de definitione prædicati; ut *Homo eſt riſibilis*. Huc ſpectant omnes propositiones quarum prædicata ſunt propriæ affectiones.

Dua con-  
ditiones.

Utrique modi duas conditiones requirunt, prima utriſque communis eſt, ut ſcilicet nexus ſit essentialis inter prædicatum & ſubjectum; ſecunda facit ipſos à ſe mutuo differre; nam ad primum modum requiritur, ut prædicatum ſit de eſſentia ſubjecti, ad ſecundum, ut ſubjectum ſit de eſſentia prædicati.

His

His duobus modis per se opponitur *Secundus*. I. primus modus dicendi per accidens quoniam scilicet nullus est essentialis nexus inter prædicatum & subjectum; ut per accidens *Corvus est niger*.

Hæc enim propositio est *per se* non autem *per accidens*, seu per se.

Tertius modus dicendi per se est, quando existentia de substantia dicitur; ut *Socrates est*. *Tertius modus dicendi per se.*

Huic opponitur secundus modus dicendi per accidens, cum existentia de accidente enuncietur; ut *Albedo est*. *Secundus modus per accidens.*

Sed iste tertius modus ad demonstrandum est inutilis, quod illius termini non sint realiter distincti. Existentia enim non est res distincta à re existente, nec est accidens reale, sed intentionale.

Quartus modus dicendi per se est; Quartus cum causa efficiens aut finalis de effectu, aut effectus de eisdem causis, prædicatur; ut *Fugulatus interiit*. Huic opponitur tertius prædicandi per accidens, in quo causa fortuita vel valde remota, de effectu prædicatur, ut *me ambulante coruscavit*.

*Ka. Solus prædictor*, quatenus ipsum est, Tertius in quâ attributum de subiecto non tantum universaliter, & per se, sed *Gradus necessitatis*.  
etiam

## Sect. 2.

etiam primò, immediatè, & reciproce  
prædicatur, ut *Omne vivens nutritur*.  
Hæc necessitas cum reperitur cum  
prædicatum; subjecto conveniat qua-  
tenus subjectum est tale, seu cum re-  
duplicatione subjecti; sic corvo simul  
conveniunt volatus & crocitatio, sed  
volatus, ut est avis, crocitatio ut est  
corvus; Quocirca corvus crocitat,  
est quatenus ipsum, non autem cor-  
vus volat.

*Qua sunt  
in tertio  
necessitatis  
gradu.*

Tria sunt prædicatorum genera in  
hoc necessitatis gradu. Primum est  
propriorum accidentium, ut *homo est*  
*risibilis*; secundum est, specificarum dif-  
ferentiarum, ut *homo est rationalis*; ter-  
tium est proximarum causarum, ut  
*quod vivit nutritur*.

## Reg. I.

Inter dictos necessitatis gradus po-  
sterior est semper priori perfectior:  
primus enim solum subjecti universa-  
litatem notat, cum perpetuitate tem-  
poris; secundus addit nexum essentia-  
lem, tertius reciprocationem. Quum  
autem Aristoteles dicat, quod *per se*,  
& quatenus ipsum idem sunt, illud  
intelligendum est de *per se* strictè  
sumpto, & verum est in primo modo,  
non nisi differentia proxima, aut tota  
definitio sit prædicatum; in secundo  
verò

verò modo semper veritatem obtinet, *Secl. 2.*  
 quod ibidem affectio de proprio sub-  
 jecto dicitur; nonnunquam etiam in  
 quanto reperitur, si modo sit nexus de-  
 finitivus inter causam & causatum,  
 ut inter eclipsin & terre obiectio-  
 nem, cum eclipsis, sine terræ obiecti-  
 onis mentione causaliter definire ne-  
 queat.

Primus gradus necessitatis in omni  
 propositione cujuscunque demonstrationis  
 cernitur.

Secundus & tertius ubique repe-  
 ritur, si medium demonstrationis sit  
 causa utriusque extremi; ut *Omne ratio-  
 nale est risibile, Omnis homo est ratio-  
 nalis, ergo omnis homo est risibilis*; ubi  
 rationale, non risibilitatis solum, sed  
 etiam hominis causa est: quod si medi-  
 um sit causa solius majoris extremi, &  
 non minoris, Propositio & Conclusio  
 sunt *Quatenus ipsum*; minor verò  
 tantum abest, ut *Quatenus ipsum* ha-  
 beat, ut aliquando non sit *per se*. v.  
 g. *Omne corpus sphericum recipit lumē  
 per incrementum; sed Luna est corpus  
 sphericum, ergo, Luna recipit lumen  
 per incrementum. Hic luna est sphari-  
 ca, est de Omni non autem per se, nec  
 quatenus ipsum, vera tamen est de-  
 monstratio.* *Se-*

## Sect. 2.

Secunda  
conditio.

Secunda conditio demonstrationis est, ut constet ex primis & immediatis. Prima autem seu immediata propositio dicitur, quando inter eius predicatum & subiectum nullum intercedit medium, quod sit causa inherentiæ prædicati in subiecto; ut *Omne homo est risibilis*.

Immediate-  
tas duplex.

Propositio duobus modis dicitur prima seu immediata, vel ratione causæ, quæ nullam habet mediam causam, per quam demonstrari potest; vel ratione subiecti quando predicatum non inest alteri subiecto priori.

## Nota.

Potest autem propositio esse prima ratione subiecti, quæ non est prima ratione causæ; sic *homo est risibilis*, est prima ratione subiecti, quia risibilitas primò homini inest, non autem ratione causæ, quia risibilitas homini inest per rationalitatem; nam rationalitas in causando est risibilitate prior; sed *homo est rationalis*, utroque modo est propositio prima, non solum ratione subiecti sed etiam causæ.

## Regula.

In omni demonstratione maior est immediata ratione causæ, quod in illa medius terminus cum maiore extremo (cujus causa est) coniungitur: conclusio autem immediata est immedia-



subiecti, quoniam in illâ affectio  
 & subiecto dicitur cui primario con-  
 vincit. Minor verò immediata est, si  
 medius terminus utriusque extremi  
 sit causa, aliàs mediata est actu, licet  
 immediata sit potentiâ, quatenus sci-  
 licet resolvi potest in unam immédia-  
 tam, quæ est definitio subiecti, & inde-  
 monstrabilis, ut postea patebit. Hæc  
 clarius elucescent, si exemplum sub-  
 iungamus.

*Omne rationale est risibile.* Est im-  
 mediata ratione causæ.

*Omnis homo* Est immediata ratione causæ  
 & subiecti, quia *rationalis est*  
*extra.* utriusque extremi, *hominis*, sci-  
*tionalis* licet & *risibilitatis*, causæ.

Ergo *omnis homo est risibilis*, imme-  
 diata est ratione subiecti, quia *risibili-*  
*tas homini primo inest.*

Quod si *receptio luminis per incre-*  
*mentum* de lunâ probetur *per spheri-*  
*cæ figuram*, ut superius demonstravi-  
 mus, minor erit, *Luna est spherica*, quæ  
 neutro modo est immediata, nec ratio-  
 ne causæ, nec respectu subiecti.

Tertia conditio est, ut constet ex *Tertia con-*  
*notioribus.* Ignotum enim per noti *ditio.*  
 us semper demonstratur, quocirca ne-  
 cesse est, ut termini sint præcogniti:  
 quod

Sect. 2.

Quatuor  
questiones.

An sit.

Quid sit.

Quod sit.

Cur sit.

Quod ut melius intelligatur, notandum est, quod quatuor apud Aristotelem recensentur quæ sita, duo simplicia, *An sit*, & *Quid sit*; duo complexa, *Quod sit*, & *Cur sit*.

Quæstio *An sit* inquit, *an sit* vel subiecti, vel prædicari, ut *An sit Luna*, *An sit Eclypsis*.

Quæstio *Quid sit*, naturam Prædicari aut subiecti seorsim investigat; ut *Quid est Luna*, *Quid est Eclypsis*. Estque vel *Quid nominis*, vel *quid rei*. *Quid nominis* declarat, *Quid nomen* importat, ut *quid significat Eclypsis*? *Quid rei* naturam & essentiam quæ sita investigat; *Quid est Luna*? *Quid est Eclypsis*?

Hæ duæ vocantur Quæstiones simplices, quia de terminis simplicibus quærunt.

Quæstio *Quod sit* seu *utrum sit* investigat, utrum prædicatum subiecto in sit; ut *utrum luna eclypsin patiatur*.

Quæstio propter *Quid*, seu *Cur sit*, inquit ob quam causam prædicatum subiecto tribuitur: ut *Cur Luna Eclypsin patiatur*?

Hæ duæ vocantur complexæ, quia de integris propositionibus quærunt.

Quatuor istæ quæstiones ad duas reduci

adui possunt: nam sub *Quid sit* con-  
datur, *An sit*, sub *Cur sit*. *Quid sit*,  
proinde *Quid sit* & *Cur sit* sunt per-  
fectæ quæstiones, *An sit* & *Quid sit*  
imperfectæ.

Subjectum & Principia in omni de-  
monstratione præcognoscenda sunt,  
& quid nomen significat, & quod finis.  
Affectio solum præcognoscitur, *Quid*  
nomen significat; *Quid enim* & *Cur*  
sit demonstratione probantur. Arque  
hinc est quod Aristoteles dicit demon-  
strationem à notioribus procedere;  
non solum quod propositiones sunt  
conclusionem notiores, sed quia subje-  
ctum de quo demonstratur, & princi-  
pia per quæ demonstratur simul sunt  
affectione notiora.

Quarta conditio cum tertia con-  
currit, & ex illa consequitur, quia e-  
nim principia sive causæ sunt notio-  
res, idè priores sunt conclusionem.

Prius autem & notius aliud alio du-  
obus modis dicitur, vel nobis, ut sunt  
omnia singularia, quæ sensibus objici-  
antur; vel naturæ, ut universalia, quæ  
intellectui solum sunt obvia, sic causæ  
naturæ, sed effectus nobis sunt notiores.

Demonstratio primario & præci-  
puè ex notioribus natura procedit,  
quia

Sect. 12.

Quomodo  
sunt dua  
tantum.

Reg.

Quarta  
conditio.

Prius dici-  
tur dupli-  
citer.

*Sect. 2.*

quia conclusionis proximam causam ostendit, & ex consequenti à notioribus nobis: quia omnis demonstratio ab nostram cognitionem fit; quando enim causa semel nobis innotescit, melius apprehendimus effecta. Hinc est quod demonstrationes alie procedunt à notioribus nobis ordinem nature servantibus, alie ex notioribus nobis ordine nature contrario utentibus, illae procedunt à causis ad effecta, hæ ab effectis ad causas, illae sunt *propter*, hæ autem *in*.

*Quinta conditio.*

Ultima conditio est, ut constet ex causis conclusionis, id est, ut medius terminus sit causa affectionis, quæ in conclusione de subiecto prædicatur.

*Quatuor causarum genera.*

Causa	Inter-	na	{	Mate-	{	quæ re in-
rii verò				ria,		trinsecus
quam-	{	Forma	{	constituens	{	que ex in-
or sunt		Effi-		secus, ad		
genera;	{	Ex-	{	ciens,	{	subiecti
duo sunt		terna		Finis,		naturam
						conducunt.

*Materialis.*

Causa materialis est, ex qua aliquid fit.

*Formalis.*

Formalis est, quæ dat intrinsecam essentiam substantiis, & accidentibus. Sic quando vana sunt ex terre purpurea, dine,

causa purredo terræ materialis, & rana sēb. 2.  
 causa formalis causa dicitur.

Causa efficiens est, quæ suā actione *Efficiens.*  
 aliquid producit effectum; Estque vel  
 externa, quæ semper cum actione aut  
 passione agit, ut quando ignis aquam  
 calfacit; vel interna, quæ solā emana-  
 tione effectum producit, ut rationali-  
 tas risibilitatem.

Finis est, cujus gratiā res fit.

*Finis.*

Omnia hæc quatuor causarum ge- *Quomodo*  
 nera demonstrationem ingrediuntur, *omnes*  
 sed duo externa primario, & eorum *causa de-*  
 ratione interna. Materia demonstrati- *monstrati-*  
 onem illam ingreditur, in qua acci- *onem in-*  
 dens per causam internam demon- *grediun-*  
 stratur, quia medium tale est, quale *tur.*  
 requirat materialem necessitatem cum  
 forma unitam, unde affectio emana-  
 ret; unde materia dicitur *conditio sine*  
 qua non, formam concomitans. Forma  
 vero est medium, quatenus est causa  
 efficiens interna, quæ per fluxionem  
 efficit aliquid. Restat igitur quodd effi-  
 ciens & finis propriè & primario sint  
 media demonstrationis: utriusque nos  
 exempla ponemus.

Inter quod ☉ solem terræ interponi-  
 tur, id lumine deficit.

Inter lunam ☾ solem terræ inter-  
 ponitur

## Sect. 2.

ponitur lumine igitur luna deficit.  
Item, Qui vult esse sanus, non vult  
cibum ad os ventriculi fluitare.

Ambulans post cenā vult esse sanus,  
non vult igitur fluitare cibum.

Prior demonstratio pro suo medio  
habet causam efficientem, posterior fi-  
nalem.

## Corollaria.

Ex his quæ de utraque definitione  
diximus, hæc colligenda sunt corolla-  
ria.

Primò quod ad terminos attinet.  
Subiectum in demonstratione semper  
est minor terminus, & aliquando est  
substantia, ut *homo*, aliquando acci-  
dens, ut *numerus*.

2. Affectio seu propria passio sem-  
per est maior terminus, & accidens,  
aut ab interna, aut ab externa causa  
constitutum; nunquam verò substan-  
tia potest demonstrari: ut enim res  
demonstretur, requiritur primò, ut  
causam extra essentiam habeat; secun-  
dò, ut per se & necessario substantiæ  
insit; per utramque conditionem ex-  
cluditur substantia, & per secundam  
accidens commune, solum igitur relin-  
quitur proprium accidens, quod dica-  
tur demonstrabile.

Quid est  
demonstra-  
bile.

3. Principium in demonstratione  
potest.

potissimā est proxima causa affectio-  
nis, & nonnunquam minoris extremi  
est causa, quando nimirum affectio  
demonstranda ab interna causa per e-  
manationem fluit; semper verò majo-  
ris, qualiscunque fuerit affectio.

4 Quod autem ad propositiones  
quæ demonstrationem ingrediuntur  
spectat, hoc solum in iis observandum  
majorem & conclusionem semper esse  
immediatam, illam primitate causæ  
hanc primitate subjecti; minorem ve-  
rò tunc temporis reperiri immediatam  
cum medium est subjecti forma, &  
utriusque extremi causa, aliàs semper  
esse mediatam.

## CAP. III.

## De Divisione Demonstrationis.

DEMONSTRATIO, non ut univocum, *Demōstra-*  
sed ut analogum genus primò divi- *tionis pri-*  
ditur in Demonstrationem propter *ma divisio.*  
Quid, & Demonstrationem Quod.

Demonstratio propter Quid, est *Demōstra-*  
prima & principalis species quam su- *tio propter*  
periore capite definivimus. *Quid.*

Demonstratio Quod, est quā res *Demōstra-*  
quidem esse ostenditur, causa tamen *tio Quod.*

Sed. 2.

Quomodo  
differunt.

eius non indicatur, sed effectus.

Hæ duæ species conveniunt, quod ambæ sunt à propositionibus veris, prioribus & notioribus conclusionem; sed differunt quod *non* procedit à prioribus secundum naturam, & causis proximis conclusionis; at *en*, vel ab effectu procedit, & sic non erit à causa; vel si à causa procedat, erit remota non proxima, & sic non constabit ex immediatis.

Demon-  
stratio pro-  
pter quid  
duplex.

Demonstratio propter quid subdividitur in *Simplex* & *Composita*.

Simplex.

Simplex demonstratio est, cujus ambæ propositiones sunt indemonstrabiles; ut sunt omnes illæ demonstrationes, quarum medium est pars essentialis subjecti; ut cum *risibile de homine per rationale demonstratur*.

Composita.

Composita est cujus minor propositio est mediata, ideoque eget prosyllogisticâ demonstratione, donec ad ambas propositiones indemonstrabiles pervenimus: ut si quis probaret *ignem tendere sursum, propter summam eius levitatem, tanquam per causam proximam*, huiusmodi esset eius demonstratio.

*Quodcumque leve est, tendit sursum;  
Ignis levis est, ergo, tendit sursum.*

Sed



Sed quia hæc minor propositio, non *Señ. 3.*  
 est per se immediata, ideo priori ali-  
 quâ probatione opus est, quam vocante  
 prosyllogisticam, quâ *levitatem de*  
*igne* demonstremus: ut quod *summè*  
*calidum est*, est *summè leve*, *Ignis est*  
*summè calidus*, ergo est *summè levis*.  
 Atqui cum ad primam causam adhuc  
 non sit perventum, ulterior probatio  
 est introducenda, in qua caliditatem  
 de igne per suam formam nobis ig-  
 notam demonstremus: ut *Quod for-*  
*mam ignis habet est summè calidum.*  
*Elementum ignis habet formam ignis,*  
 Ergo, *Elementum ignis est summè ca-*  
*lidum.* Cujus demonstrationis minor  
 cum sit immediata ulteriùs demon-  
 strari non potest, & proinde acquies-  
 cendum est in ipsa, tanquam in primâ  
 causâ jam inventâ.

Intet hos Syllogismos, primus voca- *Nota.*  
 tur Syllogismus principalis; reliqui di-  
 cantur Prosyllogismi seu Epagogici,  
 qui ducunt nos ad primum & princi-  
 palem syllogismum ritè intelligen-  
 dum. Atque hinc apparet, quomodo  
 omnes demonstrationes ex immedi-  
 atis constant, vel scilicet actu, ut Sim-  
 plex, vel potestate, ut Composita,  
 cujus minor per multas resolutiones

*Sect. 2.* tandem evadit immediata.

*Demonstratio quod duplex.*

Demonstratio quod duplex est, vel enim procedit à Causâ remotâ, ad effectum, Effectu ad causam.

*A causa remota.*

Demonstratio à causa remota, plerumque negativa est, & extruitur in secunda figura in *Camestres*, cujus ratio est, quoniam causa remota, ut plurimum, est amplior suo effectû, quare eâ positâ non necessario ponitur effectus, sed ablata tollitur.

In hac Demonstratione, effectus est major extremitas, qui cum causâ remotâ in majori propositione conjungitur, subjectum est minor, qui in minori à causa remota amoveretur, ut ab ipsa non constitutus, v.g. si probandum esset *Parietem non respirare*, quia *non est animal*, ad hunc modum extrueretur Syllogismus.

Ca. *Omne animal est respirans,*  
mes. *Nullus paries est animal,* Ergo  
res. *Nullus paries respirat.*

Fieri tamen potest, ut affirmative in prima figura concludatur, nempe si contingat causam remotam cum effectû reciprocari, ut *Quaecunque animam habent nutriuntur, Planta habet animam,*

*animam. Ergò Planta nutritur. Anima enim non est causa proxima nutritionis, sed potentia vegetativa ab anima dimanans. Sed quia hoc raro contingit, huiusmodi Syllogismi Aristoteles non respexit.*

Demonstratio ab effectu ad causam locum habet, quando effectus est notior, & causa ignotior: tunc enim ostendimus inesse alicui causam, et quòd eidem inest effectus, ut in naturali corpore probamus materiam inesse, quia eidem inest generatio, & naturale corpus motorem habere æternum, quòd eterno cietur motu.

Hæc Demonstratio potest extrui in prima figura & affirmativa, quia posito effectu ponitur causa; potest etiam fieri negativa, & in secunda si alicui subjecto causam non inesse ostendimus, cò quòd eidem non inest effectus.

Ex his quæ de prima divisione demonstrationis secundum materiam diximus, jampridem elucescat quid de secunda in 3 divisione quoad formam dicendum sit,

Bisariam enim dividitur vel	Secundum Qualitatem in	{ Affirmantem.	Secunda divisio demonstrationis.
		{ Negantem.	
	G 3	Se-	oniu.

## Sect. 2.

Secundum } Universalem.  
 Quantitatem in } Particularem.

Universa-  
lis demon-  
stratio.

Particu-  
lari.

Quomodo  
à particu-  
lari Syll-  
ogismo def-  
erit.

Universalis demonstratio est, quæ affectionem ostendit de universo sub-  
jecto, cui primo inest.

Particularis demonstratio est, quæ ostenditur prædicatum non de toto sub-  
jecto, sed de aliqua ejus parte. Hinc patet, quod universalis & parti-  
cularis demonstratio longè differunt ab universali & particulari syllogismo, in prioribus Analyticis. Demon-  
stratio enim universalis dicitur non à sub-  
jecto sed à prædicato universali, quando scilicet prædicatum inest pri-  
mo & immediato subjecto, quod si affectio quæ demonstratur toti gene-  
ri competat & demonstretur de specie aut speciei conveniat, & demonstre-  
tur de Individuo, vocatur particu-  
laris; quia affectio de parte sui sub-  
jecti demonstratur & non de toto. Ex-  
emplo res fiet clarior.

Omne quod habet in se principium  
motus est mobile,

Omne corpus naturale habet in se  
principium motus. Ergo,

Omne corpus naturale est mobile.

Hæc demonstratio est universalis,  
quia

quia nobile de corpore naturali demonstratur, tanquam de subiecto primo & immediato. *Sect. 2.*

Quod si dicam,

*Quod habet in se principium motus est mobile.*

*Omnia homo habet in se principium motus, Ergò,*

*Omnis homo est mobilis.*

Hic Syllogismus, licet in prioribus Analyticis pro universali habeatur, quoniam conclusionis subiectum est universale, cuiuslibet enim homini competit ut sit mobilis, tamen in Posterioribus dicitur particularis, quia affectio illa mobilitatis homini non competit, ut primo subiecto; non enim homo quia homo, sed quia corpus moveatur.

Demonstrationes particulares primo falsæ sunt, quia propria affectio primo subiecto in illis non attribuitur; secundo sunt supervacaneæ, qui enim novit affectionem suo primo subiecto convenire novit etiam ipsam omnibus illius subiecti speciebus attribui posse; & proinde demonstrationes particulares sub universalibus continentur.

Affirmans demonstratio est, in qua *Affirmans*  
G 4 pro-

*Sett. 2.*

propria affectio affirmatur de suo primo subiecto.

*Negans.*

Negans est, in qua propria affectio removetur ab eo, quod neque est proprium subiectum, nec illius species.

*Reg. 1.*

Affirmativæ demonstrationes præstantiores sunt negativis: non enim propriæ affectiones de iis rebus quibus non insunt, sed potius quibus insunt, demonstrari solent & debent.

*Reg. 2.*

Demonstratio potissima, seu propter *Quid* semper esset universalis & affirmativa, & proinde aptissimus concludendi modus est Barbara: nam causa quatenus causa semper respicit effectum cum quo prædicationem non faciat, nisi universalem affirmativam.

*Nota.*

Fiat etiam demonstratio propter *Quid*, in secunda figura & in *Camestres*, quando effectum non inesse ostendimus, quia eius causa non inest, ut *bestiam non esse risibilem, quia non est rationalis*, sed hæc minus in usu est & cadit à perfectione demonstrationis: sic enim distrahitur accidens à proprio subiecto, & alii opponitur, cui neque per se inest, nec ullo modo inesse potest.

*Reg. 1.*

Demonstratio *Quod* à causa remota est negativa; ab effectu vel affirmativa,

iva esse potest vel negativa. Hæc ex *Soff. 2.*  
his quæ prius statuimus sat manifestò  
apparent.

## CAP. V.

## De Affectionibus Demonstrationis.

Dux sunt affecti- Regressus. *Affectiones*  
ones demonstra- } Conversio in *due.*  
tionis } definitionem.

Regressus est illa demonstrandi ra- *Regressus.*  
tio, quâ prius causam ignotam ex ef-  
fectu notiore colligimus; postea verò  
regredientes ex eadem causa eundem  
effectum demonstramus.

Quum enim semper à notioribus  
sit progrediendum, effectus verò sæpe-  
numero elucescit, quando causa est  
incognita, idcò eum quandoque su-  
mimus, ut levem cognitionem causæ  
habeamus, causâ autem semel inven-  
tâ de ea discurret intellectus, ut exqui-  
sitam ejus noticiam haberet, quâ partâ  
regredimur rursus ad effectum per  
eam causam demonstrandum.

Tria igitur in regressu sunt ordine *Tria in re-*  
consideranda, primò demonstratio *gressu con-*  
causæ ab effectu: secundò, inventæ *sideranda.*  
causæ accurata consideratio; tertio,

*Sect. 2.*

demonstratio effectus ex illa causa, ut cum demonstretur materiam esse in corporibus naturalibus, quia in iisdem reperitur generatio; per Generationem quæ est materię effectus ad materiam cognoscendam pervenimus; sed quia materia confusè tantum adhuc cognoscitur, ideò secundo loco in ejus consideratione paululum insistimus investigando quid illa materia sit? nam à privatione differt? quomodo nulli formæ particulari sit addicta. Ultimo quidditate ejus cognita, exploramus tandem essentialem nexum inter causam & effectum, & regrediendo inquirimus quomodo hæc materia generationem producit, atque ita causa & effectus, quæ primo aspectu confuso quodam modo fuerunt cognita, hoc progressu & regressu distinctè nobis innotescunt.

*Exempli gratia.*

*Ab effectu ad causam.*

*Quod non scintillat id propè est,  
Planete non scintillant, Ergò, pro-  
pè sunt.*

*A Causa ad Effectum.*

*Quod*



Quod propè est id non scintillat, Sect. 2.  
Planete propè sunt, Ergò,  
non scintillant.

Ubi notandum quod in hoc regres- *Quomodo*  
su, sicut in quolibet alio, major pro- *regressus*  
positio simpliciter convertitur, unde *extrahitur.*  
necesse est mediam quandam interve-  
nire considerationem causæ, utrum  
nimirum proxima sit & immediata:  
nam si effectu latius pateret, cum ipso  
non converteretur, minor verò prioris  
syllogismi est posterioris conclusio, &  
conclusio ejus minor: atque ita perfici-  
tur regressus. Regressus enim pro-  
priè cernitur in posteriori demonstra-  
tione, quando à causa ad effectum re-  
gredimur, sed quia regredi non pos-  
sumus, nisi priori modo progressum  
faceremus: utriusque demonstrationis  
respectu Regressus dicitur.

Conversio Demonstrationis in de- *Conversio*  
finitionem est transpositio termino- *demonstra-*  
rum syllogismi demonstrativi in ve- *tionis in*  
ram causalem definitionem accidentis *definitio-*  
Dico [in definitionem accidentis] *nem.*  
quia ea definitio quæ est demonstra-  
tio positione differens non est Sub-  
stantiæ, siquidem ejus nulla habetur  
demonstratio, sed Accidentis tantum;  
idcirco

*Seft. 2.* idcirco de ejus definitione dicendum est.

*Triplex de-  
finitio.*

*Nomina-  
lis.*

Definitio verò accidentis est triplex.

Nominalis, quæ genere & subiecto constat, ut *eclypsis est defectus luminis in luna, tonitruum est sonus in nubibus.* Vocatur Nominalis, quia causam rei non continet, licet alio sensu appelletur essentialis, quatenus subiectum differentiae seu formæ locum tenet, quod cum genere adjunctum essentialem definitionem constituit.

*Causalis.*

Causalis, quæ accidentis causam declarat, ut *eclypsis est interpositio terre,* & hæc improprie dicitur definitio, quia non ipsam quidditatem, sed quidditatis causam declarat. Tertia definitio est, quæ ex nominalis & causalis unionem oritur, ut *Eclypsis est defectus luminis in luna, ortus ex terre interpositione. Tonitruum est sonus in nubibus propter ignis extinctionem.*

*Ex utrisq;  
conflata.*

Prima definitio est demonstrationis conclusio, secunda est ejus principium, tertia est ipsa demonstratio sita terminorum differens. v. c.

*Inter quod ☿ Solem terra interponitur, illud deficit lumine,*

*Inter Lunam ☿ Solem terra interponitur, Ergò, Luna*

*Luna deficit lumine.*

*Sect. 22*

Hujus demonstrationis Conclusio est definitio nominalis eclypseos. Medius terminus est ejusdem definitio causalis, tota demonstratio est perfecta & ejus definitio ex utrisque conflata.

*Circulus quid.*

His duabus affectionibus alii Circulum addunt. Syllogismus verò circularis est, quando ex majore conversa & conclusione minorem colligimus, & similiter ex minore conversa & eadem conclusione maiorem, sic enim ex propositionibus conclusionem & vicissim ex conclusione propositiones ostendimus: ut

*Omnes illi quos Deus absolvit, sunt absoluti à peccato,*

*Omnes eos qui sunt in Christo Deus absolvit, Ergò,*

*Omnes qui sunt in Christo, sunt absoluti à peccato.*

Iste Syllogismus ad hunc modum in orbem reducitur.

*Quos Deus absolvit, ii sunt in Christo,*

*Qui absoluti sunt à peccato, Deus absolvit,*

*Qui absoluti sunt à peccato, sunt in Christo.*

Circulus à regressu differt, quòd in regressu

**Sect. 2.** regressu est progressus primo à notio-  
*Quomodo* ribus secundum nos, deinde à notio-  
*à regressu* ribus secundum naturam; sed Circu-  
*differt.* lus est quando uterque processus est à  
*Cur im-* causa proxima, quod impossibile est,  
*probandum.* propterea quod sequeretur idem re-  
spectu ejusdem causam esse & effe-  
ctum notius & ignotius, prius & po-  
sterius secundum naturam. Licet igitur  
regressum inter affectiones admit-  
timus, Circulum tamen ut idem per  
idem probantem rejicimus & respui-  
mus.

## CAP. VI.

### *De Inductione Demonstrativa.*

**F**inito syllogismo Demonstrativo ad  
Inductionem procedo, tum quia est  
argumentationis demonstrativæ spe-  
cies, tum quod ad syllogismum de-  
monstrativum rite intelligendum ma-  
ximè confert.

*Inductio.*  
*quid.*

Inductio est proprium instrumen-  
tum, quo principia scientiarum quæ  
per se nota dicuntur nobis innotescunt:  
ut si quis dubitet *utrum totum sit*  
*maius sua parte;* visibili aliquo ob-  
jecto ostendimus, *hoc totum esse ma-*

in suâ parte, itemque aliud, eodemque Sect. 2.  
modo tertium, & proinde omne totum  
esse suâ parte maius.

Ad Inductionem tria præcipuè re- *Quoad ip-*  
quiruntur, primò, ut materia sit neces- *sam requi-*  
saria, secundò, ut sit essentialis, conne- *rantur.*  
xus subiecti cum prædicato, tertio, ut  
principia Inductione probanda sint  
naturaliter nota per se, & levi proba-  
tione egeant.

Per duas priores conditiones Indu- *Quomodo*  
ctio demonstrativa distinguitur à Dia- *differt ab*  
lectica, cujus materia non est necessa- *inductione.*  
ria & terminorum nexus est tantum  
accidentalis, & probabilis: unde ad  
principium dialecticum confirman-  
dum multæ Inductiones vix sufficiant  
ad Demonstrativum verò una aut al-  
tera satis superque est propter maxi-  
mum & evidentem terminorum ne-  
xum. Per ultimam conditionem Indu-  
ctio demonstrativa à demonstratione  
ab effectu differt; cujus officium est  
demonstrare principia naturaliter ig-  
nota, ad quorum inventionem Indu-  
ctio parum habet efficaciz, quia for-  
san res inveniendi non est per se sen- *Quomodo*  
sibilis, ut materia prima que per Gene- *à demon-*  
rationem invenitur, Inductione verò *stratione*  
inveniuntur ea principia, quæ sunt no- *ab effectu.*  
ta

*Sect. 2.* ta secundum naturam, & proinde percipiuntur, ut primum ostenduntur.

## CAP. VII.

*De Syllogismo Didascalico.*

*Quis est usus Syllogismi didascalici.*

**V**T Syllogismo Demonstrativo utimur in scientiis, ita didascalico in artibus & practicis disciplinis, quando in ipsis aliquid probamus ex propria rei de qua agitur natura, & per causam; in iis enim, sicut in scientiis, propria principia & reperiri possunt & explicari; & licet ars res singulares efficit, utitur tamen principiis universalibus per experientiam collectis in operando. Sic in Medicina, quae est ars factiva, probo haec dulcia huic febricitanti non convenire, quia omnia dulcia vertuntur in bilem, item in Ethicis probo felicitatem esse in numero honorabilium, quia principium est cuius gratia omnes omnia agunt, item, virtutem moralem esse laudabilem, quia in mediocritate est posita.

*Quomodo differt à Demonstrativo, quomodo à Dialectico.*

Differt à Syllogismo Dialectico, quia didascalici principia sunt propria, Dialectici verò communia; à Demonstrativo quia alter circa artes, al-

ter

re circa scientias versatur : aliàs, Demonstrativus & Didascalicus per omnia conveniunt, & proindè ab uberiori tractatione abstineo, quoniam quæ de Didascalico sunt dicenda diluculò suis apparent in iis quæ de Demonstratione iam pridem diximus.

## CAP. VIII.

De Syllogismo Topico & locorum divisione imprimis verò de locis Personarum.

**A**rgumentatio *τοπική* seu probabilis est, quæ in utramque contradictionis partem ex principiis communibus opinionem parit.

*Argumentatio probabilis.*

Communia principia voco vel axiomata topica, quæ per omnes disciplinas se expandunt : ut Cui convenit unum conjugatorum, eidem convenit alterum, Cui competit definitio eidem competit Definitum, vel sunt propositiones probabiles, quæ omnium aut plurimorum hominū iudiciis consentiunt, quæ ideò dicuntur Communia principia, quia non ex ipsarum rerum de quibus agitur naturâ, sed ex communi opinione trahuntur, vel denique sunt

*Communia principia quæ dicantur.*

**Seçt. 2.** Sunt propositiones quæ uni quidam disciplina propriæ sunt, sed pluribus questionibus in eadem disciplina sunt communes. v. g. *Omne corpus vi sentiendi præditum est animal*, ad naturam philosophiam propriè spectat, sed quia probationi plurimum questionum inseruit, ut quando quæreretur de homine, leone, equo, an sint animalia, non injuria inter probationes Dialecticas enumeretur.

*Opinionem parere.*

Opinionem verò parere est producere incertam & debilem cognitionem eorum, quæ aliter se habere possunt.

*Quomodo argumentatio probabilis differt à necessaria.*

Tribus modis argumentatio probabilis à necessaria differt, necessaria unam contradictionis partem statuit, & confirmat; probabilis circa utramvis ejus partem æqualiter versatur; necessaria constat ex principiis propriis, probabilis ex communibus; necessaria firmam cognitionem parit, probabilis solummodo opinionem.

*Argumentum.*

Hæc autem opinio per certas rationes hominum animis infunditur, quæ vulgò appellantur, *τῶν τε*, seu probabilia argumenta.

*Arguere.*

Argumentum est quod ad aliquid arguendum est affectum.

Arguere autem est vim quandam habere,



habere, quâ alterum accipiat aliquam *Sect. 2.*  
 rem, ut appareat quale sit & quo-  
 modo ejus ratio se habeat.

Hæc argumenta ex Locis Topicis *Locus To-  
 picus quid.*  
 depromuntur.

Locus verò topicus est sedes argu-  
 menti, seu index, demonstrans ex quo  
 fonte sumendum sit argumentum, quo  
 confirmanda est propositio, de qua  
 dubitatur.

Loci sunt duplices, Personarum, aut *Quom-  
 plex.*  
 Rerum.

Loci Personarum sunt, quibus uti-  
 mur in laudibus aut vituperiis perso-  
 narum, & licet hi loci Rhetorici appel-  
 lentur, & pertineant ad demonstrati-  
 vum genus, obiter tamen Dialecticis  
 materiis nonnunquam intexuntur, &  
 proinde levi penicillo hæc breviter sunt  
 delineandi.

Undecim sunt personarum loci, à *Loci perso-  
 narum un-  
 decim.*  
 quibus ad earum laudationem aut vi-  
 tuperationem argumentemur.

1 A Nomine, ut ex *Verris nomine*  
*Cicero ostendit eius rapacitatem, &*  
*Chrysgoni eius avaritiam.*

2 A Natura, in qua primò specta-  
 mus ejus nationem, ut *Germanus est,*  
 ergò *ferox Pannus,* ergò *fredifragus.*  
 Secundò sexum, *A natura enim com-  
 parata*

## Sect. 3.

parata est opera mulieris ad domesticam diligentiam, viri autem ad forenses. Tertio ætatem, ætatem enim aliam aliud factum decet, ut inquit Plautus: temerè eum fecisse non est mirandum, Puer enim est.

3 A victu, in quo consideramus primo parentes. quorum mores plerumque in sobolem propagantur: postea preceptores, Magna est enim vis discipline & studiorum: ultimò socios, nam bonus vir bonorum consuetudine gaudet.

4 A fortuna, sub qua comprehenditur tum vitæ genus, utrum in ocio an in negotio vixit, tum mors ipsa, nam qualis vita finis ita.

5 Ab habitu corporis consuetudine laboris comparato.

6 Ab affectione animi, utrum in literis progressum fecit.

7 A studiis, quibus maximè versatus est.

8 A consiliis, utrum nullam inhonestam rem voluit.

9 A Factis, quæ plerumque cum vitæ genere conveniunt.

10 A Casu, Honestæ enim causæ ornantur secundis eventibus.

11 Ab oratione, quæ studiorum & consi-

omnium bonorum est index, ut si dicamus: *Sec. 2.*

foris optime sensit & loquutus est de reli-  
quibus, quamobrem bonis viris nihil ab  
inquinamento periculi est pertimescendum.

Loci rerum ostendunt, quid in re- *Loci re-*  
bus ipsis sit considerandum, suntque *rum tres.*  
huiusmodi generum.

1 Interni, quia argumenta submi- *Interni.*  
nistrant, vel ad naturam rei de qua  
quæritur, vel ad ea quæ ipsam comi-  
tantur pertinentia.

Loci à substantia rei desumpti  
sunt. A Definitione, A Genere, A  
Differentia, A Materia, A Forma, A  
Toro, & Parte.

Loci substantiam concomitantes  
sunt quinque à Generatione, à Cor-  
ruptione, ab usu, à Proprio, à commu-  
niter accidentibus.

2 Externi qui continent argumen- *Externi.*  
ta, quæ à natura rei, de qua quæritur,  
omnino separata sunt; suntque unde-  
cem. 1. A Causa efficiente. 2. à Causa  
finali. 3. ab Oppositis. 4. à Disparatis,  
5. à Comparatis. 6. à Circumstantiis,  
7. à Signis. 8. ab Antecedentibus &  
Consequentibus. 9. A Necessario &  
Impossibili. 10. ab Exemplis. 11. ab  
Auctoritate.

3 Medii qui continent argumen- *Medii.*  
ta,

## Sect. 2.

ta, quæ partim conveniunt cum re de qua quæstio est, partim differunt, suntque duo à Conjugatis, à Divisione. Loci igitur viginti quatuor sunt, undecim Interni, & totidem externi, duo autem medii inter quos Exemplum & Authoritas Inartificiales habentur, quia in sua arte vim arguendi non habent, sed extra ipsam in testantur auctoritate omnes eorum vires sitæ sunt; cæteri omnes artificiales, quia ex insita vi & propria quasi arte arguunt.

## Observatio

Denique ubique hoc observandum, quod Locus Topicus nonnunquam sumitur pro notatione seu titulo axiomatis, sic alius est locus à Definitione, alius à Genere, alius à Toto, quandoque pro præcepto Maxima seu problemate dialectico, quod ex loco illo Topico colligitur, & in eodem fundatur: ut *Cui convenit definitio, eidem convenit definitum. Posito proprio ponitur eius subiectum*, sunt duo axiomata, quorum alterum petitur à Loco seu titulo definitionis, alterum à loco proprii.

Nos in hac tractatiuncula primo titulum proponemus, inde ostendimus quæ Maxima, seu problemata,

ex eodem titulo sunt exhaurienda ; à Sect. 2.  
 locis internis exordium sumentes, per  
 medios transibimus, & tandem in  
 externis terminabitur hæc tractatio.

C A P. IX.

De locis internis ad rei essentiam spec-  
 tantibus, scilicet à Definitione, Gene-  
 re & Specie, Differentiâ, Mate-  
 riâ, Formâ, Toto & Parte.

Loco à definitione utimur, quando  
 indagare volumus definitionem  
 alterius extremorum, hoc est, subjecti  
 aut prædicati quæstionis, quæ inventa  
 ponitur loco medii, ut cognoscatur,  
 utrum extrema illa conjungi an sepa-  
 rari debent; sic Petrum hominem esse  
 probamus, quia est animal rationale.

Huius maxima est.

A definitione ad definitum & vicis-  
 sim à definito ad definitionem argu-  
 mentamur & affirmative & negative,  
 [nam] cui tribuitur vel adimitur defi-  
 nitio, eidem etiam tribuitur & adimi-  
 tur definitum, ut homo est corpus ani-  
 matum sensibile, ergo, est animal: Simia  
 non est animal rationale, ergo non est  
 homo.

Defini-

*Sect. 2.*

Definitioni affinis est Descriptio quando enim rei essentia nos laet, sufficit ipsam quandoque describere, & rudi Minerva accidentali aliqua delineatione depingere.

*Maxima.*

A Descriptione ad descriptum, & a descripto ad descriptionem tum affirmative tum negativè concludi potest; ut *Manfuetudo est habitus laudabilis, est igitur virtus. Nullus habitus laudabilis vilescere facit possidentem: Ergo, non virtus.*

Definitioni & Descriptioni addamus Notationem nominis, seu Etymologiam, quæ ut in omni verbo non reperitur (plurima enim sunt vocabula primitiva) ita eodem modo non semper deducitur, sed aliquando à causa, ut *homo ab humo*; aliquando ab effectu, ut *terra dicitur Vesta, quia stat*; aliquando à dissentaneis, ut *lucis à non lucendo*; nonnunquam à comparatione, ut *Pyropus quia flammam imitatur.*

*Maxima.*

A notatione affirmative aut negativè concludimus; nam, cum quocunque convenit notatio cum eodem convenit notatum, & cum quocunque non convenit, nec istud conveniet; ut

die sapientie non incumbit, ergo non est philosophus, Incumbit, ergo est philosophus. Sect. 2.

**A** Genere argumentamur & à Specie, quando probamus aliquod generi non competere, quia species non competit, aut Speciei non convenire, quia Generi non convenit. A Genere.

Maxima.

1 Quicquid removetur à Genere removetur à Specie, ut Nullum animal est incorporeum, ergo nec homo est incorporeus; quod autem de Specie negatur non necessariò de genere negatur, ut homo non latrat, non sequitur ergo, Nullum animal latrat, quia Species est Genere angustior.

2 Quodcumque attribuitur generi, non statim attribuitur speciei, nisi universale signum sit oppositum, ut Datur animal rationale, ergo datur brutum rationale, non recte sequitur, quia, omne animal non est rationale. Quod si nota universalis addatur, statim sequetur argumentum, ut Omne animal est sensibile, ergo brutum sentit; Sensibilitas enim cuilibet animali convenit.

3 Quod non alicui speciei convenit, illud generi non competit; ut nec

H

ruta,

**Sect. 2.** *ruma nec salvia, nec aliqua alia species plantarum videt, ergo nulla planta videt.*

4 Quod uni aut alteri speciei convenit, illud etiam generi competit, sed particulariter. *Temperantia versatur circa voluptates moderandas, ergo, aliqua virtus circa voluptates moderandas versatur.*

3  
**A Differentia.**

**L**ocus à Differentia petendus est, quando probaremus speciem de re aliqua affirmari posse, aut negari, quia de eadem verificatur aut negatur ejus differentia specifica.

*Maxima.*

Cui tribuitur differentia specifica, eidem attribuitur species, à quo vero separatur ab eodem separatur, species, ut rationale est, igitur homo est. Non est homo, ergo non est rationale.

4  
**A Materia.**

**A** Materia argumentum ducitur quando probamus aliquid fieri posse, quia præsto est materia ex qua constituitur.

*Maxima.*

1. Posito & affirmato materiali, ponitur & affirmatur materia.

Notandum autem est, quod duplex est materia, vel permanens, quæ in materia.



materiata seu effecta permanet, ut la. *Sect. 2.*

*pedes & ligna sunt materia domus,*  
vel Transiens quæ non manet in re  
effectâ, sed mutatur, ita *farina & a-*  
*qua sunt materia panis?* In permanen-  
te causa valet argumentum ab esse ma-  
teriati ad esse materiz, ut *annuli aurei*  
*sunt, ergo aurum est;* in transeunte  
verò valet ab esse materiati ad fuisse  
materiz, ut *Panis est, ergo farina fuit.*

2 Sublato materiato non tollitur  
materia: unde non sequitur, *Aurei non*  
*reperiuntur annuli, ergo nec aurum,*  
*Panis non est, ergo non est farina.*

**R**atio à Forma ducitur, quando  
probatur Formatum actu non da-  
ri, quia ejus Forma non potest assig-  
nari.

<sup>5</sup>  
A Forma.

*Maxima.*

1 Posita forma substantiali res ipsa  
ponitur & sublata tollitur. Ut *Terra*  
*non vivit quia non habet animam ve-*  
*getativam. Homo est, quia anima ra-*  
*tionali est præditus.*

2 Posita forma accidentali ponitur  
res ipsa quæ denominatur, & sublata  
tollitur: ut *hoc lignum habet formam*  
*mensæ, ergo est mensa; non habet fig-*  
*uram navis, ergo non est navis.*

H 2

3 Tan-

## Sect. 2.

3 Tantum unaquæque res potest, quantum ejus forma permittit; Ignis enim calefacit mediante calore, quo cessante desinit operatio.

6

AToto &  
Parte.

A Toto & parte ducuntur argumenta, quum probaremus aliquid parti inesse, quia toti subjecto idem inest, aut toti non inesse, quia nulli parti communicatur.

Maxima.

1 Positis omnibus partibus integralibus & essentialibus, totum integrale & essentialiale sigillatim ponitur; unâ verò principali parte destructâ, totum concidit; ut si fundamenta sint iacta, paries sit structus & tellus impositum Domus extruitur. Quod si corpori humano semel præcisum sit caput, aut evolavit anima, non amplius est homo.

2 Quod essentialiter toti subjecto inest, illud partibus inesse dicitur, quod autem nullis partibus inest, nec toti inerit simpliciter, ut *Augmentatio essentialiter corpori vegetanti inest*, ergo, cuilibet parti inest. Nec *Judei*, nec *Gentes iustificantur per legem*, ergo, *Nullus homo iustificatus operibus legis.*

CAP.

## CAP. X.

De locis substantiam concomitantibus,  
 ductis à Generatione, à corruptione,  
 ab usu, à proprio, à communi-  
 ter accidentibus.

**A** Generatione rei locum petimus,  
 quando probaremus rem aliquam  
 bonam esse vel malam, quia ejus ortus  
 bonus erat vel malus.

*A Genera-  
 tione.*

*Maxima.*

1 Quorum ortus est bonus, ea eti-  
 am sunt bona, si ortus per se sit ma-  
 lus, ea semper sunt mala; ut *Institutio*  
*& ordinatio coniugii est bona, ergò ip-*  
*sium quoque coniugium est bonum. A-*  
*liena bona vi detrahare est simplici-*  
*ter malum, ergò opes eo modo acqui-*  
*te sunt simpliciter mala.* Intelligenda  
 autem est hæc maxima de ortu per se,  
 non per accidens: ut *Generatio homi-*  
*nis est per se bona, per accidens tamen*  
*fiat mala, si nimirum sit illegitima,*  
*vel hominem improbum, Ecclesie pestem*  
*aut reipub. labem producat.*

*Cautio.*

2 Si genita sint bona, ipsorum ge-  
 neratio est bona, si mala, malus erat  
 ortus, ut *Eruditio est bona, ergò literis*  
*invigilare, doctos præceptores audire,*

*Sect. 2.* studiis incumbere est bonum, quia his mediis acquiritur eruditio.

<sup>8</sup>  
*A Corruptio-  
tione.*

**A** Corruptione pari ratione argumen-  
tamur ac à Generatione, quando  
nimirum res bonas aut malas fuisse  
ab earum exitu probemus.

*Maxima.*

1 Quorum corruptio vel interitus  
malus est ea sunt bona, quorum vero  
corruptio est bona ea sunt mala: ut  
*Oblivio literarum est mala, ergo lite-  
re sunt bone. Carnis & veteris ho-  
minis crucifixio est bona, ergo vetus  
homo est quid malum.*

2 Si corrumpenda sint mala, cor-  
ruptio est bona; sine corrupta sint bo-  
na, corruptiones malae sunt: ut *Imago  
Dei in homine fuit quid bonum, ergo  
corruptio eius mala est, peccata sunt  
mala, ergo eorum abolitio est bona.*

<sup>9</sup>  
*De usu.*

**A**B usu rerum, argumentum fre-  
quens est & utile, dum ex uniuscu-  
jusque rei usu, ipsius bonitatem aut  
malitiam inquirimus.

*Maxima.*

Quod bonum usum habet id ipsum  
bonum est & è contra; cuius vero ma-  
lus est usus id ipsum est malum. *Cog-  
nitio*

utro Philosophia bonum habet usum. Sect. 2.  
 ergo Philosophia bona est. Venenorum  
 malum est usus, ergo Venena mala sunt. *Cautio.*

Quando verò rerum usus ab uen-  
 tum voluntate dependet, non semper  
 vera est hæc maxima, non miseria et  
 calamitates quidam ad bonum usum  
 vertunt, philosophiam etiam alii ad  
 errores suos incrustandos pessime ex-  
 ercent.

**I**oco à proprio utimur, quando  
 probaremus rem, quæ in contro-  
 versia est, non esse hanc aut illam sub-  
 stantiam, quia ejusdem proprietates as-  
 signato subiecto non rectè accommo-  
 detur. *IO*  
*A Proprio.*

*Maxima.*  
 Cui tribuitur vel adimitur accidens  
 proprium, ei quoque subiectum tribui  
 vel adimi necesse est: ut *Christus est*  
*ab eterno, ergo non est homo.*

**A** Communibus accidentibus argu-  
 gumentamur, probando subiectum  
 illud de quo agitur ita se habere, ut di-  
 cimus, quoniam iisdem accidentibus  
 imbuatur, quibus imbui solet. *II*  
*A communiter acci-*  
*dentibus.*

*Maxima.*  
 Posito accidente inseparabili poni-  
 tur ejus subiectum, & reipsa sublato  
 tollitur,  
 H 4

**Seft. 2.** tollitur, separabili autem accidente negato, non tollitur subjectum; nec posito subjecto, ponitur illud accidens: ut *Carbones isti sunt summe calidi, ergo sunt igniti*; non autem sequitur, *purpuratus est, ergo est rex*, nisi aliorum accidentium congeriem adjiciamus, ut quoddam in folio sedeat, sceptrum teneat, satellites ipsum tueantur subditi aperto capite ipsum circumstant.

## CAP. XI.

*De locis mediis Coniugatis,  
& Divisione.*

12  
*de Coniugatis.*

**L**OCUS à Coniugatis & Casibus utimur, quando ostenderemus abstractum alicui subjecto non inesse, quia concretum non inest, ut *ingredinem in nive non inesse, quia nix non denominetur nigra.*

*Maxime.*

**Limitatio.** 2. Posito uno conjugatorum ponitur alterum, & sublato tollitur; ut *juste agit, ergo est iustus, ignave pugnat, ergo est ignavus*: sed limitatio hujus regulæ ex morali Philosophiâ est petenda; nisi enim quis scienter, volenter, aut constanter actiones eas edat quæ

quæ ad habitum requiruntur, improprie denominetur secundum illum habitum agere; ut *iuste agit*, ergo *est iustus*, rectè concludit, quia iuste agere est scienter, volenter, & constanter secundum iustitiam agere: sed *iusta agit*, ergo *est iustus*, non sequitur, quia quispiam unam aut aliam actionem temerè & inconsultò agat, idcirco ab ea actione non est denominandus iustus.

3 Si conjugatorum unum uni conveniat; alterum etiam conveniet alteri: ut si *album sit coloratum*, *albedo est color*.

1 Sed huc summòperè cavendum ut prædicatio sit per se, id est, ut prædicatum & subjectum sint ejusdem naturæ: nam si duo concreta per accidens de se invicem prædicentur: ut *album est dulce*, & *dulce est album*, eorum abstracta de se invicem similiter non prædicantur; non enim dicimus *albedo est dulcedo*, nec *dulcedo est albedo*, quia prædicabantur per accidens, nec naturam suam communicant, ut *color albedini*, aut *sapor dulcedini*.

Limitationes.

2 Secundò observandum, ut vera assignentur denominativa secundum rem & significationem. Non enim sequitur *Somnolentus est vitiosus*, ergò

H 5

somnus

*Sec. 2.* *somnus est malus*, somnolentus enim non est homini, sed somnolentia denominativum, unde potius ratiocinandum est, *Somnus est bonus*; igitur *dormire est bonum*. Nihil enim refert utrum significatione tantum, an voce & significatione simul denominatio fiat; quod enim præcipue hæc quaeritur est significatio.

13  
A *Diviso-*  
30.

**L**ocus à divisione vim obtinet, quando aliquid membris dividendis competere ostenderemus, quia Diviso convenit, aut Diviso non convenire quoniam nullis membris dividendis conveniat.

*Maxima.*

1 Quicquid affirmatur vel negatur de omnibus membris dividendis, id quoque de diviso similiter affirmari aut negari oportet; & contra, quicquid de diviso materialiter negatur, illud de membris dividendis affirmari debet aut negari: ut si omnia *grassilia, reptilia, volatilia, natatilia* moveantur, animal ipsum moveri necesse est; & si animal ipsum non sit insensibile, nec *aquatilia, nec volatilia, nec reptilia* sunt insensibilia.

2 Condididentrum uno aut altero sublato



**CAP. XII. De Syllogismo topico. 177**

sublato manet reliquum, positoque **Señ. 2.**  
uno aut altero reliquum tollitur, ut  
*Animalium aliud sanum est, aliud e-*  
*grum, hoc animal sanum est, ergo non*  
*est agrum.*

Hujus canonis ratio est, quia mem-  
bra dividencia non possunt coincidere.

**CAP. XII.**

*De locis externis. A causa efficiente*  
*& finali, ab oppositis, à disparatis, à*  
*comparatis Circumstantiis, à Signis,*  
*ab antecedentibus, & consequentibus,*  
*à necessario, & impossibili, ab*  
*Exemplis, ab auctoritate.*

**L**ocus ab efficiente principali & per  
se probat effectum actu existere.

14

*A causa*  
*efficiente.*

*Maxime.*

Posita causa efficiente proxima &  
sufficiente ponitur effectus; ut posito  
*sole supra horizontem ponitur dies.*

Posita causa remota non ponitur  
necessario effectus, sublata verò tolli-  
tur.

Quicquid efficit tale est magis tale,  
ut ignis efficit aquam calidam, ergo est  
magis calidus; sed requiritur primo,

ut

Sect. 2.

Conditio-  
nes.

in affectio utrique subiecto inesset, unde non sequitur, vinum facit hominē ebrium, ergo est magis ebrium. secundō ut causa sit per se, tertio ut sit susceptibilis graduum, unde non valet, lūrum a Sole calet, ergo Sol magis calet.

15

A causa  
finali.

Causa finalis ostendit & mediorum & destinatorum naturam, juxta finem ad quem precipuē tendunt, & in quo acquiescunt.

Maximè.

1 Qualis est finis, talia sunt que tendunt ad finem, & propter finem suscipiuntur, ut si Princeps florantem omnibus rebus velit esse suam provinciam necesse est ut sincerus & fideles Ecclesie præficiat ministros, leges sanciat bonas, præmia bonis, & improbis supplicia decernat.

2 Posito fine ponuntur media ad finem; ut posita scientia, ponitur demonstratio, sed remoto fine cessant media, ut qui non cupit eruditionem consequi, non emet libros.

16

Ab Opposi-  
tu.

EX oppositis argumentamur, quum probaremus unum oppositorum subiecto non inesse, quia alterum inest aut contrariam eorum rationem esse

CAP. XII. De Syllogismo topico. 179

esse, quia sunt contraria.

Secl. 2.

Opposita sunt quadruplicia ut superius demonstravimus; Contraria, Privantia, Relativa, Contradictoria, & singula habent suos proprios Canones.

*Maxime.*

1. Posito uno relatorum ponitur alterum, & sublato tollitur, ut *Pater est, ergo habet filium; habet filium, ergo est Pater.*

Sed hæc maxima tenet solummodò *Nota.* in relatis secundum esse, non secundum Dici.

2. Posito uno contrariorum removenitur reliqua omnia, ut *aqua est calida, ergo non est frigida.*

3. Remoto uno contrariorum immediatorum ponitur alterum in subjecto capaci, in mediatis verò posito uno tantum negatur alterum; ut *hic homo est liberalis, ergo non est avarus, Non est sanus, ergo est æger.*

4. Posito habitu in subjecto capaci tollitur privatio & contrà, ut *Socrates cæcus est, ergo non videt; Videt, ergo non est cæcus.*

5. Posito uno contradicentium tollitur alterum, ut *homo est doctus, ergo non potest esse non doctus.*

Locus.

*Seft. 2.*17  
*A Dispa-  
ratio.*

**L**ocus à disparatis est petendus, cum probaremus res non confundi, sed in sua natura dissimiles esse & differentes.

*Maxima.*

Posito uno disparatorum removen-  
tur reliqua, remoto vero uno non sta-  
tim removen- tur reliqua; ut *hec scien-  
tia est Logica, ergò non est Metaphy-  
sica*; non autem sequitur, *Bucephalus  
non est Bos, ergò non est Equus.*

*Nota.*

Canon verò iste obtinet suam ve-  
ritatem, quando in abstracto loquimur  
& non in concreto, unde non sequi-  
tur, *Petrus est Grammaticus, ergò non  
est Logicus, cum uterque esse possit.*

18  
*A Compa-  
ratio.*

**A** Comparatis argumentum peti-  
mus, cum rerum similitudinem aut  
dissimilitudinem, quam habent ad se  
in vicem ostenderemus.

Quantitatis, ut *par* vel  
Comparata dicun- *impar*, quæ sub se majus  
tur vel ra- & minus comprehenduntur.  
tione *Qualitatis, ut simile &  
dissimile*, quibus proportio  
& disproportion referatur.

*Paria.*

Paria sunt, in quibus quantitas quæ  
comparantur, neque major, neque mi-  
nor est; sed quanta est in uno, tanta  
est in alio, ut *si stultus cum luna sit*  
con-

**CAP. XII. De Syllogismo topico. 181**

*Inferendus in inconstantia, si eo tan-* **Secl. 2.**  
*te est, in stulto, quanta est in luna, ra-*  
*tione mensura illius inconstantia,*  
*soltus & luna sunt paria.*

*Maxime.*

Si duo sint æquè paria & unum erit  
tale, alterum erit tale, si unum non erit  
tale, alterum non erit tale, ut si ratio  
& experientia sint Medico æquè ne-  
cessaria, experientia verò maxime est  
necessaria, etiam erit ratio.

Imparia sunt, quorum quantitas *Imparia*  
non est una.

*Maxime.*

Si quod minus videtur inesse inest,  
quod magis videtur inesse magis inest,  
in quod magis videtur inesse non in-  
est, nec id quod minus videtur inesse  
inerit, ut si ingratitude erga præcep-  
tores pœnam mereatur, maiori suppli-  
cio vindicandus est contumax eorum  
contemptus. Item, Quod Demosthenes  
non persuasit, multò minus persuade-  
bit Grillus.

Similia sunt quæ conveniunt Qua *Similia &*  
litate. Dissimilia quæ differunt. *dissimilia.*

*Maxime.*

1 Quod in uno similium valet aut  
non valet, illud cæteris convenire, aut  
non convenire dicatur, ut Johannes est  
mortalis,

**Secl. 2.** *mortalis, ergo Petrus est mortalis, in utroque enim est eadem virisimilitudo.*

2 *Dissimilibus dissimilia conveniunt ut anima rationalis & anima bruti dissimiliter informant, ergo haec mortalis est, illa immortalis.*

**Proportio  
& dispropo-  
ratio.**

Sub his contineri videntur loci à proportionem & disproportionem, qui tamen à prioribus differunt, quod illic una res uni cuilibet alii comparatur, hic verò non est rerum similitudo, sed quardam habitudinis comparatio.

*Maxima.*

2 De proportionalibus est idem iudicium: ut, *Quomodo se habet lumen oculi in corpore, sic rationis lumen in anima, oculus verò corpus dirigit, ergò ratio dirigit animam.*

2 De iis inter quæ non est eadem proportio, non idem erit iudicium. *Anima in homine non est ut nauta in navi, nauta verò non vivificat navem, ergò anima hominem informat.*

**19  
A Circum-  
stantiis.**

**A** Circumstantiis ducitur argumentum quando à loco, aut tempore rem ita esse, aut non fuisse colligimus.

*Maxima.*

1 Posito corpore aut alia quacunque re necesse est ei tempus attribui,

&

A remoto tempore universaliter res Sect. 2.  
ista removetur, ut *Pythagoras nondum  
natus fuit Numæ tempore, ergo Nu-  
mam non docuit.*

3 Posito corpore aut aliquâ aliâ  
re finitâ necesse est locum poni, neque  
absentis membra aliquid agunt in eo  
loco unde absunt: ut *Cicero non fuit  
Romæ, cum interficeretur Julius, er-  
go Julium non interfecit.*

A Signis argumentamur quando pro- 20  
bamus aliquid esse, quod huic aut *A Signis.*  
illi signo est conjunctum. Signa verò  
sunt vel necessaria, ut *lux astri ortus,*  
*luc conceptionis,* vel non necessaria sed  
quæ sæpè eveniunt, ut *Cometa est sig-  
num pestis.*

*Maxima.*

A signis necessariis valet conse-  
quentia perpetuò, & quandoque à non  
necessariis, præsertim si multa signa  
simul concurrant.

A B antecedentibus & consequentibus 21  
concludimus, quando probamus ef- *Ab antece-*  
sentiam posterioris per prioris essentiâ. *dentibus*

*Maxima.*

*confe-*

Posito antecedente ponitur conse- *quentibus.*  
quens, & sublato tollitur: ut *Sol est*  
*ortus, ergo terra est illuminata: Mulier*  
*non*

*Seft. 2.**Quando  
valet.**non fuit grvida, ergò, non peperit.*

Valet hæc Maxima si antecedens sit causa proxima, reciproca; perfecta, totalis & immediata, seu cum effectu conjuncta: item si antecedens sit subiectum universale, primum, aut signum necessarium.

22

*A necessa-  
rio & im-  
possibili.*

**A** Necessario & impossibili argumen-  
tamur, quando rem nullo modo se  
aliter habere ostendimus.

*Maxima.*

Cognitâ necessitate, aut impossibi-  
litate in artibus & consiliis, sublata  
dubitatione mens assentitur & obtem-  
perat necessariis, rejicit verò impossi-  
bilia: ut *Flumen non potest ponte aut  
vado transiri, necesse est igitur illud  
navigio tranare.*

23

*Ab exem-  
plis.*

**A**B exemplis aliquid confirmamus,  
quando ex aliorum factis hoc lici-  
tum aut illicitum esse declaramus.

*Maxima.*

Valet consequentia ab exemplis,  
cùm ratio similis appareat, non autem  
quando est dissimilis: unde non sequi-  
tur, *Moses rectè fecit spoliando Æ-  
gyptios, quorum hospitio longè usq[ue] fu-  
erunt Israëlites, ergò & nobis fas est  
spoliare hospites.*

Dispu.



**XIII. De Syllogismo sophist. 185**

**D**isputatur ex testimonio, quando **Señ. 2.**  
conclusioni fidem facere conamur  
auctoritate alicujus ponderis.

24

*Ab aucto-  
ritate.*

Testimonia s̄ Divina.  
non sunt vel Humana.  
*Maxime.*

Testimonia divina valent tum affir-  
mative tum negative: unde sequitur  
*credo & baptizatus sum ergò eternā  
vitā fruar. Sacre literæ nihil tra-  
dunt de invocatione Sanctorum, ergò,  
Sancti non sunt invocandi.*

Testimonia humana affirmative  
valent, si doctis, & artificibus proce-  
dunt, non autem negative, ut Cicero  
*dixit Sapientiā est nihil melius, ergò,  
fides est ipsi danda: non autem valet,  
Aristoteles nihil docuit de vita æ-  
terna, ergò, post hanc mortalem non  
datur vita aliqua immortalis.*

---

**CAP. XIII.**

**De Syllogismi Sophistici seu Fal-  
laci Divisione.**

**P**rimā tractatione de syllogismo tam  
necessario quàm probabili; ad so-  
phisticum seu fallacem procedendum  
est.

**Fallax**

## Sect. 2.

Fallax verò seu copiosa argumentatio est, quæ speciem & apparentiam veræ rationis habet cum tamen non sit vera.

Et quia contingit nos tribus modis decipi posse, vel cum argumentatio falsò concludatur ratione formæ, vel quando videtur necessariò ratione materiæ concludere & non concludi, vel quando probabilis apparet cū sit falsa. Secundum triplicem hunc errorem, capio. { Paralogismum, Pseudographum, Sophisticum. triplicem esse volumus.

Paralogismus est, qui falsò concludit ratione formæ, ut ex merè negativis, aut particularibus, aut affirmativè in secunda figura.

Pseudographus est, qui ex propriis alicujus disciplinæ principiis non autem veris ratiocinatur, ut si quis ita argumentetur. *Omnes lineæ ductæ ab eodem puncto ad idem, sunt æquales, linea recta & linea curva tendunt ad eodem puncto in idem, ergo sunt æquales*; hic Syllogismus est Pseudographus, quoniam malè utitur principio geometrico, verum enim est illud principium de lineis ductis per idem spatium, sed non per diversum.

Sophi-

**CAP. XIV. De Syllogismo fallaci. 187**

Sophisticus syllogismus est, qui fit *Seft. 2.*  
communibus propositionibus spe-  
cie probabilitatis animos ferientibus  
quando in sua natura non sunt veræ: ut

*Nulla opposita sunt simul vera,*

*Subcontraria sunt opposita, ergo*

*Non sunt simul vera.* Major enim  
videtur vera & probabilis, eò quòd  
multa opposita utpotè contraria, &  
contradictoria, non possunt esse simul  
vera; absolute tamen vera non est,  
quia aliter se res habet in subalternis.

Sed quia tyronibus, in cuius usum  
hanc tractatiunculam conscripsimus,  
acuta nimis hæc videatur fallaciarum  
distinctio, ut eorum captui nosmetip-  
sos applicemus, fallacias omnes ex  
vulgari opinione in duas partes distri-  
buemus, quarum aliæ sunt in Dictio-  
ne, aliæ extra dictionem, de utrisque  
pauca adjiciemus.

---

**CAP. XIV.**

*De fallaciis in Dictione.*

Fallaciæ in dictione sunt, ubi ambi-  
guitas magis in verbis quàm in re-  
bus hæret.

Barum sunt sex, Equivocatio, Am-  
phibolia,

Sect. 2.

Fallacia æquivocati-  
oni.

Solutio.

phibolia, Compositio, Divisio, Proso-  
dia, Figura dictionis.

Æquivocatio est, quando vocabu-  
lum ambiguum diversas significatio-  
nes habens, aliter in una, aliter in al-  
ia syllogismi parte accipitur.

Solvitur per distinctionem vocabuli  
æquivoci in suas diversas significatio-  
nes; ut si aliquis ita argumentaretur;

*Qui credunt salvantur,*

*Diaboli credunt & contremiscunt,*  
ergo *salvantur.*

Neganda esset consequentia, quia  
in majori propositione verbum illud  
*credit*, implicat *fidem salvificam*, in  
minore includit *fidem historicam*, &  
proinde quatuor sunt termini in hoc  
syllogismo.

Fallacia  
amphibol-  
ia.

Fallacia Amphiboliz est, quando  
ex orationis non vocis multiplici sensu  
oritur deceptio.

Hæc bifariam accidit: primò quan-  
do oratio plures sensus admittit pro-  
prios: ut,

*Quicquid est Aristotelis, possidetur*  
*ab Aristotele,*

*Hic liber est Aristotelis, ergo pos-  
sidetur ab Aristotele.*

Est enim ambiguum & anceps, ve-  
trum qui sic loquitur, significat librum  
hunc

CAP. XIV. De Syllogismo fallaci. 189

hunc esse Aristotelici ingenii foetum, Sect. 2.

usque possideri. Secundo, cum compositum habeat sensum proprium, alium Metaphoricum & improprium; ut,

*Quisquis arat littus, littus pro-*  
*scindit aratro,*

*At operam perdens, littus perhibe-*  
*tur arare,*

Ergo operam perdens, littus pro-

*scindit aratro.*  
*Littus enim arare, principaliter sig-*  
*nificat, terram que iuxta mare est*  
*arare, ut apta fiat suscipiendo semini;*  
Secundario autem & minus princi-  
paliter significat, *operam perdere, vel*  
*frustrà laborare,* propter quandam  
similitudinem, eo quod frustrà fiat  
labor ille, qui impenditur arando lit-  
tori.

Solvenda sunt hujusmodi argumen- *Solutio.*  
ta monstrando diversam totius orati-  
onis significationem, & exponendo  
propriam loquendi formulam.

Fallacia compositionis est, quando *Fallacia*  
conjunguntur ea quae non sunt con- *composi-*  
jungenda, vel ut alii planius definiunt, *tionis.*

est quando ex propositione vera in  
sensu diviso, & falsa in sensu compo-  
sito, inferitur conclusio falsa, quae ex eo  
antecedente non rectè colligitur, nisi  
sumpta

## Sect. 2.

sumpta in sensu diviso. v.g.

*Humilis potest esse superbus,*  
*Petrus est humilis, ergo Petrus est*  
*humilis & superbus.*

*Adam fuit iustus & peccator, ergo*  
*fuit iustus peccator.*

Hæc dubitatio solvitur ostendendo  
perversam compositionem.

*Solutio.*

*Fallacia*  
*divisionis.*

Fallacia divisionis est, quando ea  
quæ disjungenda non sunt, in conclu-  
sione separantur: vel, quando ex pro-  
positione verâ in sensu composito, &  
falsâ in sensu diviso, infertur conclu-  
sio falsa, quæ ex eo antecedente non  
rectè colligitur: ut,

*Impossibile est sedentem stare:*

*Petrus sedet, ergo impossibile est,*  
*ut stet.*

Item,

*Duo & tria sunt paria et imparia,*  
*Quinque sunt duo & tria, ergo*  
*sunt paria & imparia.*

*Solutio.*

Monstratur hæc fallacia, quando ea  
quæ dividenda sunt dividuntur, &  
sensus compositus à diviso distingui-  
tur.

*Fallacia*  
*Prosodia*  
*tribus mo-*  
*di oritur.*

Fallacia Prosodiz seu accentus est,  
quando ex vocabulis scripturam aut  
pronunciationem similem habentibus  
oritur deceptio.

Tribus

Tribus modis hæc fallacia oritur, Sect. 2.

1. Variatione Quantitatis, ut Quando eadem vox variis scripta aut pronuntiata accentibus, varium efficit sensum: ut,

*Omnia mala sunt detestanda,*

*Poma sunt mala; ergo Poma sunt detestanda.*

2. Vel ratione aspirationis, quando in uno loco vocabulum cum tenui Spiritu proferatur, in altero cum aspirato: ut,

*Annis ara est in templo,*

*Porcorum stabulum est bara, ergo*

*Porcorum stabulum est in templo.*

3. Vel ratione distinctionis, seu distractionis, cum simplex verbum in duo aut plura dividatur: ut,

*Omnis incuria est reprehendenda,*

*Senatus est in curia, ergo est reprehendendus.*

Differt à fallacia æquivocationis, Quomodo  
quia æquivoca sunt vocabula omni- differt ab  
nò una, hæc verò diversum tonum ha- æquivoca-  
bent. tione.

Solvitur hæc fallacia, quando verus accentus pro falso, vera scriptura pro notha ponitur.

Fallacia figuræ dictionis est, quan-

**Secl. 2.**

*Fallacia figuræ dicti-  
onis.*

do ex similitudine terminationis aut generis ejusdem vocis falsa colligitur eadem significandi ratio, ut si dicam, *penna est primæ declinationis*, ergo *et pena*. *Habeo est secundæ conjugationis*, ergo *& abeo*, quia eundem finalem terminum habent.

Huc etiam referuntur errores, qui oriuntur aut ex variatione casuum: ut,

*Telum est neutrius generis;*

*Sagitta est telum*, ergo, *Sagitta est neutrius generis.*

Aut ex variatione prædicamenti: ut,

*Quicquid emisisti, comedisti;*

*Crudum emisisti*, ergo, *crudum comedisti.*

Hic enim de una categoria in aliam fit transitus, nam prima propositio facit mentionem substantiæ; ut illam substantiam ederet, quam emerat, secunda Qualitatis, ut scilicet ederet, eodem modo quo emerat.

**Solutio.**

Solvenda est hæc fallacia cum distinctione rerum & prædicamentorum, tum reductione casuum obliquorum ad rectos.

CAP.



## De fallaciis extra dictionem.

Fallaciæ extra dictionem sunt, quæ non in nudis vocibus, sed in rebus ipsis extra voces latent; & sunt septem. Fallacia accidentis, à dicto secundum quid ad dictum simpliciter, Secundum non causam ut causam, Fallacia consequentis, Petitio principii, Ignoratio elenchi, à pluribus interrogationibus.

Fallacia accidentis duobus modis committitur, primo quando illud quod substantiæ soli convenit, attribuitur accidenti, aut contrà: ut,

*Omnis homo est substantia,*

*Hoc album est homo, ergò, hoc album est substantia.*

Secundò quando procedimus à negatione alicujus singularis, quod unitantum convenire potest ad negationem alterius, quod commune est pluribus: ut,

*Quod ego sum tu non es,*

*Ego autem sum homo, ergò, tu non es homo.*

Solvitur hic decipiendi modus per distinctionem, ubi demonstratur alia per se, alia per accidens, alia generaliter.

*Solutio.*

*Sect. 2.*  
*Fallacia a*  
*dicto se-*  
*cundum*  
*quid ad di-*  
*ctum sim-*  
*pliciter.*

ter, alia specialiter rebus convenire.  
 Fallacia à dicto secundum quid ad dictum simpliciter committitur, cum ex propositione vera tantum aliquo respectu, parte, aut tempore, aliquid tanquam simpliciter dictum inferatur, ut *Cadaver est homo mortuus*, ergo *est homo*. *Merces eiciende sunt in mare*, tempestate urgente, ergo *merces in mare sunt eiciende*. Huc etiam refertur illud Sophisma quod tam multos vexat. *Qui dicit Socratem esse animal verum dicit, qui dicit Socratem esse a finum dicit Socratem esse animal, ergo qui dicit Socratem esse a finum verum dicit*. Hujus Syllogismi major est limitanda, nam qui dicit Socratem esse animal non quodvis in specie, sed vel in genere, vel certâ differentia, ut rationali limitatum dicit verum, & sic minor erit falsa.

*Solutio.*

Solvitur hæc fallacia, ostendendo diversam propositionum acceptionem, quomodo altera absolutè, & simpliciter est intelligenda, altera limitatè & respectu loci, temporis aut alterius certæ considerationis.

*Fallacia ex*  
*ignoratio-*  
*ne Elenchi.* Fallacia ex ignoratione elenchi seu contradictionis est, quâ quis ex co  
 fallitur, quod malè redarguat, live  
 quod

quod conclusionem syllogismi con- Sect. 2.  
tra se pugnantis suæ quæstioni con-  
tradidit falsò existimet.

Elenchus enim sive redargutio ab Elenchus  
Aristotele definitur Syllogismus cum quid.  
contradictione conclusionis id est, col-  
ligens contradictoriam alicujus enun-  
tiationis certæ; ut si teneremus idem  
non posse dici æquale & inæquale, &  
aliquis hoc redargueret, exemplo à  
lignis ducto v. g.

Duo hæc ligna sunt æqualia secun-  
dum longitudinem, & inæqualia se-  
cundum crassitudinem; ergo eadem  
possunt esse æqualia & inæqualia: cō-  
mittitur fallacia ignorationis elenchi,  
quia putamus hanc argumentationem  
nostræ sententiæ contradicere; duo e-  
nim ligna diversâ ratione æqualia  
possunt esse, & inæqualia sed non re-  
spectu eiusdem dimensionis: non enim  
rectè instituitur contradictio, nisi sit ad  
idem, secundum idem, & eodem tem-  
pore, ut superius demonstravimus.

Solvitur hæc fallacia distinguendo Solutio.  
inter unam & alteram rei considera-  
tionem, quòd vel tempus non est idem,  
vel respectus est diversus, vel quòd  
de eadem parte, utraque conditionis  
membra non intelliguntur.

**Sec. 2.****Fallacia**  
*non causa,*  
*ut causa.*

Fallacia non causæ ut causæ oritur ex causarum inscitia, quando scilicet causæ aut falsæ, aut per accidens pro-  
 veris ponuntur: aut cum causæ non  
 sufficientes enumerantur, vel etiam  
 remotæ, ambientes, partiales, aut mi-  
 nus principales, & quæ stolidæ vo-  
 cantur; item cum à voluntaria causa  
 ad necessitatem effectus; denique cum  
 à fine improprio, seu abusu, ad causæ  
 pravitatem argumentamur, & cum  
 vitia personæ imputantur rei, ut *Male*  
*sunt divites, quoniam his abutuntur*  
*mali. Vinum malum est, quoniam ebrios*  
*facit, aqua mala est, quoniam eâ sus-*  
*focantur multi.*

**Solutio.**

Solvitur negando falsam causam, &  
 adducendo veram.

**Fallacia**  
*consequen-*  
*tii.*

Fallacia consequentis est, quando  
 putatur consequens inferri ex antece-  
 dente cum non inferitur; ut *Flavum*  
*est, ergo mel; quia mel est flavum.*

Duobus modis inferitur mala con-  
 sequentia, vel generaliter, quando ne-  
 gliguntur syllogismorum præcepta;  
 vel specialiter cum argumentatio pro-  
 cedat à genere ad speciem affirmativè,  
 ut *Civitas est igitur Athene,* à specie  
 ad genus negativè; ut *Socrates non est*  
*brutum, ergo non est animal.* A causa  
 ad-

adiuvante ad effectum, ut *Machinas Scyth. 2.*  
*bellicas fecit*, ergo ad bellum est pa-  
 ratus, ab effectu ad causam adiuvan-  
 tem, ut *Doctus est*, ergo *Athenis fuit*.  
 A partibus ad totum partitione plena  
 non facta, ut *Alexander Persas &*  
*Indos vicit*, totum igitur terrarum or-  
 bem subegit.

Solvitur vel ostendendo, quod dire- *Solutio.*  
 ctè Syllogismus non rectè secundum  
 formam concludit, vel demonstrando  
 quod consequentia debilis est ratione  
 materie secundum quam concluditur.

Fallacia à petitione principii cer- *Fallacia à*  
 nitur, quando id ipsum quod est quæ- *petitione*  
 stione, ad suipsum probationem assu- *principii.*  
 mitur, verbis forsan ad fraudem pau-  
 lulum immutatis; vel quando ad quæ-  
 stionem probandam præmissæ addu-  
 cuntur tam incertæ, vel etiam ignoti-  
 ores, quàm res ipsa controversa, ut *A-*  
*nima est immortalis, quoniam est mor-*  
*talis expers. Omnis homo est risibilis,*  
*quia aliquis homo est risibilis.*

Solvitur ostensa propositionum i- *Solutio.*  
 dentitate & negatione.

Fallacia plurium interrogationum *Fallacia*  
 est, quotiescunque duæ aut plures in- *plurium*  
 terrogationes, ita indigestæ & confu- *interroga-*  
 sæ proponuntur, ut speciem unius *tionum.*

**SECT. 2.** tantum præ se ferant. Hæc duobus modis committitur, primò cum plura sunt prædicata, ut *Sitne homo animal rationis particeps*, *immortale & discipline capax*? secundò, quando plura proferuntur subiecta, ut *Nonne Virgilius, Propertius, Ovidius fuerunt Poëtæ turpissimi*?

**Solutio.**

In solutione hujus fallaciæ distinctè ad quamlibet quæstionis partem respondendum est; sic enim ut alios non fallas impediatur tua integritas, ita ut ab aliis fallaris non permittatur tua solertia.

Discurso illativo plenè & perfectè his duabus sectionibus absoluto, ad ordinativum procedam, quem hæc postremâ Sectione breviter expediam.



**SECT.**



SECTIO TERTIA  
LIBRI TERTII  
*Uno Capite absolvenda.*

*De Ordine.*

**S**icut discursus illativus aliud *Discursus*  
ex alio probare docet, ita *ordinati-*  
ordinativus ostendit, quo *uno.*  
modo definitiones, divisio-  
nes, & reliquæ partes cujuscunque artis  
aut scientiæ rectè inter se connectan-  
tur, ut aliæ præcedant, aliæ conse-  
quantur.

Hic vulgò ordo aut Methodus vo-  
catur: ambo enim vocabula nos pro-  
miscuè usurpamus, quatenus per illa  
res disponuntur, ut faciliùs eas cog-  
noscamus.

Quoniam verò contingit ut aliud  
alio duobus modis notius & ignotius  
dicatur vel naturâ, vel nobis; hinc du-  
bitatio non levis oritur, utrum iste or-  
do magis à natura, quàm à nobis, no-

## Sect. 3.

*Notius ali-  
ud alio du-  
obus modis  
dicitur.*

tis procederet : Hanc controversiam nos duplici hâc distinctione solvemus. Quando dicimus quod aliud alio rerum natura est notius, illa rerum natura duobus modis potest intelligi, vel ut est rerum ipsarum natura extra omnem nostram cogitationem positum, vel ut res ipsæ ad nos cognoscen-tes referuntur; sic Principia in philoso-phia naturali dicuntur compositis no-  
tiora secundum naturam, & quia nobis non cogitantibus ex iis composita con-  
stituantur, & quod nos ducunt in cog-  
nitionem naturæ compositorum.

*Notius no-  
bi duplex.*

Secundò, Notius nobis etiam (ut prius notavimus) bifariam intelligatur, vel ut servamus naturæ ordinem, vel ut ordine naturæ contrario utimur, ita in cognitione nostra confusa esse-  
ctum primò cognoscimus, & per esse-  
ctum ducimur in cognitionem causæ : sed hæc cognitio adhuc est confusa, dum contra naturæ ordinem procedi-mus; in cognitione verò distinctâ se-  
cundum naturam progreditur intelle-  
ctus, primò apprehendendo causâ, ut per causam tandem in distinctam ef-  
fectus cognitionem perveniamus; ita generatio materiæ primæ, & primæ materia generatione alia atque alia respectu



aspectu nobis notior. Generatio est Sect. 3.  
 materia prima notior confusa nostra  
 cognitione, dum causam per effectum  
 intelligimus, & materia prima cog-  
 nitione distincta est generatione notior,  
 quia est eius causa, quâ cognita effe-  
 ctum cognoscimus.

His distinctionibus pro fundamen-  
 to factis, hæc extruenda sunt corollaria.

1. Total ordinis ratio à meliore &  
 faciliore materiæ cognitione dependet.

Ratio est, quia ordo instrumentum  
 est ad cognitionem non ad rerum ge-  
 nerationem conferens; Ideoque in  
 ordine commoditas & facilitas cog-  
 nitionis maximè est quærenda; quod  
 si progrediamur ab iis, quæ nobis  
 sunt notiora, ad ea quæ nobis sunt  
 ignotiora.

2. Ordinandi ratio non procede-  
 ret à notioribus quoad naturam, nisi  
 quatenus ea sunt nobis notiora; ita e-  
 nim sequeremur nullum alium esse  
 ordinem præter analyticum. Et licet  
 Aristoteles nonnunquam ab universa-  
 libus ad particularia, & proinde à na-  
 tura ad nobis nota procedere quibus-  
 dam videatur, ut in principio physico-  
 rum, à principiis ad composita; non  
 tamen

Sect. 3.

tamen ita intelligendus est Aristoteles, quasi naturâ notiora primo ordine sunt collocanda, sed potius quia ea que sunt notiora naturâ, in sua nuda existentia, nobis etiam ordinem naturæ sequentibus in cognitione distincta prius se offerunt cognoscenda. Ita enim Aristoteles in primo Physicorum exordium sumpsit à principiis, non quia naturâ priora sunt effectis, sed quoniam aliorum cognitionem assequi non possumus, nisi ex principiorum cognitione, itaque ex nostra cognitione rationem illius ordinis accepit, & non ex rerum natura.

Ordo (cùm sit cognitionis instrumentum) ex fine diversarum disciplinarum est dividendus; quam enim inter disciplinas, aut earum cognitionem propter seipsas quærimus, & eam adepti quiescimus, quod evenit in scientiis contemplativis; aut ipsam cognitionem propter se non quærimus, sed ut acquisitam ad operationem dirigamus, quod in practicis artibus contingit; pro diversitate harum cognitionum ordo in duas partes diversas dividitur.

Omnis enim ordo qualiscunque ille sit, vel est

*Ordo in  
duas par-  
tes divi-  
ditur.*

Surd.

- 1 ΣΥΝΘΕΤΙΚΟΣ, seu compositivus. Sect. 3.  
 2 ΑΝΑΛΥΤΙΚΟΣ, seu resolutivus.

Ordo Syntheticus, seu compositivus est, qui à principiis progreditur ad ea, quæ constant ex principiis, ut fiat perfecta rerum cognitio. Iste in scientiis solis solus cernitur: cum enim resolutivus semper à fine auspiciatur, qui in disciplinis contemplativis nihil est nisi ipsa rerum scientia, quæ à rebus sciendis reipsâ non differt certe in iisdem nullum habeat locum, unde relinquitur quod solus ordo syntheticus ad quaslibet scientias tradendas est necessarius. Ita physica scientia quoniam ad contemplationem solum Ubi observatur, secundum ordinem syntheticum, primò de communibus rerum naturalium principiis materiâ, formâ, et privatione, unâ cum communibus rerum naturalium affectionibus agit. Ab his ad magis composita, nimirum ad corpora simplicia progreditur, ab his ad mixta, perfecta, imperfecta, animata, inanimata, donec omnium rerum cognitionem habeat in qua acquiescit.

Ordo analyticus est, qui à proposito ultimo fine, sive agendo, sive à nobis hystericus.

efficiendo progreditur, ad prima principia investiganda, quibus finis perfici-

Sed. 3.

Hic in artibus practiis solum terminatur: licet enim artes operantes ordine compositivo utentes à principiis initium sumunt, & ad compositum procedunt, ut in arte edificatoria, à lapidibus, & lignis comparandis, ad domum extruendam progredimur; in artibus tamen docentibus ordine, plane contrario utimur, cum enim in ipsis finis semper proponitur certus, de quo fiat nulla consultatio, ut finis exercitus est victoria; sequitur quod tota consultatio esset de mediis ad finem ducentibus, & proinde à fine qui nobis motus est ad ignota media progredi non possumus, nisi ordine resolutivo. Hujus ordinis evidentem instantiam nobis præbet Ars Ethica seu moralis, quæ à felicitate, ut à fine ad virtutes quæ sunt media ad felicitatem ducentia à ratione progreditur.

In utroque tam resolutivo quam compositivo ordine summopere videndum, primò ne qua pars desit, secundò nequa superfit, tertio ne qua inutiliter reperatur, ultimo ut omnes partes, aptis transitionibus sint connectendæ.

LECTO.



LECTORIBVS  
DOCTIS & IN-  
DOCTIS.

**N** docti non damnent  
quod ipsi nesciunt ;  
docti non inuideant,  
quod ipsi novum pu-  
tant ; ab utrisque peto, si alicu-  
bi erratum sit, illud castigent,  
non culpent, si quid ab illis me-  
rui, ut Deo, non mihi gratias  
rependerent. Valete.

FINIS.